

ARGUMENTA

Pro Immaculata CONCEPTIONE
Beatæ MARIÆ Virginis,
deducta

Ab Aritate.

Multiplex Auctoritas est pro Purif-
sima hac Conceptione : eam nu-
meris distinguemus.

I.

*Auctoritas Ecclesiæ Uni-
versalis.*

Primò. Ecclesia celebrat Festum
Conceptionis Beatæ Virginis. San-
cta igitur est & Immaculata ejus Cõ-
ceptio.

Vis Consequentiæ patet : Tum quia
sic S. Thomas 3. p. q. 27. a. 1. arguit:
*Ecclesia Romana celebrat Nativitatem B.
Virginis. Ergo Beata Virgo in sua Nati-
vitate fuit Sancta. Si ergo hæc Sancti*

A

Tho-

*Domitij Varsaviensis Socii S. S. M.
Provincia Polona*

Thomæ consequentia ex Festo Nativitatis Marianæ deducta concludit ; & nostra à pari ex Festo Conceptionis deducta concludet : Tum quia & alii S S. Patres ante Divum Thomā ex Ecclesiæ auctoritate celebrantis prædictū Festum Nativitatis Marianæ inferunt certam Sanctitatem Virginis in sua Nativitate. Nam S. Ildephonsus lib : de Parturitione & Virginit : DEIPARÆ ait : *Enim verò, si non beata esset, nequaquam tam festiva celebraretur ab universis : sed quia tam sollemniter colitur, constat ex auctoritate Ecclesiæ, quòd nullis, quando nata est, subiacuit delictis, nec contraxit in utero sanctificata Originale peccatum.* Et S. Bernardus ep : 173 inquit : *Fuit procul dubio Mater Domini ante Sancta, quàm nata : nec fallitur omnino Ecclesia, Sanctum reputans ipsius Nativitatis diem.* Recta ergo, quia conformis S S. Patrum argumentationi Consequentia à Festo Conceptionis in Ecclesia solenni ad Conceptionis puritatem. Nam & hîc par est Eccle-

Pro Immac. Concep. B. M. V. 3

Ecclesiæ auctoritas, quæ pro Nativitate Virginea tantoperè ex Patrum mente militat. Tum quia Ecclesia Nativitatem Joannis Baptistæ celebrat, quia Sanctam; nec illam alias celebraret. Ergo & Virgineâ Conceptionem celebrat, quia Sanctam.

Secundò : Ecclesia Romana Conceptionem Beatæ Virginis vocat Sanctam, dum canit : *sintiant omnes tuum invamen, quicunque celebrant tuam Sanctâ Conceptionem.* At Sancta Conceptio non esset, si peccato originali fuisset inquinata : Quis enim Sanctus, dum est in peccato mortali, quale etiam est originale ? Imò *si in peccato esset*, (addit supra Ildephonsus) *inre maledicta potius & gemebunda diceretur, quam benedicta & Sancta.*

Confirmatur : Et Conceptionem, & Nativitatem Virginis Sanctam vocat Ecclesia. Sed dum Nativitatem vocat Sanctam, intelligit eam fuisse immunem à peccato originali ; ut etiâ ex Patribus est indicatû. Ergo etiam

A 2

dum

dum Conceptionē illius vocat Sanctam, cēsenda est similiter immunis.

Rectè tamen notat Vasquez, quòd Ecclesia natam cum sanctitate B. M. Virginem, ceu dogma certum, & definitum profiteatur; cū sanctitate autem Conceptam, ceu dogma magis probabile, magisq; Pium agnoscat.

Confirmatur præterea : Eodem Officio Divino colit Ecclesia Nativitatē & Conceptionem Virgineā. Sancta igitur est utraque : alioquin non rite coleretur eodem Officio Sanctitas & peccatum.

Confirmatur denique : Ibidem Ecclesia vocat Gloriosæ Virginis Conceptionem dignissimam. at dignissima non esset, si dignior esse posset, esset autem dignior, si esset immaculata; Nempe talis dignior, & matre Dei, & Filio Altissimi magis congrua foret. Ergo.

Ad eandem auctoritatem Ecclesiæ adhuc pertinent duo sequentes numeri.

II.

Auctoritas Conciliorum pro Immaculata Conceptione B. V.

Primò : Concilium Tridentinum B. Virginem luculenter excipit à Decreto de peccato Originali, & ab illis generalibus Sacræ scripturæ Propositionibus, in quibus dicuntur omnes in Adam peccasse, omnes esse naturâ filii iræ. Ergo Pia sententia est iuxta mentem Concilii, & universæ Ecclesiæ ibi congregatæ. Dicit enim Concilium hoc *Sess: 1. Declarat autem hæc Sancta Synodus, non esse sue intentionis, comprehendere in hoc decreto, ubi de peccato originali agitur, Beatam & Immaculatam Virginem MARIAM Dei Genitricem. Atqui hoc idem docet censetq; Pia sententia. Censet igitur iuxta mentem Concilii.*

Imò ex hoc loco Tridentini, non tantum à peccato Originali, sed à debito etiam proximo illius contrahendi B. Virginem fuisse liberam colli-

gitur sic: Tridentinum postquam ibi omnes alios homines & in peccato cōcipi seu naturâ filios iræ; & omnes in Adamo peccâsse, atque adeò trās-fusas in eum fuisse omnium voluntates declaravit, & definivit; ab hoc utroque definitivo decreto eximit B. Virginem. Ergo non vult dici ac sē-tiri, transfusam fuisse illius voluntatem in voluntatē Adamī; consequē-ter à debito proximo peccati illius vult eam fuisse immunem. Idem enim est ab hoc debito proximo fuisse immunem, & in pacto illo cum Adamo ac ejus voluntate inclusam non fuisse, seu in Adam non peccâsse.

Secundò: Concilium Basileense celebratum Anno Domini 1634 (quod tantum ratione schismatis cōtra Pō-tificē Nicolaum V. non fuit approbatum quoad omnia, ut habet Bellarminus lib: de Conciliis) hoc, inquam, Concilium jam definiverat communi Patrum suffragio, B. Virginem in sua Conceptione fuisse im-munem

munem à culpa Originali, ac ejusdē Conceptionis Festum in tota Ecclesia solenniter peragere mādārat Sess. 35. Ergo totius Ecclesiæ, quam Concilium repræsentat, sensus fuit, sine peccato Originali fuisse conceptam. Id quod etiam testatur Æneas Sylvius, qui fuit postea Pius I I. Pontifex Maximus, in Commētariis Concilii Basileensis lib. 1 & 2. Quod argumentum tantò firmitus est, quòd Gabriel Serm : de Conceptione ; item Bernardinus de Bustos Serm. 8. testatur, quoad hoc punctum, de quo agimus, fuisse sententiam approbatam decimoquinto Kalendas Octobris, Anno 1439 ; quam determinationem sub plumbea signatura se Romæ vidisse idem Gabriel testatur.

Tertiò : Huc facit Concilii Francfordiēsis auctoritas celebrati sub Anno Domini 780, quod sic agit : *Meliorē terrā animatā & immaculatā* (Filius Dei) *Factus est Homo* dicēte Apostolo : *Primus homo de terra terrenus ; Secundus*

Homo de cælo cælestis. Vbi Concilium terræ nondum maledictæ, ex qua formatus primus Adam, præfert B. Virginem ceu terram animatam & immaculatam ac meliorem; imò quæ collata terræ nondum maledictæ, cælum sit potius, dicenda; tantumque distet ab illa, quantum à terra distat cælum: ideò dictum est: Secundus de cælo cælestis; quod cælum immediate dicitur terra melior, Virgo immaculata. Atqui non fuisset melior & immaculata, si maledicto Originali subjacuiſſet; cùm tamen terra, ex qua Adam formatus, non fuerit maledicta. Ergo.

III.

Auctoritas summorum Pontificum pro Immacul. Concept.

ROmani Pontifices Piam sententiam de Puritate Conceptûs Mariani constantissimè amplexi, magnis favoribus prosecuti, toti Ecclesiæ, tunc cultu Festi indicto, tum Bullis Pontificiis

ificiis tenendam suaserunt ; tādē-
que oppositæ sententiæ silentium sub
gravibus pænis indixerunt. Quantū
hinc Piæ sententiæ suffragium, quam
solam vult retineri Sedes Apostolica,
suoque iudicio illam in praxi præfert
ac præferēdam docet, vetādo doctri-
nam oppositam ? Ostēdo id longā in-
ductionē. Nam

Primò : (Vt testatur Hippolytus
Marratius in libro de Pontificibus
Marianis, cum approbatione Regi-
naldi Lucarini Magistri Palatii Ro-
mæ edito) Adrianus I V. de Imma-
culata Conceptione librum conscrip-
sit : at verò Innocentius V I I. (qui
vixit Anno Domini 1404) Joannem
Montesonum, qui in cōcione ad po-
pulum asseruerat, Beatam Virginem
in peccato Originali conceptam, ur-
gente Parisiensi Academiâ ad palino-
diam canendam cōégit : Alexander
V. qui vixit Anno Domini 1400. an-
te Pōtificatum, Purissimam Virginis
Conceptionem calamo defendit: de-

in Pontificatu pro eadem constitutionem Apostolicam edidit.

Secundo : Sixtus IV. Anno Domini 1476. tertio Kalendas Martii edidit Extravagantem, quæ incipit: *Cum præexcelsa*, in qua omnes fideles ad Festum Cōceptionis B. Virginis quotannis celebrandum hortatur, ad id magnis gratiarum largitionibus exacuens, ibidem honorificè sic præfatus: *Dignum, quin potius debitum, putamus, universos Christi fideles, ut omnipotenti Deo de ipsius Immaculata Virginis mira Cōceptione gratias & laudes referant &c.*

Ibidem Pontifex hic approbavit Officiū & Missam Leonardi de Noguierolis, in quibus DEIPARÆ immaculata Conceptio & à labe Originali præservatio disertissimè ponitur. Nam in primis vespers ibi habetur: *Tota pulchra es, & macula Originalis non est in te.* Jam verò in secundis vespers ibidem ponitur illud: *In qua nec nodus Originalis culpa fuit.* At verò in oratione ibi positum: *Ut sicut ex*

morte filii tui prævisa, eam ab omni labe præservasti, &c.

Idem Sixtus IV. aliam Constitutionem edidit Anno Domini 1483. pridie Nonas Septembris, quæ incipit: *Grave nimis*, in qua pænam excommunicationis statuit tum in eos, qui censurâ afficiunt sententiâ *de Dei Genitrice, ab Originalis peccati macula in sua Conceptione præservata* • tum in eos, qui affirmare præsumerent *Sanctam Romanam Ecclesiam de Spirituali duntaxat Conceptione & sanctificatione eiusdem Virginis gloriosa festum celebrare*. Quam excommunicationem confirmat Tridentinum Sess. 1. ubi observandas esse cōstitutiones felicitis recordationis Sixti IV. ait in decreto de peccato Originali.

Tertio • Innocentius VIII. (qui vixit Anno 1492.) confirmavit Regulam Monialium sub Immaculatæ Cōceptionis titulo, quam postea Alexander VI. Julius, Leo X. probârunt, & pluribus privilegiis auxerunt.

In

In hac Religione Professionis formula hæc assignatur. *Ego N. ob amorem Domini nostri, & Immaculatæ Conceptionis eiusdem Genitricis voveo &c.* Et cap. 3. regulæ approbatæ ibidem dicitur, *B. Virginis Anima à creatione sua tota sancta.* Infra verò cap. 14. præcipitur iisdē Monialibus recitatio Officii editi à Leonardo. de Noguerolis supra citato, & per Sixtum IV. approbato in extravaganti, incipiente: *Cum præexcelsa.*

Quartò: Adrianus VI. approbavit fundatam Toleti Confraternitatem in honorem Immaculatæ Conceptionis, in cuius legum capite 15. *Purissima Conceptio dicitur; & S. Anna festum inducitur, in cuius ventre fuit Anima MARIAE creata in maiori gratia, quàm Cherubim & Seraphim, qui cum natura gratiā acceperūt.* ut ibi dicitur sat magnificè.

Quintò: Leo X. in eiusdem Conceptionis honorem multa templa extruxit, & indulgentias contulit dicētibz Missam de Conceptione, ut habetur

betur in compendio Minorum, verbo, Indulgentia.

Sextò : Clemens VII. Immaculatæ Conceptionis Officium scriptū à Frācisco Quinnonio Cardinali, quod clarè Piam sententiam de B. V. pura Conceptione exprimit, approbavit.

Septimò : Julius III. Paulus IV. cum Patribus Tridentinis noluerunt sub lege communi de contrahenda labe Originali includere B. Virginē, & simul constitutiones Sixti IV. superiùs indicatas hac de re innovârūt.

Octavò : Pius V. festum Conceptionis M A R I A N Æ toto orbe celebrare jussit constitutione incipiente : *Super speculam* ; ubi etiam idem Officium celebrare præcipit, quod in Nativitate B. Virginis, nomine tantum Nativitatis in Conceptionis nomen immutato, idque ob conformitatem, cum vix ulla fermè esset Diæcesis, quæ propriū Officium de festo Immaculatæ Concept : non haberet.

Nonò : Per Pium V. & Gregori-
um

um XIII damnatæ sunt propositiones Michaelis Baij, inter quas est hæc: *Nemo præter Christum est absque peccato Originali: hinc Beata Virgo mortua est propter peccatum ex Adam contractū: omnesq; eius afflictiones in hac vita, sicut & aliorum iustorum, fuerunt ultiones vel peccati actuales, vel Originalis.* Hucusque Baij sententia; quâ cum aliis ibidem posita ejusdem sententiis, Pontifex in Bulla sic decernit: *Quas quidem sententias erroneas, suspectas, temerarias, scandalosas, impias, auribus offensionem immittentes damnamus, abolemus.*

Decimo: Prohibitum à Paulo V. sub excommunicatione Papæ reservata, ne ullus auderet in publicis Concionibus, lectionibus, Conclusionibus,, & aliis quibusvis actibus publicis asserere, quod Beata Virgo sit concepta in peccato Originali.

Undecimo: Gregorius XV. eandem prohibitionem extendit ad privata etiam colloquia, & scripta privata; ac ut contra transgressores tam Episcopi,

scopi, & Prælati ac Ordinarii locorum; quàm hæreticæ pravitatis Inquisitores ubique procedant, & severe animadvertant. Idem præcipit suo Decreto omnibus & singulis personis Ecclesiasticis tam sæcularibus, quàm cujuscvis Ordinis & Instituti Regularibus, ut in Missæ Sacrificio ac Divino Officio, tam publicè, quàm privatim non alio, quàm Conceptionis nomine uti debeant.

Duodecimò : Alexander VII. in Constitutione Anno Domini 1661. edita, die 8. Decembris, quæ incipit : *Sollicitudo omnium Ecclesiarum*; post cōfirmatas tum Sixti IV. Pauli V. Gregorii XV. tum aliorum Pontificum hac de re constitutiones (verba jam dictæ ejusdem cōstitutionis transcribo) *Eos, qui Piam de Immaculata Conceptione sententiam, Festum, seu cultum in disputationem revocare, aut contra ea quoquo modo directè vel indirectè, aut sub quovis pretextu seu occasione, scripto seu voce, loqui, concionari, tractare, disputare contra ea*
quid-

quidquam determinando, asserendo, aut argumenta contra ea asserendo, & insoluta relinquendo, & alio quovis modo excogitabili differendo, ausi fuerint; præter penas & Censuras in Constitutionibus Sixti IV. contentas, concionandi, publicè legendi, seu dicendi facultate, ac voce activâ & passivâ in quibuscunque lectionibus eo ipso privatos esse decernit, & ad concionandum perpetua inhabilitatis penas ipso facto incurrere; quas penas Romanis Pontificibus vult esse reservatas. Insuper libros, in quibus præ hac sententia, Festum Conceptionis, seu cultus in dubium revocatur, aut contra ea quomodocunque aliquid scribitur aut legitur: seu locutiones, tractatus & disputationes contra ea continentur, post Pauli V. decretum edita vel edenda, prohibet sub penis & Censuris in Indice librorum prohibitorum contentis, & ipso facto absque alia declaratione, pro expresse prohibitis haberi vult & mandat. Hæc de verbo ad verbum &c. dicta constitutione Alexandri VII.

Duodecimò: Clemens IX. Festum Conceptionis extulit ad ritum duplicem

cem secundæ Classis per totā Ecclesiam; & cum Octava celebrandum concessit Societati JESV, per Breve editū Anno 1667. ad instantiā Adm: Rev. Patris Joannis Pauli Oliva Præpositi Generalis ejusdem Societatis; quod Octavæ privilegium aliàs concessum Hispaniæ, Poloniæ & aliis.

Decimoquarid. Innocentius XI ad instantiam Augustissimi Imperatoris Leopoldi I. Officium parvum de Immacul. Virginis Cōceptione, (quod incipit : *Eia mea labia nunc annuntiate &c.*) approbavit, & quibusdam pulchrius clariusq; in hujus mysterij decus tum additis, tum immutatis edi permisit, quæ adjecta sunt Brevi Apostolico ad dictum Imperatorem misso 18. Decembris, Anno 1678 In hoc autē Officio creberrima est Purissimæ Cōceptionis inculcatio; clarissima illa : *Te pulchrā ornavi sponsam, quæ in Adam non peccavit.* Item *Tota pulchra es, & macula Originalis nunquam fuit in te.*

Denique, ut observavit Vincētius Justinianus ex Ordine Prædicatorum vir eximius, Omnes post Sixtum IV. Rōmani Pontifices, Piæ sententiæ de Immaculata Conceptione adstipulati. Pius III. Marcellus II. Urbanus VII. morte præventi, antequam Pium testarentur affectum erga Immaculatè conceptam Virginem Nimirum Pius III tantum dies 26. in Pontificatu sedit: Marcellus II. tantum 22 dies; Urbanus VII. tantum dies duodecim Ecclesiæ præfuere, maturè satis erepti. Urbanus VIII. in toto Imperio solenniter Festum Conceptionis colli præcepit.

Ex dictis

Inferetur primo cum Valentia, Belarmino, Suarez, Vasquez, Salazar, Ægidio de Præsentatione, aliisque, jam definitum esse in Ecclesia, magis probabilem, magis Piam, tutamque doctrinam esse, quæ B. Virginem sine peccato Originali Conceptam statuit:

it: Quia summi Pontifices cultū Pur-
rissimæ ejus Cōceptionis toti Eccle-
siæ indixerunt Festo indicto, & In-
dulgentiis concessis, approbatis Of-
ficiis Sāctitatem hujus Conceptionis
luculenter asserentibus, aliisque mo-
dis Piam sententiam approbârunt; &
insuper silentium in publicis & pri-
vatis congressibus oppositæ sententiæ
imposuerunt: Quomodo autem ad
italia sese abripi sinerent Pontifices
Romani minùs probabili, minùsque
tutâ sententia? Hinc sunt, qui cum
Granado, Gundisalvo, Lucero, aliis-
que Piam sententiā certam & evidē-
tē moraliter cēsent: Tum quis tā-
lis Romanorum Pontificū sensus vi-
detur moraliter nō posse non esse ve-
rus: Tum quia Papa in celebratione
festorum aberrare nequit; ut patet ex
Epistola Decretal: & ex Divo Tho-
ma 2. 2. q. 93. a 1. ad 3. Tum quia ex
communi Theologorum, in Cano-
nizatione Sanctorum non potest er-
rare Pontifex, in qua etiam declarat

cultum & venerationem Sanctorum celebrandum. Ergo & hîc, ubi cultum Conceptionis indicit Hinc

Inferitur secundo cum Ludovico Turriano, Piam sententiam ita esse veram, ut non possit à parte rei esse falsa. Ita habet in 2. 2. d. 56. dub. 5. Ratio illius est: Quia cum Papa definit dogma esse magis probabile in materia ad mores vel ad fidem spectante, errare nequit: nam ad D E I providentiam spectat, ut illa doctrina, quam præfert Pontifex, & Universali Ecclesiæ amplectendam ceu probabiliore proponit, non sit à parte rei falsa. Alias magnum detrimentum posset sequi in Ecclesia: omnes enim amplecterentur eam sententiam ob auctoritatem Pontificis, & putarent veram, ac ejus probabilitas in dies cresceret; proinde tota Ecclesia, inquit ille, falleretur, quod nullâ ratione est admittendum.

IV.

Auctoritas SS. Patrum.

SANCTI Patres omnibus pænè sæculis (ut patebit ex afferendis eorū textib⁹) idē senserūt quod Pia sententia de Conceptione B. Virginis asserit. Ergo meritò id asserit; adeoque doctrina hæc est Patrum sententiæ cōformis. Ad probationē anteceditis, clara inprimis proferam Patrum testimonia; deinde alia, quæ Piæ sententiæ favere videntur.

Clara Sanctorum Patrum testimonia de Immacul. Concep. B. V.

PRIMò sæculo Christi vixit Theophon discipulus S. Iacobi Apostoli; cujus liber Granatæ in Antro Montis Sancti repertus habet hanc Divi Iacobi Apostoli sententiam: *MARIAM non tetigit primum peccatum.* Ibidem agit ab Apostolis sic decretum esse: *illa Virgo, illa MARIA, illa Sancta preservata fuit à peccato Originali, & libera ab omni culpa.* Quid clarius?

S. Andrea Apostoli morti jam proximi vulgatissimum est apud complures Auctores dictum; quod sequitur: *Sicut primus Adam formatus fuit ex terra, antequam esset maledicta; ita secundus formatus est ex terra Virgine nūquā maledicta.*

Origenes (uti ex eo citat Breviarium Romanum Quignonii Cardinalis in tertia lectione de Cōceptione) sic ait: *Beata Virgo MARIA neque serpentis persuasione fuit decepta, neque eius venenosus afflatibus infecta.*

S. Cyprianus. orat: de Nativitate sic inquit: *Beata Virgo plurimum à cæteris differens, naturā communicabat, non culpā.*

Dionysius Alexandrinus confirmat idem dicens: *Vna & sola filia vite; alij naturā filij iræ.* Habet id in præfatione Epistolæ adversus Paulum Samosatenum; quæ est in tomo 2. Auctarii Bibliothecæ veterum Patrum.

S. Ambrosius (teste Clichtovæo, Hilarreto, Bernardino de Bustos) dixit *DEIPARAM* esse Virgam, in qua nec nodus Originalis, nec cortex venialis culpæ fuit.

S. An-

S. Augustinus lib : de natura & Gratia inquit : Exceptâ Sanctâ Virgine MARIA, de qua propter honorem Domini nullam prorsus, cum de peccatis agitur, habere questionem volo : inde enim scimus, quod ei plus gratia collatum fuerit ad vincendum omni ex parte peccatum, quod concipere ac parere meruit eum, quem constat nullum habuisse peccatum.

Idem Augustinus lib : de Symboli expositione clarissimè inquit : Qui venerat abolere malum Originale, quod trahimus omnes ; conveniens erat, ut lege peccati nostri, quod per duorum concubium verificatur in prole, Dei Mater non teneretur obnoxia. Habentur hæc in melliloquo Augustini, verbo MARIA.

Adhuc idem libro de 5. hæresibus c. 5 ait : Mater est mea, Sed manu fabricata est meâ. Si potui inquinari, cum facerem, potui ex ea inquinari, cum ex ea nascerer. Id est, non potui inquinari, cum eam conderem, quia talem cōdidi, qualē eam esse decebat, ex qua nasciturus essem.

Basilii Seleucus de Annuntiat. inquit: Quid dulcius? quid salubrius, quam de B. Virgine loqui? Hac est, qua fuit in utero Matris absque Originali peccato concepta & generata.

Cyrillus Alexandrinus lib: 6. in Joann: c. 5. citatur ab aliquibus, ubi ait: Omnes homines, excepto illo, qui de Virgine natus est, & Sanctissima etiam Virgine, ex qua Deus homo prodit in mundum, excepta, cum peccato Originali nascimur. Et si hæc verba nonnemo tribuit Iodoco Clichtovæo docto Theologo & Canonico Carnotensi.

S. Fulgentius serm. de duplici Christi natura ait: In primi hominis coniuge nequitia diaboli seductam depravavit mentem: in secundi Hominis Matre, gratia Dei & mentem servavit integram & carnem. Et serm: de laudibus MARIE: cum dixit Gratiâ plenam, ostendit ex integro iram exclusam primæ sententiæ.

S. Ildephonsus lib: de Virginit. MARIE disertè inquit: Constat illam ab omni peccato Originali fuisse immunem, per quam

quam non solum maledictio Matris Eve soluta est, verum & benedictio omnibus condonatur. Item : Nullus quando nata est, subiacuit delictis ; nec contraxit, in utero sanctificata, Originale peccatum.

S. Ioannes Damascenus oratione de dormitione B. Virginis ait : Hodierno die eadem, Spiritualem novi Adami Paradisum suscipit, in quo condemnatio abrogata : etenim ad hunc Paradisum serpens aditum non habuit.

Idiota vir sapientissimus (qui floruit ante Annum 1000.) in contēplat : de Virgine DEIPARA c. 3. ait : Tota pulchra es non in parte, sed in toto, & macula peccati sive mortalis, sive venialis, sive Originalis non est in te, nec unquam fuit, & prabenedicta, combenedicta, postbenedicta. Et cap. 6. ait : Fuit in te ab Originis labe preservatio.

Petrus Damiani serm ; de Assumpt. inquit : Caro Virginis ex Adam sumpta, maculas Ade non admisit.

S. Anselmus epist. ad Episcopos Angliæ expressè tradidit Purissimā Vir-

ginis Conceptionem, festumque illius colere suavit. Hinc eum Centuriatores carpunt Centuriâ II. cap. 4. 8. quod omnes in peccato esse mortuos, exceptâ Dei Genitrice, asserat. Idem Sanctus de excellentia Virginis inquit: *Angelos aliis peccantibus, à peccato servavit; & Matrem suam ab aliorum peccato exsortem servare non potuit?*

Rupertus ad illa verba Canticorum: Quàm pulchri sunt gressus tui, filia Principis! sic ait: Idcirco ancilla, nempe Eva calcaneum, à serpente admorsum; Tu verò, & filia Principis, probè calceata serpentis caput contrivisti.

Bernardus serm: 4. super Salve, ait ad Virginem: Innocens fuisti ab Originalibus & actualibus peccatis: nemo ita præter te.

Idem serm: 13. de Cæna Domini inquit: Non est in filiis hominum magnus vel parvus, qui non in peccatis fuerit conceptus, præter Matrem immaculati peccatum non facientis. Et in epist. ad Canonicos Lugdunenses, si quod contrarium

trarium dixit, addidit in fine, se hæc omnia subiicere iudicio Romanæ Ecclesiæ, paratum sentire, quò illa inclinaret; ut nunc inclinaret potius in Piam sententiam.

Hugo Victorinus in. Eruditionis Theologicæ Miscellan. lib. 2. tit. 125. de decem præconiis Virginis sic asserit: Immunem se (Domina nostra) in Conceptu ostendit ab illo præscripto Prophetico: Ecce enim in iniquitatibus conceptus sum, & in peccatis concepit me Mater mea.

S. Bonaventura serm. 2. de B. Virgine ait: Domina nostra plena fuit gratiâ præveniente in sua sanctificatione, gratiâ scilicet præservativâ contra fæditatem Originalis culpe, quam contraxisset ex corruptione nature, nisi speciali gratiâ præservata præventaque fuisset.

S. Fulbertus Carnotensis, cujus linguam sacro igne correptâ suo lacte B. Virgo sanavit, in Salutatione Angelicam scribens ait; et lecta insignis inter filias, quæ Immaculata semper existit ab exordio tua Creationis.

S. Leo.

S. Laurentius Iustinianus lib de perfectionis gradibus ait: Ab Originali delicto nullus excipitur, prater illam, qua genuit mundi Salvatorem. Et serm: de Annuntiat. inquit idem: Ab ipsa sui Conceptione in benedictionibus praevenia est dulcedinis, atque à damnationis aliena Chi-rographo.

S. Bernardus Sēnensis to. I. serm. 51. de salutatione Angelica ait. B. Virginem à triplici va Originalis, Actualis & Venialis culpa alienam fuisse.

S. Bruno serm. de Nativit. Virginis inquit: Hac linea incipit ab Eva, & desinit in MARIAM: in principio est mors, in fine vita consistit, mors per Evam facta est, vita per MARIAM reddita est: illa à diabolo victa est, hac diabolus ligavit ac vicit.

B. Ioannes Capistranus scripsit tractatum de Pura Virginis Conceptione, in quo uberrimè de eadem ait.

Alia PP. testimonia ex quibus

Colligitur Immacul. Concept. B. V.

IN Liturgia S. Jacobi Apostoli vocatur

natur B. Virgo *immaculata, semper beata, omnibus modis irreprehensa*. At quomodo semper beata fuisset, si sub maledicto & miseria primigenii peccati unquam fuisset? quomodo omnibus modis irreprehensa, in quam caderet prima humani generis reprehensio & damnationis reatus?

S. Dionysius Arcopagita epist. ad *S. Paulum* vocat *B. Virginem Deiformem, & super omnes Calicos spiritus Sanctissimam*. At illi purissimi semper & in prima sui creatione fuerunt; & tunc ergo illa Sanctior. Item *S. Epiphanius* eandem Virginem, solo Deo excepto, omnibus superiorem dicit naturâ, formosior em ip[s]is Cherubim & Seraphim, atque omni exercitu Angelorum. At si Angeli sine ullo unquâ peccato, illa in peccato vel per instans; quomodo par Angelis, nedum superior?

S. Athanasius to:3. serm: de *B. Virgine*, sic eam alloquitur: *Deo nobis quidem terribili, tibi autem dulci, omnemque gratiam largienti*. At quomodo omnem

mnem gratiam, si Gratia Præservans à peccato, reatum damnationis & hostilitatem cum Deo inducente illi negata fuisset?

S. Hieronymus in Psalm : 77 sic ait : *B. Virgo pulchrè dicitur nubes d'ei, quia nō fuit in tenebris, sed semper in luce.* Idem epist de Assumpt ait : *deo immaculata, quia in nullo corrupta.* At si corruptelam Evæ sensit, quomodo hæc subsistent ?

S. Cyrillus Alexandrinus citatus in Breviario Romano Quingonii Cardinalis, in tertia lectione sic inquit : *Post Filium temerarium est, in M A R I A Virgine ponere culpam aliquam aut peccatum.* At in filio, cui hic adjungitur Mariana Puritas ; nulla fuit culpa actualis & Originalis.

S. Chrysostomus in sua Liturgia vocat *B. Virginem Immaculatam, semper beatissimam, penitus incontaminatam Matrem Dei nostri, honoratorem Cherubim, & gloriosiorē incomparabiliter Seraphim.* At si rea fuisset peccati Originalis ; quomodo

modo Immaculata? quomodo penitus incontaminata? aut honoratior, quàm Cherubim fuisset?

Chrysologus serm : de Annunt ait : *Neque auferat à Ioseph Virginem, sed reddat Christo, cui est in utero pignorata, cum fieret* At quæ tunc pignoratio vel desponsatio illius Christo facta, nisi per gratiam, cum primò cōderetur Virgo, seu cum fieret?

S. Eligius Homil. 2 in die Purificat. inquit; *Nunquam immunda iudicatur, quæ Spiritu Sancto obumbrante totius munditiæ & Sanctitatis Auctorem genuisse comprobatur.* Si nunquam immunda; nec in Conceptione ob eandem causam, id est, ob Auctorem omnis munditiæ ex illa generandum.

Paulinus Aquileien's Episcopus lib : 30 contra Felicem ait : *MARIA in se nobiscum naturæ, sed non eius, est gratiæ.* Si autem non habuisset Originalem iustitiam, sed communem, quæ à peccato contracto expiat animam; certè ejusdē fuisset & naturæ, & gratiæ.

Richar-

Richardus Videtur in Cārica ait: Tota fuit pulchra, quam totam posseant gratia; quia nullum in ea locum habuit peccatum: totam illustravit sol iustitia, ut nec maculam habuerit, nec tenebras culpa. Certè & hæc perpetuam Virginis intemeratæ Sanctitatem confirmant.

S. Antonius de Padua Domin. 3. in Quadragesima sic habet: B. MARIA præ cæteris citius & altius in Dei amore fuerat radicata. Et alii in utero sanctificati, sed illa citius, si in primo instanti Conceptionis.

Omitto alios Patrum textus, nam 60. P. P. numerat pro Pia sententia Poza aliq: id tantum assero, quod omnes omninò Patres si nunc viverēt, & Ecclesiæ universalis tantam inclinationem in Piam sententiam viderent, eidem acquiescerent. Quæ ad auctoritatem SS. Patrū huc attinent, § 3. quæst. 2. vide; & ut videas, interest.

V.

*Auctoritas S. Thomæ Do-
ctoris Angelici.*

SANCTUM Thomam B. Virginis
immunitatem à peccato Originali
asseruisse multimodis probatur.

Primò : ex plerisque ejus textibus,
iisque apertissimis. Nam in 1. sent.
dist. 44. q. 1. a 3. ad 3. sic ait. *Puri-
tas intenditur per recessum à contrario* : &
ideo potest aliquid creatum inveniri, quo ni-
hil purius esse potest in rebus creatis, si nullà
contagione peccati inquinatum sit. Et talis
fuit Puritas Beatissima Virginis, quæ à pec-
cato Originali & actuali immunis fuit.

Item opusculo 8. de expositione
salutationis Angelicæ inquit : *M A-
RIA* fuit, quantum ad omnem culpam
quia nec Originale, nec mortale peccatum
incurrit. Id scripsisse S. Thomam te-
statur Vincentius Iustinianus Ordinis
Prædicatorum, tract : de Immacula-
ta Conceptione. Et confirmat idem

C

Tur.

Turrecremata, Salmeron in epist. ad Romanos. d. 51.

Adhuc idem Doctor Angelicus in Epistolâ ad Galatas. v. 6. juxta impressionē Parisiensem Anni 1532. & Anni 1541 ac impressionē Venetâ Anni 1555 sic dicit: *Non inveni mulierē, præter Virginē Mariam, quæ à peccato Originali immunis esset. Quid unquam clarius?*

Idem confirmat Sanctus Doctor in expositione Psalmi 18. ultimis vitæ annis scripta. Ergo asseruit, quod asserit Pia sētetiā. Hinc nō pauci existimant, locū 3. p. q. 27. a 2. esse suppositū: tum quia non est censendum, quod pugnantia docuerit Sanctus Doctor, sibi que contradixerit: tum quia in Bibliotheca Dñi Beltrani de Guevara Archiepiscopi Compostellani est vetustissimum exēplar Sancti Thomæ sine hoc articulo: Tum quia ordo Articulorum ibi est præposterus. Nam artic. 1. quæritur: *An fuerit Sanctificata ante Nativitatem: Artic. 2. An ante animationē?*

Tum

Tum quia hoc articulo videtur esse contrapositio : nam prioribus verbis dicit tolerari consuetudinem celebrandi Conceptionē, posterius ait, nō celebrari Cōceptionē: sed Sanctificationem : Tum quia locus ille clarissimus ex expositione epistolæ ad Galatas annis supra expositis iuxta editionem Parisiensem & Venetam sincerus, postea in editione Antverpiensi Anni 1592. vitatus est, & sententia tam clara ibidem truncata, teste Hippolyto Marratio in fide Cajetana.

Præterea locus ex 1. 2. q. 81. a. 3. ubi dicitur. *Secundum fidem Catholicam firmiter esse tenendum, quod omnes homines ex Adam descendentes, solo Christo excepto, peccatum Originale contrahant.* Hic, inquam, locus si presse accipiatur, esset & contra Tridentinum Concilium, quod non vult esse de fide oppositum de B. Virgine, quam includere decreto de peccato Originali, negat suæ esse intentionis : Esset & contra decreta summorum Pontifi-

cum, sub gravibus pænis prohibentium notam hæreseos inspergere Præsententiæ de Immaculata Virginis Cōceptione : Effet & contra ipsummet S. Thomam, qui, ut paulò ante attulimus, docuit immunitatē Mariam à peccato Originali. Vel ergo locus ille subreptitiis est ; cū sit incredibile , quod S. Doctor voluerit hæreseos notare sententiā à se Parisiis in libros sententiarum traditā ; & insuper, quia cēnsura hæc ab ea lata non stat cum dicto 3. p. q. 27. a. 2. ubi celebritatem Conceptionis ait non esse reprobādam. Vel certè explicandus erit S. Doctor, loqui de jure, non defacto ; seu loqui secundum legem communem, non præter eandem & per privilegium gratiæ : aut saltem ut explicat Cajetanus , de debito peccati contrahendi , non de peccato actu contracto. Et juxta hos modos se ipse S. Thomas explicuit, cū (ut tradit Bernardinus de Busto serm. 7. de Conceptione) Fā-

tino

tino Episcopo Patavino legenti tertiam partem summæ Angelicæ, & sententiam in ea Conceptionis puritati oppositam admirati apparuisset, dixissetque: *Scias Fantine, quod, quando ealem opinionem posui, scilum habui respectum ad divinum Statutum, quo B. Virgo peccatum Originale contraheret, nisi per filium suum fuisset preservata. Quod ipsum cēset Pia sententia.*

Secundò: S Thomam non fuisse oppositum immunitati B. Virginis à culpa Originali patet ex his, quæ operosè scripsit P. Nicolaus Cichovius nostræ Societatis, vindicando Angelicum Doctorem à sententia opposita Purissimæ Conceptioni Virgineæ; ubi post allatum locum in primum librum sententiarum, & alia Principia S. Doctoris, ex quibus infertur Puritas Conceptionis

Docet primò tempore S. Thomæ alium fuisse statum quæstionis de Cōceptione B. Virginis, quàm nunc. Nempe quæsitum tunc: An ex vi O-

C₃ riginis

iginis, & naturæ suæ propagationis fuerit Concepta sine peccato Originali, & sanctificata ante animationē, ut habet Alensis & S. Bonaventura, & S. Th. 3. p. q. 27. a. 2. Nunc verò quæritur : An B. Virgo in prima sui animatione, fuerit per gratiam Christi præservata ab Originali ?

Docet secundo : aliud esse in sententia S. Thomæ ac illius ævi, Concipi sine Originali peccato : aliud, ab eo præservari. Concipi sine Originali, dicebat iustitiam à prole acceptam, vi Originis & principiorum naturalium ad eam activè concurrentium, infusionem gratiæ exigentium ex certarum dispositionum connaturali dispositione, prout fuisset transfusa in posteros Adæ, si non peccasset. Præservatio autē ab Originali dicit gratiam in primò instanti animationis ob merita Christi infusam, quā fieret, ne infectio peccati Originalis in carne initiata, in animam & personam devolveret maculam.

Docet

Docet tertio: ex S. Thoma, peccatum Originale esse infectivum carnis (qu. 4. de malo a. 3.) ex hoc autem carnem infici, quod per cōcupiscentiam generatur (ut habet 3. p. q. 13. a. 7.) per carnem verò infectam idem peccatum derivari ad animam, quæ inficitur ex unione ad corpus, ut ait S. Doctor q. 4. de malo. a. 3. ad 1. Quare peccatum Originale dicit esse iniriative in carne, consummative & essentialiter in anima, adeoque refundi à carne infecta, Originalem maculam in animam & personam, nisi per gratiam anima præservetur, vel unione Hypostatica præmuniatur.

Docet quarto: quod S. Thomas tantum neget B. Virginem sanctificatā esse ante animationem. Quia si ante animationem fuisset Sancta, nunquam incurrisset maculam, nec eguisset, ut ille infert, Redemptore. Fuisset enim ante caro illius ab omni infectione munda, & sic anima munda carni infunderetur, ac sine auxilio,

gratiæ immunis foret à peccato Originali, nec illi obnoxia: Jam verò (ut ait idem S. Doctor in 2. d. 31. a. 2.) *ille, qui non est peccato obnoxius, Redemptione non indiget.* Et 3. p. q. 27. a. 2. ait *colli indigentiam Redemptionis per hoc, si proles concepta quoquo modo esset sanctificata ante animationem; quia non esset culpa obnoxia.* Vnde ibidē B. Virginem ait *sāctificatam post animationem, sed non ante animationē, nec antequam infunderetur anima in corpus, sed dum infunderetur, seu cū verū esset dicere, animatur: vel animari incipit, quod utique verum fuit primo instanti animationis.*

Docet quintò: Nulli i S. Thomam negare B. Virginem à peccato Originali præservatam in prima animatione per gratiam Christi: tum quia jam ratio illius proximè allata non valeret, quasi sic non eguisset Redemptore: tum quia 3. p. q. 32. a. 4. ad 1. dicit Spiritus Sanctus purgans Virginem, id est, præservans. Tum quia
 sic

hic facile possunt concordari alia loca S. Doctoris asserentia immunitatem Marianam à peccato Originali, cum aliis locis, in quibus oppositum dici videtur: nempe dicendo, quod ibi asserit prædictam immunitatem, intelligat de præservatione per gratiam ex meritis Christi: ubi autem negat eandem immunitatem, debeat intelligi de Sanctificatione ante animationem, seu de negatione immunitatis à peccato, quatenus infectivo carnis & naturæ, ac exclusivo Sanctitatis per Originem transfusæ, consequenter excludente obnoxietatem peccato, ac per hoc indigentiam Redemptoris. Vnde cum ait Conceptam in Originali, tantum loquitur de peccato quatenus infectivo carnis, cum obnoxietate transfundendæ in animam & personam maculæ, nisi fuisset per gratiam præmunita: seu loquitur tunc de peccati Originalis labe sumpta initiative, & secundum ea; quæ animationem præ-

C; veniunt;

veniunt; non essentialiter & consū-
mative sumptâ labe, seu quatenus ef-
set infectiva animæ & personæ, per
gratiam Christi præservatæ. Ex his
ergo concluditur, Piæ sententiæ tu-
toribus nostræ ætatis non fuisse con-
trarium Doctorem Angelicum, &
id tantum ab eo damnari, ut errone-
um (ait rectè Poza) quod per seque-
lam infert illam: *Alioqui non omnes in-*
digerent redemptione, quæ est per Christum,
quod est erroneum Non ergo ait esse er-
roneum, qui affirmet alium præter
Christum Originali labe caruisse; sed
eum, qui dicat aliquem hominem
fuisse, qui non eguerit redemptione:
quod hic nemo asserit de B. Virgine.
vide in fine hujus libelli quæstionem
tertiam.

V I.

Auctoritas Theologorum.

OMnium præne linguæ & calami
Theologorum Immaculatam
Deiparæ Conceptionem tuentur;
qui

qui consensus doctissimorum virorū
Piam sententiam extollit ac com-
mendat. Quid enim malim sentire,
quàm quod præter Ecclesiæ univer-
salis & Patrum Auctoritatem, Do-
ctorum ingenia certatim approbant,
& sequuntur? Nimirū, ut rectè An-
tonius Deza Complutensis Doctor
ait; *Universa Theologia ad honorem Chri-
sti eiusque Matris destinatur: proinde ea
opinionēs promptius amplectenda, quæ cum
maiori pietate & honore Virginis & Filij
consentiunt.* Ita ille. Proferam sola
nomina huiusmodi scriptorum, quæ
& alii referunt.

Primus sit Petrus Lombardus Ma-
gister sententiarum, in 3. dist. 3. § 3.
qui floruit Anno Dni. 1145.

Petrus Comestor frater Magistri
sententiarum scripsit libellum de Pu-
ra Conceptione Virginis.

Joannes Duns Scotus maximus fu-
it Immaculatæ Conceptionis vindex;
seu (ut ait Ludovicus Manganellis)
primus gladium exemit pro Puritate
hujus

huius Cōceptionis. Refert Pelbartus
 1. 2. Stellarii p. 1. art. 3. Scotum cir-
 ca Annum 1346 à facultate Theolo-
 gica Parisiensi accersitum esse, ut suæ
 sententiæ de Immac : Conceptione
 rationem redderet : cumque ducen-
 ta illi argumenta objecta fuissent, o-
 mnia memoriâ tenuisse, & singulis
 tantâ verborum & sententiarum u-
 bertate satis fecisse, ut omnes in suâ
 sententiam traxerit, victor ab omni-
 bus proclamatus.

Eandem Conceptionis Sanctitatē
 in Virgine asseruerunt Petrus Blesē-
 sis : Alexander Alensis : Honorius
 Augustodunensis : Raymundus Lul-
 lus. Gabriel Biel : Major : Richardus
 de media-villa ; Aureolus Franciscus
 de Magron : Occam : Lyranus : Pau-
 lus Venetus : Augustus Anconitanus :
 Landolphus Neopolitanus : Hugo de
 Castro novo : Joannes Vitalis : Ro-
 bertus Linconiensis : Petrus Aliacē-
 sis Cardinalis : Nicolaus Cusanus
 Cardinalis : Thomas de Argentinas
 Augu-

Augustinianus: Henricus de Hassia,
& Fridericus Nausea Carthusiani:
Joannes de Basilea: Abulensis: Pa-
normitanus: Abbas Tritemius opu-
sculū de Immac: Concept. scripsit,
ejusque sententiæ adhæserunt Vniver-
sitates, Parisiensis, Coloniensis, Tu-
bingensis, totus ordo PP. Carmelita-
rum, Antistites & omnis ferè Clerus
Germaniæ, & Principes multi, viri-
que docti cōplures, teste Poza: scri-
psit & Joannes Bassolis: Joannes Ba-
con, Michael de Bononia, Franci-
scus Martini, Carmelitæ: Leonar-
dus de Neguerolis: Bernardinus de
Bustos: Peibartus: Petrus de Aquila:
Dionysius Carthusianus: Henricus
Harpius: Marsilius: Jacobus de Va-
lencia Episcopus: Adrianus Finus:
Robertus Guagninus: Baptista Man-
tuanus: Franciscus Lichetus: Jaco-
bus Almainus Parisiensis Doctor:
Joannes Ekius: Franciscus Titelman-
nus: Jodocus Cichtivæus: Thomas
Illyricus: Franciscus de Osuna: Mi-
chael

chael de Palacios: Vigueriùs: Tartàretus: Nicolaus de Orbellis: S. Thomas de Villa nova: Mussus: Hilaretus. &c. &c. &c.

His accedit tota Societas J E S V, duce suo S. Ignatio, qui tum in libello Illustrationum Immaculatam Cōceptionem asseruit: tum statuit, ne in Societate nostra minùs piè ullus opinaretur in hoc myſterio; tum ipſemet cum S. Franciſco Xaverio & Sociis in Academia Pariſienſi ante confirmatam Societatem jurejurando ſeſe obſtrinxit ad tutelam Immaculatæ Conceptionis.

Ex eadem Societate Jacobus Lainius validè inprimis idem myſterium aſſeruit in Concilio Tridentino, ubi dum pro Immaculata Virginis Conceptione per tres horas circiter perorâſſet, & ſentētiam hanc validiſſimis argumentis cōprobâſſet; ſtatim exceptionem illam B. Virginis à decreto de peccato Originali Patres Concilii unanimi conſenſu addendā cenſuere:

tuere : dicentem verò pro causa Mariana Lainium quartana febris in eū diem incidens deseruit ; ut testatur Ribadeneira, aliique passim. Adfuit eidem Concilio Tridētino, sedis Apostolicæ nutu & Alphonsus Salmeron assertor ejusdem Conceptionis Purissimæ.

Juvat addere saltem aliquorum è Societate nomina de Sanctitate Cōceptionis hujus, ingenii lucubrationibus meritā.

In his sunt Bellarminus, Franciscus Turrianus, Petrus Canisius : Benedictus Pererius : Sebastianus Barradius : Cornelius à lapide : Franciscus Suarez : Gabriel Vasquez : Gregorius de Valētia : Jacobus Granado, qui suā ætate, quinquaginta tres ex Societate nostra testatur scripsisse de Immaculata B Virginis Conceptione : item Joannes Fernandius : Henriquez : & omnes Societatis Theologi ac Philosophi : uti & Lorinus : Pineda : de castro : Acoſta : Ribadeneira :

ira : Mangotius : Spinellus : Morales : Salas : Salazar : Velasquez : Scherlogus : Mendoza : Baeza : Naxera : Pintus : Mazarinus : Brunus de Ponte Costerus : Cichovius : denique, ut paucis cōplectar, tota Societas JESV Immaculatæ Conceptionis cultrix & zelatrix semper studiosissima. Certè Alphonsus Rodriquez eximix Sanctitatis (teste Nadasi, Tausch & aliis) inter cæteras causas institutæ Societatis JESV, dixit se cælitus accepisse à B. Virgine, etiam ideò institutam, ut Immaculatam ejus Conceptionem tueretur & promoveret : quod ille dicebat cum ea vehementia Spiritûs, quâ nihil aliud.

Specialis Auctoritas Theologorum & aliorum scriptorum ex Sanctissimo ac sapientissimo Prædicatorum Ordine.

Primò : S. Dominicus in libello de Sacramento Corporis Christi, quem contra Albigenes hæreticos rescripsit,

psit, sententiam illam S. Andreæ Apostoli ad verbum usurpavit : *Sicut primus Adam fuit ex terra Virgine nunquam maledicta formatus ; ita decuit in secundo Adam fieri, id est, Christo ; cuius terra, id est, Mater Virgo nunquam fuit maledicta. Quem libellum ter in flammis injectum, illæsum evasisse testatur Vincentius Bellovacensis in speculo Histor. lib. 25. c. 90. & S. Antonius 3. p. tit. 17. c. 1. § 4.*

Secundò : S. Thomas Doctor Angelicus, cujus auctoritas posita & defensa numero proximè antecedente.

Tertiò : S. Vincentius Ferrerius ejusdē Ordinis decus serm. 2. de Nativit. ait : *Non credatur, quia fuerit, sicut in nobis, qui in peccatis concipimur : sed statim, atque fuit anima (Virginis) creata, fuit sanctificata, & statim Angeli in calo fecerunt Festum Conceptionis.*

Quartò : B. Albertus Magnus lib : de MARIÆ laudibus ait : *Hac Virgo sola à communi illa regula excipitur, omnes*

Argumenta ab Auctoritate
in Adam peccaverunt. Refert hæc ver-
 ba Canisius lib : 1. cap : 27.

Quintò : B. Pius V. ex hoc Ordine
 in Pontificatum assumptus vetuit
 erroris arguere Piam Sententiam, &
 Festum Conceptionis in Ecclesia cõ-
 firmavit constitutione, quæ incipit :
Super speculam.

Sextò : Hugo Cardinalis ex eodem
 Ordine in caput 10. Lucæ ait : *Immu-*
nem se in Conceptu ostendit ab illo præscripto
Prophético : Ecce enim in iniquitatibus con-
ceptus sum, & in peccatis concepit me Ma-
ter mea.

Septimò : Heruæus Natalis Ordinis
 hujus Generalis Magister in epist. 2.
 ad Corinth. c. 5. ait : *Omnes mortui sunt*
in peccatis, nemine excepto, demptâ Matre
Dei, sive in Originalibus, sive voluntate
additis Vixit Anno Domini 1320.

Octavò : Bartholomæus Pisanus Pu-
 ram B. Virginis Conceptionem affirmat tra-
 ctatu de Virgine DEIPARA.

Nonò : Joannes Taulerus ejusdem
 Ordinis, docuit idem serm. de Puri-
 ficat: vixit A. 1350. *Deci-*

Pro Immac. Concep B. M. V. 51

Decimò : Afferuit Immaculatā Cōceptionem B. Virginis Holcot ex eodem Ordine in 3. dist. 3. Et in librum Sapientiae.

Vndecimò : Ambrosius Catherinus scripsit gravem tractatum de Para Virginis Conceptione, illamque docuit in Genesim cap. 3. & opusculo de peccato Originali.

Duodecimò : Guilelmus Pipinus insignis ejusdem Ordinis Ecclesiastes scripsit elegantem sermonem de Puritate Conceptionis, vixit circa Annum 1500.

Decimo tertio : Dominicus Soto lib: de natura & Gratia cap. 7. docuit immaculatā Conceptionem B. Virginis.

Decimo quarto : Vincentius Justinianus ex eodem Ordine, fatetur omnes Pontifices à Sixto IV. fauisse Piæ sententiæ ; & ipse scripsit tractatum de Immaculata Conceptione, ubi eandē docuisse S. Thomam testatur.

Decimo quinto : Joannes Veri Pari-

D 2

siis

siis Theologiæ Magister, Conceptionem B. Virginis Purissimam ex Academia sententia asseruit publicè Anno 1499.

Decimo sexto. Sanctius Porta ejusdem Ordinis in Mariali, & serm. de Conceptione Piam sententiam profitetur.

Decimo septimò. Petrus Dore ex eodem Ordine Parisiensis Doctor in libro Gallico, qui Imago, seu Idea virtutis inscribitur, Piæ sententiæ adhæret, vixit circa Annum 1500.

Decimo octavo. Hugo de Prato florido docuit Puram Deiparæ Conceptionem cum Pia sententia, serm. de Annunt.

Decimo nonò. Mathias Aquarius ejusdem Ordinis in almo studio Neopolitano Regius & publicus, Metaphysicus, in lib. 3. sentent. dist. 3. ait pulcherrimè & doctissimè.

Opinio, quæ tenet Beatissimam Dei Genitricem ab omni Originalis peccati contagio fuisse penitus præservatam, est magis Pia, devo.

devoti: ni populi accommodata, & conformis
rationi naturali: *Quia* Deus agens est per-
fectum: Et Morali; quia Deus magis in-
clinatur ad amandum, quàm odiendum:
Et Politice; quia Deus est Legislatoꝝ, & sic
respectu Dei Matris potuit dispensare in le-
ge: Et Theologicæ; quia Deus instituit Cir-
cumcisionem, & tamen eam suspendit in de-
serto; & quia producit effectum sibi gratum;
Puritas autem sue Matris est sibi gratissima.
Ergo preservavit eam ab omni macula. Ha-
Æcenus ille. Mitto alios, qui idem si-
ne scripto senserunt & sentiunt in e-
odem Illustrissimo ac doctissimo Or-
dine.

VII.

Auctoritas celeberrimarum in Europa Academiarum.

Confirmat Piam de Conceptionis
Marianæ Puritate sententiam e-
tiam doctissimarum in Orbe Christi-
ano Academiarum consensus: quæ
jurejurando etiam se obstringunt ad

tuendam eandem Immaculatam Cōceptionem.

Inprimis circa Annum 1346. Theologica facultas Academiae Parisiensis decrevit, ne opposita Immaculatæ Conceptioni sententia in Scholis relegendi posset. Ibidem decretum, ut nullus Doctoris gradum capesseret, qui ejusdem Immaculatæ Conceptionis defensionem juramento non appromitteret. Insuper Festo Conceptionis quotannis celebrando eadem facultas se obstringit, quod tunc alicubi tantum celebrabatur, sed nondum in tota Ecclesia, nisi ab An. 1475 sub Sixto IV. Quæ omnia de Academia, ex Paulo Veneto colliguntur, tract. de Pura Concept.

Secundò : circa Annū Domini 1451. Academia Coloniensis sancivit, neminem deinceps ad gradum Magistrii promovendum, nisi juramento se obstringeret, se adversam Immaculatæ Conceptioni sententiam nec animo retenturum, nec quovis modo
 appro-

approbaturū: ut habet Surius in Cōment: rerum in orbe gestarum. Circa Annum item 1494 agente Rectore Academiæ Coloniensis, Wigandus opinionem suam contrariam Immac. Conceptioni abjuravit.

Tertio: Anno Domini 1570 Academia Moguntina Immaculatæ Conceptionis defensionem juravit, statuens, ut promovendi ad gradus Academicos idem jurarent.

Paulò post idem in Hispania juramentum præstari cæpit in Academicis Valentina & Vifaonensi. &c. Idẽ juramentum præstatur in celeberrimis Academicis Viennensi, Pragenfi, Vilnensi, & aliis Societatis JESV Universitatibus. Certè ex eodem zelo pro Purissimā hac Conceptione, Viennensis Academia iterum approbavit & recudit sententiam R. P. Nicolai Cichovii, de S. Thomæ Doctoris Angelici sensu Puritati Conceptionis conformi, de quo supra retuli.

Sic doctissima tot Academiarum ingenia militant Immaculatè Conceptæ Virgini Matri scientiarum Dominæ.

VIII.

*Auctoritas ex antiquitate Festi
Conceptionis B. V.*

Mitto, quod supra attuli ex Sancto Vincentio Ferrerio, Festum Conceptionis primos in cælo celebrasse Angelos in prima creatione B. MARIÆ Gratiâ sanctificatæ præventæ; hîc agendum de antiquitate festi in terris.

Primò ergo aliqui ad Apostolorum tempora hanc celebritatem reducunt: quod colligunt ex partitione Festorum B. Virginis Syriaca, à S. Marco facta; qui singulis ejus festis tribuens Lectiones, Epistolas & Evangelia, præter alia festa B. Virginis, inscripsit: *Lectio in festo Dei Paræ MARIÆ*; quo putant festum Conceptionis intelligi ob sufficientem enumerationem aliorum

orum ejus festorum. Quod verò ibi non inveniatur Festum Nativitatis B. Virginis, non mirum esse ajunt, eùm hoc festum serius celebrari cæperit; etsi hæc conjectura ab aliis refutetur.

Secundò Alii, in Hispania festum Conceptionis Dei Genitricis autumant cæpisse à prædicatione S. Jacobi Apostoli. Id verò probant uberri-
mè; inprimis ex Flavio Dextro (qui floruit Anno Domini 392) qui sic ait in suo Chronico: *A Jacobi prædicatione celebratur in Hispania festum Immaculate & Illibate Dei Genitricis MARIE.*

Probant idem ex Isidoro, qui circa Annum Domini 630. vixit, & in Missali Mixtarabico, quod jussu Cōcilii Toletani quarti reformavit, in Præfatione hæc verba posuit: *Dignum & iustum est Omnipotens Pater, tibi in honorem Conceptionis gloriose Virginis MARIE &c.* Et infra: *Cùm multiplex illa Angelorum legio, cæteraque Sanctorum omnium, Virginum Martyrumque concio,*

*Argumenta ab Auctoritate
sive terrestris Beatorum multitudo in hoc
Conceptionis gloriose Virginis festo non ces-
sant clamare. Vnde colligunt festi hu-
jus celebritatem ad illa tempora Isi-
dori non interpolatim à temporibus
S. Jacobi Apostoli deductam.*

Probant idem ex Marco Maximo,
Historico & Poeta, qui ex Benedicti-
no fuit Archiepiscopus Cæsaraugu-
stanus sub Annum Domini 600. im-
perante Heraclio, & Sisebuto Hispa-
niæ Rege, qui in Hymno de appariti-
one B. Virginis S. Jacobo facta Cæ-
saraugustæ, & festo Conceptionis
ab Apostoli hujus temporibus dedu-
cto sic canit.

*Ostendit illi se hilarem ,
Suoque natalitio
Conceptionis aurea ,
Templo manent encomia.
Conceptionis hinc diem
Iacobus Hispanos docet ,
Et predicat, reu ceteri ,
Ab omni labe liberam.*

Hinc

Hinc mos habet principium

Hunc celebrandi iugiter

Populis Iberis diem,

Qui durat usque hodie.

Tertio: Alii festi hujus antiquitatem colligant inde, quod putent in Hieronymi Martyrologio Cōceptionem vel ab ipso Hieronymo scriptam, vel Eusebio Cæsariensi: nā alteruter ex his putatur esse auctor Martyrologii Romani. Certè Hieronymi Martyrologiū se vidisse testatur Calixtus I I. qui vixit Anno 1119 & Petrus Episcopus Exquilinus. Alii idem deducunt ex Bedæ Martyrologio & Vsuardi, quod temporibus Caroli Magni cōscriptum. in utroque autem Martyrologio legitur festum Conceptionis. Si quis dicat posteriori ætate id Martyrologio adjectum, & ista Ecclesiæ auctoritas in suffragium Piæ sententiæ trahi debet.

Quarto: Certum est apud Græcos pridem id festum celebrari cæptum: tum quia in Monologio Græcorum est

est positum, quod Menologium scripsisse S. Joannem Damascenum testatur Galatinus, Boccius, Vasquez, Canisius. vixit autem Damascenus circa Annū Domini 720 Tum quia exstat Leonis Imperatoris, qui dictus est Philosophus, sermo de Conceptione B. Virginis, qui Orienti imperavit circa Annum 886. item Georgii Nicomediensis oratio de eadē Conceptione, qui eodem sæculo vixit. Tum quia exstat Constitutio Emmanuelis Imperatoris, in qua nono die Decembris jubet *peragere Conceptionem Castissimæ Matris Dei nostri*. Vixit verò Emmanuel per Annum salutis 1143 Galatinus censet ante mille Annos celebrasse Græcos id festum 9. Decembris ita habet 1. 7. de arcanis Catholicæ veritatis c. 5.

Quintò. Apud Latinos festum Cōceptionis cæpit ab Anno Domini 840 Nam S. Anselmus scribit de hoc festo celebrando texto idus Decembris, factam revelationem Helmsino Abbati

bati Rhemensis Cænobii, tempore Caroli Regis Francorum. Regnârūt autem apud Francos ante Anselmū quinque hoc nomine insigniti; nimirum Carolus Martellus Anno Domini 320 Carolus Magnus Anno 800 Carolus Calvus Anno 840. Carolus Crassus Anno 885. Carolus Simplex Anno 892. Porro tempore Caroli Magni, consequenter & Caroli Martelli in Ecclesia Latina tantū abest, ut Conceptionis festum tunc ageretur, ut Nativitatis etiam Marianæ solennitas necdum celebrari cæpta fuisset, quæ tamen prius colī cæpit. Restat ergo, ut aliquem è tribus aliis dictis Carolis intelligat Anselmus, sub quo post dictam revelationem cæpit celebrari Conceptio; quo etiam tempore vixit Idiota, qui Conceptionis Immac. meminit.

Apud Anglos idem festum floruisse haud dubium sub Anselmo revelationis illius cōscio, eodemque Archiepiscopo Cantuariensi, Concepti-

onis Purissimæ eximio Assertore, qui floruit Anno Domini 1080. In Gallis ante Anselmum id festū celebratum fuisse luculenter probat Salazar. Multo magis id floruit tempore Divi Bernardi, ut patet ex ejusdem epistola ad Canonicos Lugdunenses hoc festum celebrantes, estque hæc epistola de hoc ipso festo. Apud Hispānos, etsi superius indicārin, festum id ad tempora Jacobi Apostoli revocari, tamen aliqui ad tempora Gundisalvi Archiepiscopi Tolosani, ut ait Palbertus, vel Toletani, ut vult Tritemius, referunt; cui, ut habet Officium Bernardini de Bustos (approbatū à Sixto IV speciali Bulla, quæ incipit: *Dilecte Fili* & cælitus indicta festi hujus celebratio.

Ex dictis colligitur festi Conceptionis antiquitas in Ecclesiis particulare, quod tandem Ecclesia Universalis Constitutionibus Pontificiis, & usu ac consuetudine approbavit. Nō est certè præiudicandum, quod Dei pro-

providentia tam longo tempore vellet quoad cultum hujus festi tam antiquum & constantem in errore Catholica regna versari. Et quamvis particulares Ecclesiæ in aliquo aberrare possint; tamen Universalis Ecclesia earum errorem in rebus ad fidem vel mores spectantibus approbare nequit; ut Magistra fidei morūque, & columna veritatis. Quia verò sententia Ecclesiarum particularium de Immaculata Conceptione luculentissimè approbavit, & venerationem ejusdem festi; hinc ætatum priorum religio, & Pia per hoc sententia gravissimè comprobatur.

IX.

*Auctoritas ex Revelationibus
approbatis, & fide dignis.*

OMnia in Immaculatæ Conceptionis Virginæ testimonium conspirant; nec fide dignissimæ Revelationes desunt, quas refero.

Primò. Primum locum obtineant
Reve-

Revelationes, quas S. Anselmus in epistola ad Episcopos Angliæ refert. de qua epistola, ne dubium suboriat, testatur de illa Gerson serm. de Cōcept. qui vixit Anno Domini 1430 Paludanus in 3. dist. 3. qui vixit Anno 1310 Capreolus in 3. dist. 3. qui vixit Anno 1410 Henricus Gandaven- sis quodlibeto 25. q. 23. qui vixit Anno 1340. Thomas de Argentin. in 3. dist. 3. qui floruit Anno 1350. Item nullus è Theologis de istius Epistolæ auctoritate dubitavit, ut ait Salazar c. 35. de Immac. Conceptione. Accedit major consensus Breviariorum antiquorum, quæ lectiones in matutinis ex prædicta Anselmi Epistola deprompserunt. Eandem Epistolam admittit Thomas Bazius lib. 9. de signis Ecclesiæ. c. 8. & Baronius in Notis Martyrologii Romani. Denique huius Epistolæ meminit Concilium Cantuariense Anno 1320 celebratum. vixit autem S. Anselmus (quod & supra memini) Anno 1081. tēpore Urbani II. Pōtificis. Hic

Hic ergo in Epistola sua ad Angliæ Episcopos triplicem revelationem & miraculum describit, quod festo Cōceptionis initium dederit.

Primum narrat his verbis: *Concep-
tio veneranda Dei Genitricis, perpetua
Virginis M A R I Æ, dilectissimi fratres,
quemadmodū per multa signorū experimēta
in Anglia & in Francia, ceterisque climati-
b⁹ mūdi celebrāda sit declarata, me narran-
te, audiat dilectio vestra. Tempore namque
illo, quo Divina placuit pietati Anglorum
gentem de malis suis corrigere, Nortmānorū
Duci Gūtielmo eandem debellando subegit,
qui totius Ecclesie honores in melius refer-
mavit. Audientes Dacy Anglicam subie-
ctam esse Nortmānis, arma parant, ut eos a
data sibi divinitus Patria expellant. Hoc
comperto Gūtielmus Helsingum Abbatem Re-
mensis Canobij in Daciam direxit, ut inqui-
reret huius rei veritatem. Ille regis negotiū
executus, in Angliam reverti cupiens, ma-
re ingreditur, ubi subito horrida tempestas
mare commovit. Fatigatis iam nautis, fra-
ctis remis, & ruptis funibus, omnes de salu-
te cor-*

te corporis desperabundi, animarum salutem Creatori suo commendabant, & Beatissimam Virginem Dei Genitricem, miserorum refugium, & desperatorum spem devotissime reclamabant. Et ecce subito conspiciunt quendam Pontificali insula decoratum, quasi inter medias undas navi proximum; qui vocans ad se Helsum Abbatem, his verbis eum alloquitur: vis (inquit) periculum maris evadere? vis in patriam sanus redire? Cumque ille id cum fletu se desiderare responderet: scias me (alter inquit) ad te à Domina nostra Dei Genitrice directum esse, ad quam dulciter reclamasti: & si dictis meis obtemperare volueris, sanus cum tuis comitibus evades. Ille spondet se ei in omnibus obtemperaturum. Promitte, inquit ille, Deo & mihi, quod diem Conceptionis & Creationis Matris Domini nostri IESU Christi sollemniter celebrabis, & celebrandum predicabis. At ille ait: Et quis dies in hoc festo celebrandus erit? Sexto Idus Decembris, ait, hoc festum sollemnizandum tenebis. Et quo, inquit Abbas, Officio utemur in ecclesiastico obsequio? Omne, inquit, Officium, quod

quod dicitur in eius Nativitate, dicitur in eius Conceptione: excepto, quod nomen Nativitatis mutabis in nomen Conceptionis. His dictis ille disparuit, & citò sedatâ tempestate Abbas incolumis concito statu applicuit littoribus maris Anglicani; & quod viderat, & audierat, notificavit. Statuit autem idê festum in Remensiensi Canobio celebrari; & ipse, quoad vixit, devotis obsequiis celebravit. Et nos igitur, fratres dilectissimi, si portum salutis volumus apprehendere, Dei Genitricis Conceptionem dignis obsequiis & officiis celebremus, ut ab eius Filio dignâ mercede remuneremur. Hactenus S. Anselmus.

Post hæc statim subinfert secundū miraculum ac revelationem his verbis: Tempore Caroli Regis Francorum Clevicus quidam Hungaria Regis germanus, Matrem IESU toto corde diligens, eius horas sollicitus decantabat. Parentum autem consilio nubere volens, accepit à Presbytero nuptiali benedictione, recordatus, quod Beatissima Virginis Horas illâ die iuxta morem non cantavit, sponsam domum mittens, o-

mnes ab Ecclesia abire coegit, & ipse iuxta
 altare Virginis solus remansit. Cumque ho-
 ras Dominica Matris decantaret, & hanc
 Antiphonam diceret: *Pulchra es & decora,*
filia Ierusalem; subito ei apparuit Virgo
 MARIA cum duobus Angelis dexteram ei
 & levam manum tenentibus, dicens ei: si
 ego sum pulchra & decora; quid est, quod
 dimittis me, & sponfam aliam accipis? nun-
 quid ego non pulchrior? Cui ille stupefactus
 ait: Domina mea dulcissima, claritudo tua
 omnem mundi pulchritudinem excellit; quo-
 niam tu es super choros Angelorum exaltata.
 Quid vis, Domina, ut faciam, ait illa: Si
 Sponfam mei amore dimiseris, me sponfam
 in caelesti regno habebis: & si Conceptionis
 meae festum annuatim Sexto Idus Decembris
 celebraveris, & celebrandum predicaveris,
 mecum in regno Filij mei laureatus eris. His
 dictis B. Virgo disparuit: Clericus verò do-
 mum abire renuit, & absque parentum suo-
 rum consilio, ad Abbatiam quandam extra
 Patriam perrexit, & ibidem Monachali ha-
 bitu decoratus est; & post tempus exiguum
 Aquilegia Patriarcha factus, Festum Conce-
 ptionis

ptionis die. prefato, quamdiu vixit, annuatim cum propriis Octavis diligenter celebravit, & celebrandum predicavit. Hæc omnia S. Anselmus.

Tertium deinde subdit ibidē quod hīc subiicio: *In pelago Gallico* (inquit) *Canonicus quidam Sacerdos, solitus B. Virginis Horas decantare, à villa rediens, ubi fornicatus fuerat, rediens ad oppidum, in quo morabatur, & pelagus Sequana transmere cupiens, solus navim ingressus, Dominica Matris Horas navigando canere cepit. Cumq; invitatorium, Ave MARIA gratiā plena, Dominus tecum, diceret, & iam in medio fluminis esset; ecce turba magna demonum in profundo pelagi unā cum eius navicula eum precipitavit, & eius animam rapuit ad tormenta. Die autem tertiā ad locum quod demones eum tormentis afficiebāt, venit Mater IESV cum magna Angelorum Societate, dicens eis: Vt quid animam famuli nostri ita affligitis? cui illi: Nos eam debemus habere; & meritō, quia in operibus nostris capta est. Quibus Mater IESV: Si illius debet esse, cuius opera faciebat; ergo*

nostra debet esse, quoniam Matutinas nostras, dum eum peremistis, decantabat Unde magis rei estis, qui iniquè contra me egistis. His dictis, demones huc & illuc dispersi fugerunt, & B. Virgo reduxit animam ad corpus, & hominem ab utroque funere suscitatum per brachium arripiens, ad portum, incolumem perduxit. At ille gaudens, pedibus B. Virginis prostratus ait: Charissima mea Domina & Virgo Christo gratissima, quid tibi retribuam pro tantis beneficiis. Liberasti me de ore leonis, & de tormentis gravissimis animam meam. Cui Mater. I. E. S. V. ait, Precor, ne de cetero in adulterij peccatum cadas; ne fiat tibi novissimus error peior priore. Precor iterum, ut de cetero festum Conceptionis mea devotè celebres annuatim Sexto Idus Decembris, & ubique celebrandum predices. Mox ut ea dixit B. Virgo, eo cernente calos ascendit: & ipse eremiticam vitam ducens, quod sibi acciderat, narravit; & quamdiu vixit, festum Conceptionis solenniter & devotè celebravit, & celebrandum predicavit. Hæc omnia ex S. Anselmo Præsule dignissimo. Habetur

tur ex ejus epistola hæc excerpta in antiquioribus Breviariis, nempe Carthaginensi, edito sub Annum Domini 1484: Placentino, edito sub Annū 1500: Vicensi, edito sub Annum 1520: alii adhuc referunt Breviarium Hispalense, Cordubense, & Segovienſe: quæ omnia testantur de hac epistola Anselmi, ex qua hæc miracula & revelationes excerptæ, & à Theologis in suas lucubrationes conjectæ, fidem omnino merentur, qualis tanto Antistiti omni exceptione majori debetur.

Secundò: Post Anselmum Præsulē Sanctissimum, adduco Divinis revelationibus illustrem Divam Brigittā, cujus revelationes sunt recognitæ à Gregorio II. & Urbano V. Bonifacio IX. Martino V. ab iisque approbatæ & laudatæ. Floruit hæc Sancta ante Annum Domini 1400. Hæc Mariæ Conceptionis Puritati ac innocentiae testimonium luculētum præbuit. Nam lib. 5. Revelationum cap.

E 4. 4. sic

4. sic ait de B. Virgine: *MARIA* de radice *Adæ* processit, & de peccatoribus nata est, licet sine peccato concepta, ut *Filius Dei* de ea sine peccato nasceretur.

Item lib. 6. Revelat. cap. 49 eadem Sancta B. Virginem sic loquentē inducit: *Veritas est, quod ego Concepta fui sine peccato Originali, & non in peccato.*

Et infra eadem B. Virgo sic loquitur: C. 155. *Conceptio mea non omnibus nota fuit; & placuit Deo, quod amici sui per dubitarent de Conceptione mea; & quilibet ostenderet Zelum suum, donec veritas claresceret tempore præordinato. Ibidem dicit: Hora, in qua ego cōcepta fui, bene potest vocari aurea hora. &c.*

En ut omnia consonant Piæ sententiæ, & cælitus roborantur? Fuit etiam huic tempestati affinis S. Elizabetha Hungariæ Regina, quæ, ut ait Palbartus lib. 4. Stellarium, par: 1. art: 3. de Pura Virginis Conceptione cælitus per revelationem edocta est.

X.

Auctoritas Sacræ Scripturæ.

Hanc quidem ante omnes afferre
decurt; sed illi malui præmitte-
re alias auctoritates luculētas. Quòd
verò & illa Piam sententiam non se-
mel innuat, hîc ostendo.

Primus Locus est Genes. 3. ubi di-
citur serpenti deceptori Evæ: *Inimi-*
citias ponam inter te, & mulierem: & ipsa
conteret caput tuum. Hunc locum pas-
sim Patres & alii Doctores intelligūt
de B. Virgine. Nam, ut citat Bernar-
dinus de Busto in Officio de Pura
Conceptione (quod approbavit Six-
tus I V. per Bullam incipientem: *Di-*
lecte Fili) Augustinus in Genesim ait
in hunc modum: *Cum subiectio peccati*
Originalis caput sit diaboli; tale caput MA-
RIA contrivit, quia nulla peccati subiectio
ingressum habuit in animam Virginis, &
ideo ab omni macula immunis fuit. Item
Petrus Bleffensis, serm. I. de Adven-
tu sic habet, & locum prædictum ca-
pit

pit de B. Virgine : *Benedictionem attulit* MARIE Angelus dicens, *Ave benedicta inter mulieres, id est, sola robusta inter molles* (*Molior enim à moltitie dicitur, quasi Mollier.*) *hac est illa Mulier fortis, in cuius fortitudine dictum est diabolo : ipsa conteret caput tuum.* Similiter locū hunc accepit de B. Virgine Bernardus Homilia secunda super Missus est &c. dicens : *Ipsa caput contrivit venenatum, quæ omnimodam serpentis suggestionem ad nihilum redegit.* Locus ergo prædictus ex Genesi, accedente auctoritate Patrum, & illā clarissimā Augustini, militat pro Immaculata Conceptione : nec incongruè peccatum Originale per caput serpentis juxta Doctores intelligitur, quod nempe peccatum, aliorum caput est, & Origine trahitur. Illud item : *Inimicitias ponam inter te & mulierem,* satis indicat, talem mulierem serpenti inimicam fuisse, proinde ejus venenato suasui non acquievisse in Adam.

Secundus Locus est ad Roman. : s. ubi

ubi post doctrinam de peccato Originali Paulus inquit : *sed non sicut delictum, ita & donum. Si enim unius delicto multi mortui sunt, multò magis gratia Dei & donum in gratia unius hominis IESU Christi in plures abundavit.* Hic dicitur in plures homines redundasse gratia Christi, quam redundârit delictum Adæ. Ergo in aliquem non redundavit delictum Adæ. De nullo autem sic convenit consensus Ecclesiæ, ut vidimus; Patrum item & Doctorū, præter B. Virginem & Christum. In illam igitur non redūdavit delictum Adæ, sed tantum Gratia Christi.

Tertius Locus est 1. Corint. 15. Primus homo de terra terrenus : secundus de cælo celestis. Vbi S. Paulus discrimen inter Adamum & Christum Dominum constituens, docet Matrem illius fuisse terram; hujus autem Matrem fuisse quodammodo cælum : non quod Christus de cælo sit formatus, ut Adam de terra vera; cū omnino habuerit corpus humanum è terrena mole

mole concretum ; sed quòd formatus sit è purissima Virginis substantia, quæ cælum, expers utique omnis maledictionis, cui terra subjacuit, suâ puritate referebat. Sic ferè exponit Rupertus lib : 1. in c. 1. Math. Et Sancti Patres passim B. Virginem cælum appellant. Sic Epiphanius ferm. de laudibus Virginis ait ; *Anna calum & Thronum Cherubicum peperit, sã-ctam puellam MARIAM.* Et Sanctus Methodius Orat. in Hypapante, eandem *calum* vocat eius, qui loco non potest comprehendi. & alii.

Quartus Locus est ad Hebr : 9. ubi dicitur *Christus per amplius & perfectius tabernaculum non manu factum, id est non huius creationis introisse &c.* Vbi Velasquez de Immac : Concept : Disp : 1. annot. 3. Deiparam vult intelligi per illud *tabernaculum non huius Creationis*, id est, non unam ex Adæ & Evæ posteris communis noxæ contagio infectis ; sed opus novæ creationis, cui nil commune sit cum istis creaturis

ex Adam & Eva descendentibus, si-
ve quoad pactum & debitum, si-
ve quoad ipsam legis-transgressionem.
Certè specialem quandam creationē
B. Virgini attribuit Ecclesia, de illa
canens: *Ab initio & ante sæcula creata
sum*: Item: *Tunc precepit & dixit mihi
Creator omnium, & qui creavit me, requie-
vit in tabernaculo meo*. Non suffecerat
divisse, Creator omnium, ut illa eti-
am creata intelligeretur; sed præter
omnes, qui creati, illa creata dicitur:
Creator omnium, & qui creavit me. Nē-
pe non hujus creationis fuit, cujus a-
lii omnes Adæ posterī, Originali la-
be in prima sui infecti creatione.

*Quintus locus est Cant. 4. Tota pul-
chra es, & macula non est in te*. quem lo-
cum Sixtus I V. in approbatione Of-
ficii Divini de Conceptione per Ex-
travagantem incipientem, *Cum præ-
excelsa*, ad negandam maculam Ori-
ginalem in B. Virgine accommodat:
ibi enim in primis Vesperis est illud:
*Tota pulchra es, & macula Originalis non
est in te*.

Item

Item plerique Patres hunc locum ita capiunt de B. Virgine, ut ab ea maculam Originalem hîc excludant. sic Idiota c. 3. contemplat. de Virgine DEI PARA ait: *Tota pulchra es in tua Conceptione ? ad hoc solum effecta, ut esses templum Dei Altissimi: tota pulchra es, non in parte, sed in toto, & macula peccati sive Venialis, sive Originalis, non est in te, nec unquam fuit.* Sic & Richardus Victorinus inquit: *Tota fuit pulchra; quia totam possedit gratia, quia nullum in ea locum habuit peccatum.*

Præterea Patres per maculam intelligunt peccatum Originale, dum explicant de Ecclesia locum prædictum ex Canticis, ut & Paulus ad Ephes: 1. Ecclesiam dicit non habentem maculam, quod eam Christus mundârit lavacro in verbo vitæ scilicet per baptismum institutum contra Originale. Ergo B. Virgo, quæ hic dicitur tota pulchra & macula, non esse in illa, caruit Originali, quod macula dicitur in scriptura.

Sextus

Sextus Locus est Prov. 8. Dominus possedit me initio viarum suarum. Quæ verba Ecclesia tribuit B. Virgini. Et legit in Conceptionis B. Virginis Festo. Atsi Dominus possedit eam ab initio, certè in possessionem Virginis captandam prævenit diabolus, qui in Conceptione hominum perculpam traducis, possessionē hominum capit. Absit autem ut vel ad momentū diabolo prius permissa fuerit possessio Divinæ Parentis.

Mitto alios complures locos scripturæ; ut illum Ps. 46 *Sanctificavit tabernaculum suum Altissimus: Deus in medio eius non commovebitur: adiuvabit eam manē diluculo.* Quod enim est manē illud? quàm prima Conceptio, & primus ortus mysticæ hujus Auroræ: de quo illud Jobi: *Asc ortum surgentis Aurora considerat?* Nempe est quod in eo consideretur, ubi ortus in tanta gratiæ luce sine peccati primigenii labe aut nube densissima. Huc & illud refertur Ps. 86. *Fundamenta eius*

80 *Argumenta ab Auctoritate*
in montibus Sanctis: ipse fundavit eam Alt-
issimus. &c. &c.

XI.

Auctoritas Cæsarum, Regum,
Regnorumque.

Etiam piissimi Imperatores ac Re-
ges, suo suffragio Piam sententiã
tuentur; ac ut Imperia & Regna cul-
tui Mariano, sic & Immaculatæ Cõ-
ceptionis impensissimæ venerationi
addicunt. Nam

Post Annũ Domini 900 vixit Leo
Imperator, qui Orationem conscrip-
psit de Pura Virginis Conceptione,
ubi sic eam alloquitur. *Cũ adhuc in*
lumbis continereris, genitor tuus clamabat:
Audi filia, & vide, & obliviscere populum
tuum, & domum Patris tui. Audisti verẽ,
ô Filia, & oblita es populi tui & sortis, &
domũ paternã; sortis videlicet illius, quam
Eva progenitrix toti generi humano distri-
buit. nihil tu horum in domum tuam in-
tulisti. &c.

At domus Austriacorum Impera-
toria

toria quàm effusa in cultū Immaculatè Conceptæ Virginis! Huic colossos triumphales Viennæ, huic Pragæ in medio foro hucusque erigit. Sit sat memorare tum Ferdinandum II. Imperatorem (nam hæc in B. Virginis Immac : Conceptionem religio hæreditaria est, Augustis Successoribus ad Imperiū) qui ab Urbano VIII. obtinuit, ut per omnia sua regna & provincias solenniter coleretur Immacul : Conceptio : Tum Leopoldū I. cujus in hoc egregium (ut appellat Innocentius XI. in literis ad eum datis) zelum laudavit sedes Apostolica in dictis immediatè literis Anno 1678. 18. Decembris datis

Auctoritas Regum Regnorumque stat pro primigenia Puritate B. Virginis. In Hispania pridem id Festum colitur tenerrimâ Regni devotione. Sed insuper Philippus secundus Rex Hispaniæ Anno Domini 1614. à Paulo V. suppliciter postulavit, ut Immaculatam Conceptionem Deiparæ

F desi-

definiret. Quia verò nil eo anno actum, iterum apud sedem Sanctam institit; & ab eodem Paulo V. Bullam impetravit An. salutis 1617. quâ vetitum, ne quis in publicis concionibus, & publicis actibus proponere aut docere posset aliquid contrarium Purissimæ Marianæ Conceptioni. Magno id plausu accepit Hispania. Nam à Sexta Octobris, quâ hic Nuntius venit, ad octavam Decembris data solennis lætitiæ Argumenta, & scenæ exhibitæ. Universitates omnes, Canonicorum cætus, Collegia, Sodalitia plurima se voto obligârunt, *namquam contra Immaculatam Virginis Conceptionem dicendi sentiendivè.* Rex ipse sodalitatem instituit Madriti in regio S. Claræ Monasterio, cui ipse unâ cum liberis, & Principes domestici omnes, omnes Hispaniæ Magnates, Vice-Reges, Duces, Marchiones, Comites, alique è nobilitate, & præter Collegia atque Academias, centum octaginta Monasteria, &

supra

supra viginti hominum millia omnis ordinis, ætatis, conditionis, sexûs, sua nomina dederunt, factâ voti spõsione de tuenda semper Immaculata Conceptione.

Philippus deinde I V. misit legatum in Urbem Romam, ad Gregorium X V. ab eoque aliam Bullam impetravit Anno Domini 1622 quartâ Maij, quâ contraria Immaculatæ Conceptioni opinio, etiam in privatis colloquiis proponi prohibita. Testatur id Tausch in libello de B. Virgine dolorosa. Præterea apud Alexandrum V I I. Anno Domini 1971. Philippus Rex Hispaniæ & Regina per Ludovicum Episcopum Placentinum Oratorem plûs effecit, dū Bullam illam impetravit de Immaculata Cõceptione gloriosissimam, quàm supra memoravi sub Auctoritate Põtificum § 1. sub duodecimò.

Nec illud omittam, quòd (ut habet in cælesti Pantheo Engelgravè in Concione festi Conceptionis) dum

à Sixto I V. Madritum Cursor Regius diploma pro Immaculata Conceptione deferens venisset, lampas noctu tantum accendi solita ante imaginem B. Virginis Conceptæ; mediâ luce, eo ipso momento sponte ardere cæpit, consumptoque oleo duravit flamma, affusâ aquâ, tot ad spectaculum accurrentibus. Sic ergo in Regno Hispaniæ illustris est Conceptio B. Virginis. At nec impensis ejus honori parcit, hoc regnum, quod vel ex sola Hispalensium pietate colligi potest, apud quos pretio octoginta millium aureorum tapeti è gēmis & Adamantibus contexto Phrygio opere verba hæc intexta: *Beata Virgo Concepta est sine peccato.*

Alios etiam Reges juvat proponere. Anno 1399. Joannes I. Rex Aragoniæ pro Immaculata Conceptione edictum vulgavit, & perpetuum silentium oppositæ sententiæ in suis editionibus indixit: item in eos, qui in concionibus vel disputationibus

in dubium vocarent immunitatem B. Virginis à peccato Originali, exilii & proſcriptionis Bonorum omnium penas interminatus eſt. Quam cjuſ conſtitutionem in ſuas lucubrati-ones ſacras Joannes Pineda conjecit.

Anno item 1431. Joannes Rex Navarrae in comitiis Catalauniæ habitis: cavuit ediſto panisq; ſtatutis, ne-quis unquam in concionibus vel diſputationibus adverſam Immaculatae Conceptioni opinionem uſurparet vel defenderet.

Antiquius eſt, quod refert S. Anſelmus, & nos ſupra ex illo retulimus de Regis Hungariæ filio, qui poſtea Archiepiſcopus Aquileiæ, cælitus admonitus fuit de feſto Immaculatae Conceptionis quotannis agendo & prædicando. vixit autem Anno Domini 800. circa finem ſæculi illius. Paruit ille cæleſti monito, & cultum Conceptionis propagavit.

In Regno Gallia cultum Conceptionis Marianæ antiquitus obſerva-

tum probant tum Isidori Missale , & Officium Narbonensis Gallia à pri-
scis temporibus servatum ; tum Ec-
clesiæ Lugdunensis in Virginem Im-
maculatè Conceptam religio, quæ e-
tiam vivente S. Bernardo viguit ,
ut patet ex Epistola illius ad Canoni-
cos Ecclesiæ Lugdunensis de eadem
Conceptionis celebritate , scripta :
tum ex Richardo, qui q. 1. sic sibi o-
bijcit : *Multi Conceptionem Virginis solē-
nizant, nec reprehenduntur ; Ergo videtur,
quod fuit Sancta* ; ubi per multos intel-
ligit Gallia populos : Tum ex Parisi-
ēsis Academia antiquo zelo pro Cō-
ceptione Deiparæ à temporib⁹ Scoti,
ut supra retuli. Nunc autem tantò
magis Regnū id , & piissimi ejus Re-
ges venerantur primum hoc felicissi-
mum Instans Marianum.

Denique Regnum Polonia teneri-
mè Immaculate Conceptioni affi-
citur, & singulari religione prosequi-
tur eandem totum, ut omittam Con-
gregationes & sacra sodalitia sub no-
mine

mine Immaculatæ Conceptionis erecta, & nominatim Varſaviæ Sodalitium in domo Profeſſa Societatis JE-SV, in quo votum emittitur tuendæ Immac: Conceptionis. In hujus Sodalitatis decus acceſſerunt Majeſtates, quæ illi ſua nomina dederunt. Ex his primus fuit Vladislaus IV. & Joannes Caſimirus Reges Poloniæ Sueciæque, nec non Carolus Ferdinandus Princeps, Prædictorum Regum Frater; qui cum Joanne Caſimiro tunc nondum Rege, Aſſiſtens fuit Congregationis; Rex autē Vladislaus ejusdem primus præfectus. Secuti omnes Principes, Antiſtites, Duces, Proceres, & - - *miſtum cum Principe vulgus.* Nempe ſi Rex iuſta velit, quis non eadem volet.



XII.

*Auctoritas à miris & felicibus**Anagrammatismis de Immaculata**Conceptione DEIPARÆ.*

ETiam mira Anagrāmata in partē
 Argumenti à loco extrinseco eāt.
 Certè, quæ secundo loco hîc afferun-
 tur, centum Anagrammata, nescio
 cui non admirationem cieant ex sex
 dictionibus primis salutationis An-
 gelicæ conformata. Augent prodigium
 Authoris oculi, quorū vix ul-
 lus ei usus, solâ vi memoriæ tã aptè,
 tam concinnè omnia de Immacula-
 to Virginis Conceptu disponente.
 Nec primum Eusebii Nierembergii
 infelici eventu fuit apud Alexandrū
 VII. qui memoratam supra constitu-
 tionem edidit, quâ super omnes ar-
 te Pontifices Piam sententiam
 stabilivit, utriusque Auctoris.
 Anagrammatismum
 accipe.



OMEN

O M E N.

Honori Immaculata Conceptionis, Beatissima
VIRGINIS MARIÆ,
oblatum.

Anno Domini 1668.

SSmo. D. N.,

ALEXANDRO VII.

à R. P. Joanne Eusebio Nierembergio, Ma-
dritensi è Societate JESU.

Ex his vocibus, quæ pro numero discipulorum
Christi, & Collegij Cardinalitij literis 72.
componuntur.

Sanctissimus Pater, & Dominus ALEXANDER
Papa Septimus, qui erat antea Fabius Chisius.

Collectum & in hoc Anagramma radactum.

Quartus è Senis Papa DEIMATRI Carissimus,
ipsi labem Adæ non fuisse statuet. Tunc Pax.

Centum Anagrammata honori Immaculata Conce-
ptionis B. Virginis à D: Joanne Bap: Agnen: Cyrnao,
Eminet. Principis S. R. E. Cardinalis Julij Rossiglio-
sii Aulico solâ si memoria (quod hebetudine
oculorum laboret) eruta ex his vocibus An-
gelica Salutationis:

AVE MARIA GRATIA PLENA,
DOMINVS TECVM

- 1 Pura unica ego sum Mater alma Dei Nat.
- 2 Deipara inventa sum ergo immaculata,
- 3 Pia, Munda, Iusta, Alma Creatorem genui.
- 4 Ego aurum nitens, Immaculata Deipara.

- 5 Ego mitis, Pura, Immaculata, Veneranda,
- 6 Margarita Caeli sum, nivea a tè munda.
- 7 Sat Pura è malo Adami. Increatum genui.
- 8 Vna semper Immaculata Virgo Dei Nata.
- 9 Deipara augustè Immaculata nominer,
- 10 Arca pura Nati Dei, eum tegam almo sinu.
- 11 Aula sum tota munda, ac Regina Empirei.
- 12 En Virgo, en Deipara sum, at Immaculata.
- 13 Procul anguis à me, una Mater Dei Amati.
- 14 Ruat anguis amare, immane caput elido.
- 15 Totà sine Macula Adam, purè germinavi.
- 16 Pergam inviolata, ac munda Mater JESU.
- 17 Vivam Deo integra, Immaculata Parens.
- 18 Pura, Et digna Mater; summa Caeli Ianua.
- 19 Digna Mater JESU, Et Pura à macula omni.
- 20 Sola purè, ac mirè munda animata viget.
- 21 Vna est Deipara Virgo; en Immaculatam,
- 22 Vna est Immaculata Virgo; en Deiparam.
- 23 Si pariat una Deum; en ergo Immaculata.
- 24 En Pura Dei amans, Et Immaculata Virgo.
- 25 Purè amata, Et munda è macula originis,
- 26 Regina summe Diva, purè intacta à malo.
- 27 Dei summa Imago, clara, Et Pura inventa.
- 28 En Virgo Nata Diva semper Immaculata.
- 29 Alma Virgo ante casum Ade permunita
- 30 En Virgo pariet Deum, sana, Immaculata.
- 31 Nivea Mater JESU, culpam ignorat Adam.
- 32 Ita Eva secunda malum ignorat prima.
- 33 Virgo est, ac pramunita in Ade malum.
- 34 Ista Virgo almè, purè ac mundè animata.
- 35 Tanta Virgo merè immunis à culpa Ade.
- 36 Deipara magna venit, morsu mali vacet,

- 37 *Ea sanè tota Pura, Miraculum Magni Dei.*
38 *Iram maculamve Ada penitus ignorat.*
39 *Purior Angelis, Deum, unicè amata, amat.*
40 *Regina mirè tuta à lapsu communi Ada.*
41 *En micat alme ignita, Pura Domus aurea:*
42 *Virgo Veneranda, ipsamet Immaculata:*
43 *Ista Eba Regina, Mundo alme pura micat,*
44 *Maturè nego in Deipara justa maculam.*
45 *Lapsum, ac reatum Adami Nea Ignoret,*
46 *Magna Deipara unicè tuta è morsu mali,*
47 *Jure negamus maculam in tota Deipara.*
48 *Amici, en Pura genuit Adam Salvatorem.*
49 *Ergo sine macula cæta; nam Deum parit.*
50 *O sanè claram, & Puram Dei vibi Gnatam!*
51 *O Divam purè genitam sine atra macula!*
52 *O Divam ingenti macula præservatam!*
53 *Age Munda; I. Pura, tota mirè sinè macula.*
54 *I, o Regina; Pura, munda, & Immaculata es.*
55 *Age Numen paris, o Diva ter Immaculata.*
56 *Age Idea sanè clara omnium puritatum.*
57 *T. jurè Immaculata o Magna Dei Parens.*
58 *Tu magna servata à nece mali duri Pomii.*
59 *Tu regia purè Munda, anima amicta sole.*
60 *Purè Immaculata es, nam Virgo Dei Nata.*
61 *En vades o Pura, Mater Agni Immaculati.*
62 *Eia munda Parens & Immaculata Virgo.*
63 *Tu è summo data Pura à nece amari ligni.*
64 *Pura ante Originem Immaculata vades*
65 *Tu ergo Immaculata; nam Deipara venis.*
66 *Tu regia munda animata Cælum aperis.*
67 *Vna paries Dei Natum: Ergo Immaculata.*
68 *I, age Pura à sorde, & munita in maculam*

- 69 I Regum Patrona : en Diva Immaculata es.
 70 Jam munda es à culpa Virgo Intemerata
 71 Una Deo Immaculata es, Mater Puri Agni.
 72 Eia ergo Pura Munda, Immaculata nites.
 73 I Virgo sanè munda apertè Immaculata.
 74 Eia te dignam juro sine macula partam.
 75 Pura à macula, esto etiam mundi Regina,
 76 Tu Regina Pia, summa, Et munda Cœli Ara.
 77 I Virgo alme amata. Pura, Munda nitesce.
 78 Sanè digna, meritòue Pura Immaculata.
 79 Verum Dei Agnum, intacta à malo, paries.
 80 Age purè animata, mire cumulata donis.
 81 O Regina summè nitida Et Pura à macula.
 82 Cœli merè gaudium, Nata Pura Amantis :
 83 Virgo planè Munda, ac Mater JESU Amati.
 84 Eia Pura, Munda, tu magni electa Amoris.
 85 Virgo antea Immaculata, en Paris Deum.
 86 En vacas multâ pomi Regina Diva Mater.
 87 Mater Virgo Pia, jam vale sancte munda.
 88 Eia Regina summo Amanti Pura Dilecta.
 89 O vera Immaculata Dei Gnatum pariens.
 90 O JESU en digna Mater, Pura Immaculata.
 91 O Magna Immaculata, tu Parens veri Dei.
 92 Adam, Et Eia in macula purè ignorasti.
 93 I. alma intacta, Eia Virgo semper munda.
 94 I ergo Pura, i sanè munda, Et Immaculata.
 95 Euge mali nescia, Pura, munda, mira tota.
 96 Age Patrona Mundi, jure Immaculata es.
 97 En tu Immaculata es, nam Virgo Deipara.
 98 Eia secunda Pura Mater Agni Immolati.
 99 Virgo à macula Ade patenter immunis.
 100 Te Puram sine macula genitam adorâsi.
 Imprei. ROMÆ 1661. & passim alibi.

Auctoritas à Miraculis.

Miracula cùm probata sunt, suâ vi non carent, & inter motiva credibilitatis meritò reponuntur. Sunt enim velut quædã loquela Dei & luculentior attestatio veritatis.

Porro pro Puritate Virginei conceptûs si miracula quis requirat, neque hîc multùm tergiversabitur Pia sententia. Atque.

Primò: in miraculorum hujusmodi classem revocari poterunt prodigiosi illi eventus & miraculosè obtentæ quædam gratiæ, quas retulimus ex S. Anselmo, sub titulo, *Auctoritas à revelationibus fide dignis.* Tria ibi miracula unâ cum revelationibus recenset prædictus Sanctus Antistes, omni exceptione testis dignissimus.

Secundò: ad miraculorum classem referri debet illud, quod refert Antonius Solarius Carpinas, libro de *Veneratione & Invocatione Sancto-*
rum:

rum; & ex illo tu alii, tum Antonius Spinellus in libro pulcherrimo de B. Virgine, quam Thronum Dei in titulo libri vocat. Sic autem se res habuit: Octava festi Conceptionis, quam Sixtus IV. Indulgentiis prosecutus in Ordine Minorum, postea totius Ordinis Cælestinorum decreto, apud illos est instituta, procurante id Nicolao Pratenſe ejusdem Ordinis viro Religioſiſſimo, & Deiparæ studioſiſſimo. Hic cùm id impetrâſſet, lætior hinc hortum ingreſſus, roſam pulcherrimam. ibi decerptam, corâ Imagine B. Virginis venerabundus poſuit dicens: *Iuina Parens, ſi gratum eſt, quod noſter Ordo ac Octava immaculate tue Conceptionis conſtituit; Roſa hæc, quam tibi offero, vertente anno, recurrente hæc ipſo die viriditatem & pulchritudinem ſuam conſeruet.* Factum id multis videntibus & ad rei novitatem attonitis anniverſario die. Hæc verò Antonius Solarius ab iis, qui miraculo interfuerant, accepta literis conſignavit.

Tertio: ad eandem classem reduci possunt Auctorum testimonia, qui contra tentationes inhonestas quibusdam profuisse testantur invocata Immaculatè Conceptam Virginem.

Denique prodigio non vacat ipsa notitia tanti privilegii concessi primo instanti vitæ Marianæ; & admirabilis ab antiquo consensus Ecclesiarum ac orbis pænè totius Christiani. Vnde etiã Sixtus I V. meritò in Bulla incipiente: *Cum præexcelsa*, miram Conceptionem Virginis appellat, proque illa gratias omnipotenti Deo referre jubet. Nimirum mira est hæc Conceptio tum in se ipsa, tum quoad sui notitiam admirabilem.

Vltimò.

AD calcem § Primi adjicio sensũ Mahometis & Lutheri de Conceptione B. Virginis.

Mar-

Martini Lutheri

Vox illa impia est apud Salazar:

N Vllum Festum magis odit anima mea,
 quam Festum Corporis Christi, & Cō-
 ceptionis Beata Virginis. Sic Lutherus.
 Ego causas odii non investigo; vel
 quare duo hæc jungat Festa, odii
 fui materiam. Gratulor Piæ sententiæ,
 imò Vniuersali Ecclesiæ. quod huic
 odio Lutheri contradicat, & tam im-
 pense Festum ac opinionem amet,
 quam ille oderit.

Alia vox Mabometi.


Q Vi in suo Alcorano primigeni-
 am Beatæ Virginis innocentiam
 non odit, sed extollit, solâque
 hîc ab omnibus excipit MARIAM,
 dum sic ait:

*Nullus de filiis Adam nascitur, quem nō
 tangat satan; & ideo plorat vociferans ex
 eius tactu; præter MARIAM & Filiū eius.
 Addit deinde: o MARIA cunctis
 viris*

viris faminisque præclarior ! Deus utique elegit te, & purificavit te, claram super mulieres seculorum Hæc Mahometus. Equidem magnam fidem faciūt & adversariorum testimonia, quoties ab illis vis quædā veritatis extorsit, quod in hostis, quem alias persequuntur, commendationem redundat, uti est hoc Alcorani testimonium : Nempe - *quandique olitor fuit opportuna locutus.* Atque hinc fuit, quod sub Joanne X X I I. Summo Pontifice, Soldani Armeniæ filius, qui jam voluit baptizari & Christiana sacra recipere, cum audisset Concionatorem contra Immaculatam B Virginis Conceptionem debacchantem, à voluntate baptismi recipiēdi resilierit ; hanc injuriā graviter ferens, quam nec Mahometus in Alcorano passus. testatur hæc de re Engelgrave in cælesti Pantheo, Concione de Immaculata Conceptione.

Ex dictis toto hoc §

PAtet, nihil propemodum deesse per locum extrinsecum ad moriva credibilitatis, de Immaculata Cōceptione indubitatè asserenda. Sola, quæ alibi inter motiva credibilitatis referuntur, desunt hîc Martyria; sed nec effuso sanguine non libenter assererent Puritatem Marianæ Conceptionis, quotquot ejus fuerunt hætenus, & sunt Cultores ac assertores.



§ II.

ARGUMENTA

A ratione deducta

*Pro Immaculata Conceptione**B. Virginis MARIE.*

NOn auctoritas tantum, etsi hæc fermè sufficeret; verum & ratio multiplex Piam sententiam de Immunitate B. Virginis à peccato Originali sancit & approbat.

Argu-

Argumentum I.

Titulo Maternitatis Divinae B. Virgo fuit immunis etiam à peccato Veniali. Ergo multo magis ab Originali peccato. non minus enim, imò magis titulus Maternitatis postulat libertatē à peccato mortali, quale est peccatum Originale, quàm à Veniali. Aliter idem proponitur: Veniale animi pulchritudinem non corrumpit, nec charitatem extinguit, nec constituit inimicum Dei; & tamen Matrem Dei non decuit, ideòque ab illa omne veniale peccatum abfuit. Ergo tantò magis abfuit Originale peccatū nec animi pulchritudinem admittens, & inimicū Dei constituens, mortēque æternam animæ consciscens.

Argumentum II.

Originale peccatum, & actuale mortale, æqualem, aut majorem ignominiam malūque affert. Ergo si

mortale actuale arceretur à Matre Divina : etiam arceri debet Originale. Quod æquale, patet : quia , ut jam dictum, etiam Originale , est mortale peccatum. Quod majorem , patet ex effectibus, quos præter communes mortali peccato, in animum & corpus derivat. Tales effectus sunt, tum quòd peccatum Originale sit fons actualium peccatorum : nam, ut ait Divus Gregorius lib: 6. Moral. c. 15. *Ex peccato originali fit peccatum actionis* : Tum quòd hinc concupiscentia & fomes peccati descriptus à Paulo dicente : *Sentio aliam legem in membris meis captivam esse me in lege peccati* Et Rom. 7 *Non ego operor illud, sed : quod in me inhabitat, peccatum.* ubi reliquias peccati Originalis peccatum appellat, quæ ex causa nomen suum accipiunt. Sunt item alii effectus ejusdem Originalis culpæ ; ut multitudo conceptuum, gestatio gravis, dolor in partu, legalis immunditia puerperii sordes. Majora ergo mala adfert Originale,

nale, & maiorem ignominiam, quæ nulla deceat Maternitatē Dei, quàm actuale mortale: cum præter communia mortali peccato mala, prædictos effectus afferat.

Argumentum III.

EX negatione effectus necessarii aptè colligitur negatio causæ. At in B. Virgine non fuit effectus necessarius peccati Originalis, nempe fomes peccati, seu concupiscentia invitans ad peccatum. Ergo & causa ejusdem fomitis propria, seu peccatum Originale abfuit. Fuisse autem in B. Virgine relictum vel abditum fomitem ipso Cōceptionis suæ exordio sentiunt suar. Vafq. Barrad. Canisius, Marsilius, Cordubensis, Thomas Argentinas. Hinc

Argumentum IV.

Indecorum esset ponere in B. Virgine Dei Genitricis fomitem peccati, qui est prava propensio ad malum,

102. *Argumenta à Ratione deducta*
lum, & intestinum appetitûs ac rati-
onis bellum, qui militat adversus a-
nimam, & captivat in lege peccati.
Ergo indecentius est in B. Virgine
ponere peccatum Originale. Si enim
bellû appetitûs & rationis dedecet,
multò fœdus est viciûm esse in eodẽ
bello.

Confirmatur ex collatione nomi-
num Fomitis & peccati Originalis.
Nam fomes peccati juxta S. Basili-
um est *innatus demon omnia prava sua-*
dens; juxta Magistrum sententiarum,
Tyrannus; juxta Chrysostomum *terna*
multiplex serpens; juxta Tridentinum
est *ex peccato, & ad peccatû inclinat*. Sed
peccatum Originale lōgè magis hæc
nomina hæreditat, tum innati dæ-
monis. (nam ut alicubi ait Chryso-
stomus, Peccatû est magnus dæmon)
tum etiam tyranni, à quo illud *grave*
ingum super filios Adam à die exitûs de vē-
tre Matris eorum: & insuper, ut ex S.
Dionysio Turrianus depromit, *pecca-*
tum Originale est habitus dissimilitudinis

Dei,

Dei, homini ingenuus, estque privatio justitiæ Originalis debitæ, ut aliqui illud describunt. Si ergo dedecuit fo- mes peccati, multò magis peccatum Originale dedecuit Matrem Dei ob eadem nomina.

Argumentum V.

PLus est gratiæ & privilegiorum B. Virgini concessum, quàm aliis omnibus, ut habet Sanctus Thomas 3. p. q. 27. ubi ait : *Rationabiliter cre- ditur, quod illa, quæ genuit Unigenitum à Patre plenum gratiæ, præ omnibus aliis ma- iora privilegia acceperit. Et Hierony- mus Epist. de Assumpt. inquit : B. Vir- ginem credendum est, ampliora promeruisse virtutum privilegia & gratiarum.* Sed aliquibus concessa est gratia immu- nitatis ab omni prorsus peccato in prima suâ productione, ut Angelis, & Adamo ac Evæ, imò & posteris Adæ immunitas à peccato Originali fuisset collata, Adamo non peccan- te. Ergo tantò magis gratia illa im-

104 *Argumenta à Ratione deducta*
munitatis à peccato collata fuit B.
Virgini in prima suū Creatione seu
Conceptione.

Confirmatur ex eo quod dicit Au-
gustinus : *Plus B. Virgini gratia datum*
esse ad vincendum omni ex parte peccatum.
Vbi non loquitur de solis actualibus
peccatis : nam ab his præservati sunt
infantes, qui mortui post baptismum,
imò & sine baptismo. Item. ly, *Ex o-*
mni parte vincendum ab illa peccatum, q-
omnia excludit. Si ergo alicui data gra-
tia ad vincendum peccatum, ita ut
nec illud in prima suū productione
habuerit, plus gratiæ ad idem datū
est tūc Virgini Beatae, adeoque mul-
tò magis illa tunc caruit omni pec-
cato. Imò. sit.

Argumentum VI.

BEata Virgo vicit Angelos gratiâ.
Item à SS. Patrib⁹ sanctior quàm
Cherubim & Seraphim dicitur, ut
suprà attulimus & Epiphanius serm.
de laudibus Virginis asserit : *Ipsa fuit*
purior

purior omnibus Cherubim, & omni exercitu Angelorum. Vnde tanto magis verum est dictū Idiotæ in contempl: de Virgine c. 1. ubi ait : *Non æfuit tibi Puritas Angelorum o Virgo.* certè enim non defuit par Puritas, ubi adfuit major. At quomodo Sanctior, quomodo æquè Pura, non tantum purior omnibus Angelis fuisset, si cum illi nunquam peccâssent, illa peccâssent in Adamo, utique lethaliter ?

Argumentum VII.

A Ut Deus voluit quidem, sed non potuit integritatem animi etiam ab Originali labe in B. Virgine servare : aut potuit quidem, sed non voluit Vtrumque Deo contumeliosum : quia voluisse, at non potuisse ; potentiam Dei extenuat : potuisse autè & noluisse, bonitatem ejusdem, & debitam erga Matrem suam pietatē deprimit. Censendum est igitur & potuisse, & voluisse præservare illam à prædicta labe, adeoque præservâsse.

Argumentum VIII.

EX una parte, possibile fuit B. Virginem à peccato Originali præservari : vel in pacto cum Adamo non includendo B. Virginem, quoad transfusionem voluntatis, ejus in voluntatem Adæ peccantis; & sic nec debitum proximum contrahēdi peccati Originalis incurrisset : vel si in pacto cum Adamo inclusa fuisset, in instanti Conceptionis ei gratiam Sanctificatam infundendo, cum qua non flaret peccatum in eodem instanti : aut certè ante unionem animæ cum corpore, vel in ipso instanti unionis, condonando ei peccatum Originale. Ex altera parte id decuit Matrē Dei ob consanguinitatem immediatam cum Deo Homine, cui non congrueret habere Matrem, quæ haberet reatum damnationis æternæ, & mancipium unquam foret diaboli. Ergo censendum est, sic præservatam.

Argu-

Argumentum IX.

Dignitas naturæ Angelicæ & humanæ ad suâ decentiam postulabat, ut justitiâ Originali in sua prima creatione ornaretur. Aliàs nobilissimæ illæ naturæ haud decēter se omnino haberent, & peritiam Authoris in eis condendis requireres. Sed naturalis dignitas Matris Dei longè superat dignitatem naturæ Angelicæ & humanæ. Nam secundum S. Thomam inest illi quædam dignitas infinita. Ergo hujus dignitatis decentia potiori jure Originalem justitiam sibi in Matre Dei vindicat. Aliàs Authoris dexteritas in tanta Matre absolvenda & perficienda manca videretur.

Argumentum X.

Absurdum videtur dicere, B. Virgini ex eo solùm, quod Adami filia fuit, si in accepta justitia ipse cōstans fuisset, gratiam prorsus deberi; & ex eo, quod Dei Mater futura erat,
non

108 *Argumenta à Ratione deducta*
non similiter eidem hanc gratiam de-
bitam fuisse. Ergo si data illi fuisset
gratia Originalis ex filiatione Adæ
non peccantis, data est potiori jure
ex Maternitatis Divinæ exigentia.

Argumentum XI.

Mensura gratiæ Virginis est eius Ma-
ternitas juxta Bonaventurā. cum
ergo Maternitas Divina ex sententia
Scholasticorum cum S. Thoma di-
gnitatem habeat infinitam ex bono infinito,
quod est Deus; ad suæ dignitatis explē-
dam mensuram exigeret gratiam in-
finitam. Ergo multò magis exigit fi-
nitam, quā minor illam dedeceret.
Et talis est gratia etiam Originalis,
ceu basis solida illius immensitatis
gratiæ ei contentanæ.

Argumentum XII.

OB decentiam Maternitatis Di-
vinæ, etiam oppositā sententiā
fatēte, post primum Cōceptionis in-
stans, nullum fuit momentum tem-
poris,

poris, quo non augetetur continuo gratia B. Virginis; ideoque ex speciali privilegio erat in continuo actu amoris Divini nec ad instans interrupti. Cur ergo hoc privilegio in primo instanti Conceptionis defraudatam putent, & providentiâ Dei specialem minùs illi providissè in eo instanti, quàm in reliquis omnib⁹; cum pro pari privilegio decerneret semper eadem Maternitatis decentia? At qui cum illo amore supernaturali in momento Conceptionis habito peccatû non consisteret.

Argumentum XIII.

IVxta Gersonem alphab. 88. lit. 2. item juxta S. Bernardinum Senensem to. 2. ferm. 51. a. 1. c. 2. itē juxta Petrum Damiani, quò etiam S. Brigittam Revelationum c. 32 § 4. trahit Suarez, & Salazar, Beata Virgo in primo instanti Conceptionis suæ Deum clarè vidit. At visio clara Dei impossibilis est cum peccato quo-

110 *Argumenta à Ratione deducta*
quovis. Huic enim visioni necesse est
conjugi amorem Dei ardentissimū.
Ergo in primo instanti Conceptionis
suar B. Virgo fuit sine peccato.

Quod si dicas, sic eam in primo in-
stanti Conceptionis non meruisse il-
lo actu amoris Divini ut pote neces-
sario ad visionem consequente ; dici
poterit vel cum Suarez idem, quod
de Christo, qui duplicem amorem Di-
vinum habuit: unum secutum beatā
visionem, alterum Sciētiam infusam;
hunc fuisse meritorium, non illum :
vel dicere quis possit cum Vasquez,
per aliarum virtutum actus, ut etiam
per amorem generis humani meruis-
se Christum & B. Virginem in coin-
stanti : deinde, quidquid sit de meri-
to, sufficit, quod Originale, ut nec
aliud ullum peccatum, cum visione
beata consistat.

Argumentum XIV.

Beatæ Virgini Scientia infusa ine-
rat ab instanti Conceptionis un-
de

de S Bernardinus Senensis 10. 2. serm.
 51 a. 1. c. 2. inquit. *In prima sancti-*
ficatione, quantum ad rationem & intelle-
ctum, tanta illi claritas superinfusa est, ut
hæc septem perfectè intelligeret secundum quos-
dam. Primò, naturam creatam irrationa-
bilem: secundo, naturam creatam rationa-
bilem: tertio, naturam creatam spirituale:
quarto, naturam increatam Divinalem:
quinto, omnia que erant assernanda & fu-
gienda: sexto, omnia, que erant sequenda
& amplectenda: septimò, per quem modum
& ad quantum gradum omnia essent orien-
da Hucusque S. Doctor. Ergo ab eo
 instanti per contemperationem & a-
 morem Deo inhæsit, ut à nullo bono
 creato & commutabili avelli inde
 posset. Ex auxilio enim speciali illa
 contemplatio Dei ita attenta, & a-
 mor ita vehemens fuit, ut omnem
 naturæ motū contrarium sopiret ac
 impediret. Si autem tunc Deo per
 amorem supernaturalem à scientia
 per se infusa & contemperatione pen-
 dentem inhæsit tam firmiter, ac im-
 mo-

112 *Argumenta à Ratione deducta*
mobiliter, quomodo tunc locus peccato foret? Certè Sanctus hic Doctor sanctificatam fuisse in primò instanti suæ Conceptionis docuit supra.

Argumentum XV.

Matris Dei, & servorum Dei infinitum est discriminē, ut ait Damascenus Orat: 1. de dormitione Virginis. Si ergo servis Dei, Sancto Joanni Baptistæ, & Jeremiæ datum, ut in utero sanctificarentur, ille sexto mense, hic fortè adhuc maturius, Mater Dei debuit sanctificari etiam in primo instanti Conceptionis. Alòquin si & Virgo post casum Adæ erecta ut & illi, quid intervenit in Matre Dei & servis Dei, ratione cujus infinitum aut ingens discrimen sit inter illos & Matrē Dei quo ad hoc? nam si major gratia Divinæ Matris dicatur sufficere ad id discrimen; cur non etiam maturior, & talis, quæ sit ante casum? cū sit convenientius per hoc discerni in primis Matrem Dei

Dei à servis Dei, quod illa ita Mater esset Dei futura, ut nunquam fuerit filia diaboli, in qua filiatione nō sunt permitti etiam servi diu permanere, quin tam maturè sanctificati, à peccato Originali liberarentur.

Argumentum XVI.

IN sententia Francisci Suarez, prius B. Virgo fuit electa ad Maternitatem quàm ad gratiam. quia (inquit hic Doctor) omnes gratiae, quibus exornata fuit, eum in finem illi tributa sunt, ut digna Dei Mater existeret: oportuit autem, ut ordinata esset electio, finem prius praevideri, quàm media, quae ad finem ordinabantur. At hinc sequitur, dādam datāque fuisse B. Virgini gratiam Originalem. Nam potissima causa immunitatis ab Originali peccato, est Maternitas Divina. Ut esset digna digni, Immaculata Sancti, ut ait Origenes. imò si prius, quam praevisa foret Mater Dei, accepisset gratiam, quo nomine à primo peccato fuisset

H

libe-

114 *Argumenta à Ratione deducta*

liberata? Plerique huic discursui applaudunt; nisi quòd prima propositio Suarii non ab omnibus admittitur: quia si prius electa supponatur ad Maternitatem, quàm ad gratiam; nil meriti ad eam dignitatem Maternitatis attulisset contra sententiam Patrum & Ecclesiæ canentis: *Quem genuisti portare.* Aliud argumentū Francisci Suarez obiter hîc attexo: quod pro majori propositione Syllogismi assumit illam propositionem Augustini ex lib: 5 contra Julianum c. 9. Is, qui grandioris ætatis peccatum actuale non commisit in infâtili ætate, hec Originale contraxit. Minor subsumitur: Sed B. Virgo juxta Concilium Tridentinum & ipsummet Augustinum nullum actuale cômisit. Ergo nec Originale contraxit. Scio quid responderi queat ad hoc argumentum; sed Auctoritas Augustini pro majori propositione etiam de adulto & bono usu rationis prædito, argumenti vim tuetur. Minor etiam
de

de nullo est tam certa præter Christum; est enim de fide; & Suarez (tā-
tus Doctor!) infert prædictam con-
sequentiam! an ergo & hoc argumē-
tum vi suā careat?

Argumentum XVII.

AD Christum suscipiendum in In-
carnatione, major requirebatur
in ejus Beata Matre integritas animi,
quàm corporis, ut per se patet: &
quia potior est animi integritas, quàm
peccato corrumpitur, quàm corporis,
quàm sine peccato etiam omittitur. Si
ergo ob decentiam Maternitatis Di-
vinæ perpetua esse debuit Virginitas
corporis in B. Virgine, multò magis
perpetua integritas animi. Atqui
hanc primo corrumpit peccatum O-
riginale. debuit ergo hoc abesse à
Virgine. Hinc illud Ambrosii dictum
de illa: *Virgo erat non solum corpore, sed
& mente*, hoc, inquam dictum citans
Gerson serm. de Conceptione, sub-

H 2 infert

116 *Argumenta à Ratione deducta*
infert sic : *Alias non Ergo mente, si pec-*
cato Originali corrupta.

Argumentum XVIII.

ET si munus Mediatoris primariò
Christi proprium sit ; tamen se-
cundariò post horum munus Media-
tricis tribuunt B. Virgini Sancti Pa-
tres : nempe Ephrem de laudib⁹ Vir-
gis : Basilus Seleucus serm. de In-
carnatione : Bernardus serm. de ver-
bis Apocal. ubi ait : *Opus est Mediatore*
ad Mediatorem istam ; nec alter nobis utili-
or est, quam MARIA. Fuit verò Medi-
atrix, ut hic obiter attingam, non i-
deo tantum, quod Christum genuerit
Mediatore ; sed tum ratione pro-
priæ mortis, quam pro salute homi-
num desideravit & obtulit unà cum
filii morte, ut habet Arnoldus Car-
notensis tract. de laudib⁹ Virginis :
tum ratione mortis Filii sui, quam
voluntariè pro redemptione humani
generis litavit, ut habet Bernardinus
Senensis to. 1. serm. 51. c. 4. tum quia
apud

apud filium Mediatricem agebat. Fuit ergo Mediatrix B. Virgo Hinc sic arguitur pro Immac. Concept.

Ex munere Mediatricis inferunt Patres immunitatem Virginis à peccatis actualibus; ut habet Bernardus epist. 174. ubi ait *decuisse, ut abique omni peccato duceret vitam, qua munus vite omnibus obtineret, Mediatrix pro actualibus hominum delictis.* Atqui eadem Virgo est Mediatrix pro Originali hominū peccato. Ergo etiam immunis esse debuit ab Originali peccato. Quod autem Mediatricem se gesserit etiam pro Originalibus hominum culpis; patet tum ex Petro Damiani, qui eā dicit *Originalis peccati tenebras dissipasse. & totum deterfisse maledictionis antiquae contagium* (serm. de Nativ.) Tum ex Ildephonso, qui libro de Parturitione Virginis inquit: *Constat eam ab omni peccato Originali fuisse immunem, per quam non solum maledictio Eve soluta est, verum etiam benedictio omnibus condonata.* Tum ex Bernardo clarissimè, qui serm. su-

118 *Argumenta à Ratione deducta*

per missus ait: *Curre Eva ad MARIAM, curre Mater ad Filiam: ipsa mortis opprobrium auferat, ipsa pro Matre satisfaciat: si vir cecidit per feminam, iam non erigitur, nisi per feminam.*

Immò primariò munus Mediatricis pro Originali hominum peccato illam egisse hinc ostenditur: nam B. Virgo fuit socia & æmula Christi Domini in mediatione. At Christus etsi pro omnibus actualibus hominū peccatis Mediatorem egit, principaliter tamen pro Originali, nam, ut aliàs dictum, principaliter decreta fuit incarnatio ad remedium peccati Originalis juxta S. Thomam & alios Doctores plurimos: Ergo & B. Virgo. Vnde subinfero: Si ergo Mediatio secundaria pro peccatis actualib⁹ probat B. Virginem ab actualibus peccatis fuisse liberam; etiam primaria mediatio ab Originali peccato, eam statuet ab eodem peccato liberam.

Argu

Argumentum XIX.

Gometius in § item Serviana Institut. de actionibus & obligationibus ait: *Obligatio generalis nunquam comprehendit res, per quas consulitur publicæ utilitati.* At nulli dubium, quantum humano generi profuerit prolitque Beatissima Virgo; & quantum per illam consultū publicæ salutis ac orbis utilitati, dum primum conciperetur. Igitur sub generali maledictio nō debet comprehendī.

Argumentum XX.

Adhuc legem aliam (leges autem rectæ rationis partus sunt) adduco ex Vlpiano, in lege, Princeps. ff. de legibus; ubi sic dicitur: *Augusta, licet legibus soluta non sit, Princeps tamen eadem, illi privilegia concedit, quæ ipse habet.*

Quin ergo & Augusta cæli terræque Princeps gaudeat immunitate à peccato etiam Originali, à quo liber extitit summus Princeps idemque Virginis sponsus? Certè nullus libe-

ralior sponsus in Sponsam Principē fuit, quàm Christus in hanc Augustam nostram; adeoque animorum conjunctio debita inter Sponsos hujusmodi privilegium concedere Augustæ persuasit.

Argumentum XXI.

Fini par est congruere media. Si ergo finis, ad quem Beata Virgo est electa, supremus & inauditus, nempe, ut esset Mater Dei præter legem & modum communem pariēdi; quid mirum, si & inaudita media, ut alia, ita & Conceptio insolita ad tantum finem accommodata? Sic arguit Baradius noster.

Argumentum XXII.

Beata Virgo specialiter dicitur Sponsa Dei; quia in Verbi nuptiis, loco totius naturæ humanæ ipsa consensum præbuit, ut habet S. Thomas 3. p. q. 30. a. 1. Ergo in sola Virgine natura debuit esse integra, & in sua dignitate, quæ in reliquis per culpam

pam vitiata. Nam oportuit ad Con-
nubiū Verbi unam seligi incorruptā,
in qua esset naturæ integritas, & gra-
tia ac iustitia Originalis constans, nec
fidem datam violans unquam. Vn-
de in canticis dicitur. *Vna est columba
mea speciosa mea.* Cui ibidem dicitur :
Veni de Libano sicut mea Sponsa.

Item si sponsa fuit Dei: at Sponsæ
transeunt in familiam Sponsi, l. qui-
cunque C. de re militari. Item uxor
sequitur leges & forum viri ex com-
muni sententia Jurisperitorum. Præ-
terea ejuldem Originis censetur cum
marito, ut docet glossa leg. Origina-
li C. de municipatu & Origin. 1. 20.
Ergo & Beata Virgo à suorum parē-
tum familia desciscens, in novā Spōsi
Christi familiam transiit ac Originē,
quatenus abiecit vitiosam naturæ O-
riginem, & Puram Sponsi Originem
accepit.

Argumentum XIXIII.

H₅ Deus.

DEUS præcepit Matrem honorare, & (ut ait Alexander III. apud Petrum Blesensem. in Instructione fidei ad Soldanum) *quod docuit, mandatum fideliter adimplevit.* Ergo absit, ut dicatur cen. suæ legis trāsgressor, Matrem suam non honorāsse, quatenus, cum posset illam, per anticipationē prævertendo peccatum, gratiā Originali cohonestare, id distulerit, ac tantum, postquam peccato inficeretur, illam mundare decreverit. Hinc Gerson serm. de Conceptione alloquitur Christum. *Appareret legem illam non bene adimpleri, si in immunditiam & subiectionem peccati Originalis aliquo tempore permitteres Matrem illam, quæ esse deberet habitaculum, templum & palatium totius Patriæ.* Certè Filius non censeretur honorare Matrem & debito amore prosequi, qui ab ea lapsum in foveam aut in captivitatem, nollet avertere, cum posset, idque malum prævideret; sed expectaret, donec sic laberetur, & captivaretur, ac tum demum
illam

illam his malis eximeret. At indulgentius se gessit. Dei Filius erga Beatam Matrem, quàm quicumque optimus filius erga suam.

Argumentum XXIV.

BEATA Virgo fuit prædita potestate & autoritate Matris in Filium, ut præter alios Patres docet Ildephōsus, de Virginit. Sanctæ MARIÆ dicens: *Vt esset Dominator nascendo subditus Ancilla, sicque haberet Ancilla in subdito Dominum, Ancillam Dominus in Prælato.* At haud decorum fuisset, Christum sub Virginea potestate fuisse, quæ peccati servitutem fædissimam aliquando sustinuisset: imò censuræ id patuisset, quasi ex peccatrice Matre & serva peccati procreatus esset quâdam necessitate, veluti à peccato illam servare haud potuisset; cùm tamen non necessitate ullâ genitus ex ea fuerit, sed ut ait Chrysostomus in c. i. Math parentes suos adoptâverit, & Matrem elegerit. Elegit ergo dignam

124 *Argumenta à Ratione deducta*
gnam se, nec dedecori sibi futuram
ulli ob servitutem ullam peccati.

Argumentum XXV.

BEata Virgo prædita fuit dominio
Creaturarum (ut passim docent
Patres) excellentiori, quàm habuerit
Adam ante peccatum. Et quidem id
dominium sortita est ab instanti Con-
ceptionis suæ, ut ex Chrysologo col-
ligitur, qui serm. 142 de Annunt. ait:
*Quam nasci & vocari Dominam fecit &
imperavit ipsa sui germinis auctoritas.* Na-
sci autem etiam pro cōcipi sumitur,
ut patet tum ex Luc 1 Quod enim in
ea natura est, de Spiritu Sancto est:
tum ex Vasquez qui distinguit nasci
ex utero, & nasci in utero seu concipi.
Jam subsumo. Atqui Adam hoc
dominium accepit cum iustitiâ Ori-
ginali. hâc verò amissâ, & illud ami-
sit. Ergo & dominium excellentius
B. Virginis supponit gratiam Ori-
ginalem. Cum enim naturæ conditio
illam hominibus exæquaret, sola gra-
tia

tia super homines extulit in ipso Cōceptionis momento. Deinde, principatus in Angelos quomodo illi tunc congrueret, nisi gratiam Originalem habuisset, ut omnes Angeli in gratia sunt conditi? juxta Augustinum 1. 12. C. in c. 9. & Theologos. Adhæc, si ordo præposterus visus fuisset, ut sentit Scotus, Angelos Christo velut Regi sine Gratia unionis Hypostaticæ submitti; an non inordinatius putaretur; eosdē Angelos Feminae quondam imò tunc peccatrici subdi velut Reginae?

Argumentum XXVI.

SI Beata Virgo Originalis peccati rea fuisset, ejus judex & vindex Christus fuisset. Nam omne judiciū Pater dedit Filio Joan. 5. Atqui hoc non decuit: tum quia vel humana subsellia perhorrescunt, si Filius cōtra Matrem jus dicat: tum quia nequit esse locus judicio, ubi nec justitiæ. At inter Matrem & Filium (ut docet

docet Aristoteles Ethic. 8.) iustitia propriè dicta nequit intercedere ; quòd iustitia sit inter duos, illi verò indivisi & indiscreti cententur. Ne ergo filius contra Matrem ex jure agere posset ; oportuit, ne Virgo quidquam iudicio dignum admitteret, ne illa unitas inter illos solveretur. Non fuit ergo rea peccati Originalis.

Argumentum XXVII.

INdecorum esset, Matrem Dei poenitentiã agere ; ut habet Bernardus serm. 2. de Assumpt. dicens: *Virginalem domum intelligi volens Spiritus, siluit non incongrue poenitentiam, quæ malum committatur. Absit enim, ut proprij quidquam inquinamenti domus illa habuerit.* Sed Originale peccatum poenitentiã & detestatione dignum est, ut habet Suarez 3. d. de poenit. to. 4. & Vasquez. (est enim culpa Originalis in singulis propria : poenitentia vero est detestatio culpæ propriæ) Ergo absuit à Matre Dei.

Argu-

Argumentum XXVIII.

Reliquam vitam B Virginis post primum instans Conceptionis idcirco statuunt omnes ab omni culpa mundissimam, quia eò tota referebatur, ut digna Dei Mater existeret. Sed non minùs ad eandem dignitatē ordinabatur Conceptionis primum instans, & prima cōditio B. MARIÆ, quàm reliqua ejus vita. Ergo & Cōceptionis primum instās similiter ab omni labe fuit immunè.

Imò præfata ordinatio ad dignam Maternitatem Dei magis evincit Cōceptionis immunitatem : tum quia rerum initia sacratiora sunt, & omen reliqui decursus : tum quia genus Matris ad filios imprimis pertinet, quod per generationem ad eos transmittitur ; genus autem ex prima cujusque Origine & conditione decedit.

Argumentum XXIX.

Oppositi Authores, ut proximè dictū, per primum tantummodo

dò instans Conceptionis ajunt fuisse in peccato Originali B. Virginem; post illud instans ab eo liberatam. Nolunt ergo illam diutius mansisse mancipium dæmonis ob peccatum, quàm per primum instans. At si indecorum fuit mansisse tale mancipium diutius, quàm per instans; quomodo decòrum fuit mansisse tale, vel per instans? Imò cur non mansisset tale mancipium per plura instantia, vel per menses? semper enim opponi potuisset: vel fuit indecorum, Matrem Dei futuram mansisse orci mancipium primo instanti, vel non: si fuit; quomodo mansit? si non fuit indecorum primo, cur foret indecorum secundo instanti ex pluribus? Quod si decòri ratio valuit pro reliquis instantibus, cur non valuisset pro primo?

Argumentum XXX.

Peccatum Originale est ceu radix germinas peccata actualia. B. Virgo

go caruit hoc germine. Caruit ergo
& radice. Seu alter : Peccatum O-
riginale: est Mater actualium pecca-
torum, ut allatum est supra ex Divi
Gregorii lib. 6. Moral. c. 15. Ergo à
Divina Parente abesse debuit quid
enim ita pugnat cum Maternitate
Dei, ut Maternitas peccati?

Argumentum XXXI.

L Egalem immunditiam, quæ ex
partu contrahitur (Levit. 12.) &
puerperii sordes abesse Christus vo-
luit à Beata Virgine Matre, ut colli-
gitur ex Cypriano & Augustino. Er-
go multò magis labem Originalem,
quæ longè fædior. Item illæ puerpe-
rii sordes ex Originali peccato dima-
nant. Si ergo has horruisset in Matre,
magis earum fontem, idest, peccatū
horruisset

Argumentum XXXII.

Post Adæ peccatum, mulieri dictū
in pænam peccati : In dolore pa-
ries filios: multiplicabo **V**rumnas tu-
as;

130 *Argumenta à Ratione deducta*
 as; id est, tædia & molestias in gestā-
 da prole. Vnde sic arguitur: In Vir-
 ginis partū nihil de peccati lege ma-
 navit. Ipsam igitur communis illa
 peccati lex minimè comprehendit.
 Nam quòd pænas legis non sit exper-
 ta, satis declarat (quæ conjectura Pa-
 trum est) culpam etiam ipsam, quam
 gravis gestatio prolis, & dolor in
 partu consequitur, in ipsam non fuis-
 se derivatam. Sic colligit, culpæq;
 Originalis immunitatem immunita-
 ti huiusmodi pænæ adjungit Richar-
 dus Victorinus lib. 2. de Emmanuel.
 c. 28. ubi ait: *Quæ causa est quæve iusti-
 tia, ut remaneat in MARIA pæna, in qua
 nulla est culpa?* Sic & Cyprianus serm.
 de Nativit. inquit: *Non sustinebat
 iustitia, ut illud vas electionis (Sic B. Virgi-
 nem appellat) communibus lassaretur in-
 iuriis, quod plurimum ab aliis differens, na-
 turâ communicabat, non culpâ.* Sic & Il-
 dephonsus lib. de parturitione MA-
 RIÆ, ubi sic asserit: *Gemitus & corruptio
 in partu feminarum nonnisi ex delicto
 & ma.*

Et maleactione primæ Originis veniunt : at
beata Virgo nec dolorem sensit, nec corru-
ptionem viscerum pertulit ; quia quantum
aliena fuit à culpa, in totum extranea à ma-
ledicto primæ damnationis. Hucusque Il-
dephonfus.

Argumentum XXXIII.

Beaata Virgo à SS Patribus Repa-
trix & Corredemptrix appella-
ta. nam (ut alios omittam) Bernar-
dus sic ait : Sicut Adam non solus fuit in
nostra damnatione ; ita nec Christus in no-
stra salvatione : sed Christus principaliter,
MARIA minus principaliter. At si in e-
jus peccati, quod bonam creaturarū
statum evertit, consortium venisset,
nō esset reparationis causa, sed ever-
sionis socia. non igitur in ejus pecca-
ti venit consortium.

Argumentum XXXIV.

Deus tantam gessit curam Corpo-
ris Virginei, ut & in partu inte-
meratum, & in morte incorru-
ptum. Ergo par est credere, quod

maiores curam gesserit de mente & anima Virginis, ne illam peccatum ullum unquam temeraret. alioquin major haberetur ratio carnis, quam mentis: & Bonaventura in 3 d. 3. inquit: *Congruum fuit, ut Mater filij Dei sic esset immaculata mente, sicut intemerata carne.*

Argumentum XXXV

BEata Virgo ante omnes Angelos & homines est prædestinata; idemque ab Augustino & Petro Damiani dicitur Præelecta: ab Idiota Benedicta & præbenedicta: à Bernardino Senensi ante omnem creaturam in mente Dei præordinata. Ergo dignior erat, quæ præ omnibus à Deo primò nosceretur & diligeretur, uti & eligeretur. Sicut ideò Deus seipsum ante omnia alia contemplatur, quia omnium perfectissimus & optimus ipse. At si in instanti Conceptionis peccati labem traxit; quomodo Divinam voluntatem & amorem prima
ad se

ad se raperet, quam primò odisse oblabem illam oportuit? Imò sic Angeli & Adam cum Eva in innocentia conditi, amorem Dei ad se primi raperent; quia sine peccato, primo instanti suæ productionis fuerunt.

Item si Deipara ante omnes prædestinata etiã Angelos, imò si omnes alii propter B. Virginem ad gratiam & gloriam prædestinati, ut eximii Theologi probant: Nequit ergo ipsa non insigniri justitiã Originali. Nam absurdum esset dicere, Angelos nobiliori electione à Deo prædestinatos & honestatos; cùm tamen, propter quod unumquodque tale, & ipsum magis.

Argumentum XXXVI.

EX parabola Evangelii de decem Virginibus acutè non nemo sic arguit: Denarius in scriptura ad multitudinem notandam alluitur, ut pote numerus perfectus & completus; consequenter decem Virgines

illæ universitatem hominum significant salvandorum & damnandorum, prudentes & fatuæ. At Beata Virgo extra hunc numerum ponitur: quia omnes illæ decem Virgines exire dicuntur obviam Sponso & Sponsæ, id est Christo & MARIÆ juxta Interpretes. Ergo extra omnium illarum sortem est Beata Virgo. Atqui omnes illæ reæ fuerunt tum Originalis peccati, tum actualium. Ergo B. Virgo fuit extra hunc numerum sic inquinatarum, sed cum Christo computatur: *Exierunt obviam Spo. 10 & Sponsæ.* alioquin frustra extra omnes illas seorsim poneretur, nec vellet eam Evangelium inter omnes illas concludere; illas, inquam, omnes, de quibus illud: *Omnes in Adam peccaverunt: tum illud: in multis offendimus omnes.*

Item B. Virgo ibidem non dicitur cum aliis oleū comparare, per quod multi Patres intelligunt Misericordiam Divinam, quam omnes homines ad peccatorum suorum, quæ contraxerunt

xerunt remedium quarere debent :
Virgo autem Beata non eget miseri-
cordiâ sublevante sic ex peccato ;
quia nullum contraxit. Insuper non
dicitur Sponso occurrere , ut aliæ :
quia ejus est obviam ire, quia diffitus
aliquando & averfus fuit. Sed quia
B. Virginem nullum peccatum un-
quam à Deo separavit, aut averfam
fecit, jure non dicitur cum aliis obvi-
am ire, ac occurrere Sponso.

Argumentum XXXVII.

DVm Deipara dicitur benedicta
inter mulieres, præponitur reli-
quis mulieribus. Ergo & Evæ nondū
maledictæ & gratiâ Originali adhuc
præditæ. quid enim magnum esset, si
Evæ post peccatū maledictæ præpo-
neretur illa, quæ (ut ait Ildephonus
supra) *in totum fuit extranea à maledictō*
Evæ ? Ergo si Eva ante maledictionē
sine peccato & cum gratia Originali;
multò magis B. Virgo

Argum. XXXVIII. XXXIX.

Ex S. Bonaventura.

APUd hunc S. Doctorem in 3. d. cit. q. 2. sic habetur: *Quidam dicunt in Anima gloriosa Virginis Gratiā sanctificantem praevenisse maculam peccati Originalis, tum ob auctoritatem Augustini & Anselmi: tum ob rationes, quarum prima est: Quia inter extrema convenit ponere medium. Sed convenit ponere habentes peccatum Originale in anima & carne, ut nos habemus! & nec in anima, nec in carne habere, ut est Christus. Ergo convenit aliquem hoc peccatum habere in carne (ut per concupiscentiam concepta) non in anima. Secunda: Quia decebat Animā gloriosissimā Virginis excellentissimē sanctificari, non solum quoad abundantiam sanctitatis, sed & quoad accelerationem temporis; tum propter Christi honorem, quem decuit de Matre Purissima concipi; tum ob singularem promissam Deiparae, quae debuit in sanctitate omne superare (etiam anticipata) tum ob ordinis decorem, ut sicut fuit persona*
immu-

immunis ab Originali in carne & anima , sive in causa & effectu ; & sicut dantur persona utroque modo habentes Originale ; sic etiam esset persona media , quæ haberet peccatum Originale in causa & in carne , non in effectu & anima. Hactenus Bonaventura Seraphicus.

Argumentum XL. XLI.

Ex S. Anselmo.

Sic ille arguit sermone de Excellētia Virginis. Primò : *Angelos, aliis peccantibus, à peccato servavit Deus ; & Matrem suam futuram ab aliorum peccatis exsortem servare non potuit ?*

Secundò : *In aeternitate consilij eam dominatricem & Reginam fore Angelorum vidit ; & nunc inferiorem Angelicâ gratiam illi datam , & in consortium conceptam esse credamus peccatorum ? Existimet hoc , qui vult ; ego donec ostendat mihi Dominus aliquid dignum excellentiæ Dominae meae posse dici ; quæ dixi, dico : quæ scripsi, non mutò. Hactenus Sanctissimus Præsul.*

Argumentum XLII.

BEata Virgo juxta eundem S. Anselmum debuit eâ puritate nueri, quâ sub Deo maior nequit intelligi. Sed negatâ Virgini puritate suæ Conceptionis ; ejus puritas non esset talis , quâ major non. Nam hâc major esset puritas libera etiam ab Originali : item major esset puritas Angelica nullo unquam peccato , nec in prima sui Creatione temerata. Quod verò Virgo caruerit omni actuali peccato ; id etiam est commune infantibus tempestivè raptis , vel perpetuò amentibus etiam adultis. Ergo

Argumentum XLIII.

Quisquis omnia illustria & gloriosa dixerit de B. Virgine , nusquam à veritatis scopo aberrabit, ut ait Basilis Seleucus Orat. de Incarnat. Ergo & hi veritati consonant, qui gloriose de immaculata ejus Conceptione dicunt ac sentiunt : nam & hoc ad omnia illa illustria & gloriosa attinet , ut
nul.

nullâ parte ac instanti vitæ suæ non fuerit sancta : & nisi hoc etiam dicatur, nondum omnia illustria & gloriosa dicta sunt de illa, cum & hoc illustre ac gloriosum sit, Deiq; Matri congruum.

Argumentū XLIV & XLV.

Ex Augustini principijs.

IN primis hic Sanctus Doctor hanc Propositionem universalem ponit: lib. 3. de lib. arbitr. c. 5. *Quicquid tibi verâ ratione melius occurrerit, id scias fecisse Deum bonum omnium conditorem.* Sed verâ ratione melius occurrit, Matrem Dei nullâ peccati etiam Originalis labe fuisse inquinatam. An enim vera ratio non docet, Matris habendam rationem, non tam ut erigatur post lapsum, quàm ut servetur à lapsu & interitu, cum potest servari à filio? An non vera urget ratio, ut Mater Divina, puritate ~~pareat~~, quâ par sit tantâ filii tanti Matrem? Sciendū igitur est, id fecisse Deum Matrem
tri

tri suæ, ut tantâ puritate niteret, & labe Originali non inquinaretur.

Idem Hipponensis Antistes serm: 35. de Sanctis, B. Virginem sic alloquitur: *De te, quidquid dixero, minor laus est quàm dignitas tua meretur.* Si ergo omnis laus Virginis est infra dignitatem illius; multò magis dedecus ejus animo adscriptum inspersumque ejusdem dignitati derogat; quale est si dicatur, vel per unicum instans fuisse illam odii Divini objectum & in dæmonis mancipatu.

Argumentum XLVI. XLVII.

Ex S. Bonaventura principis

MAjorem mundum posset facere Deus; majorem Matrem, quàm Matrem Dei facere non potest; inquit S. Bonaventura in speculo cap: 8. Hic vel tantùm exaggerat dignitatem Maternitatis penes dignitatem terminatam, vel penes insitam Matri illi excellentiam. Si primum; nihil novi in laudem Virginis dicitur: quis enim

nim dubitat, quod non possit dignior
gigni filius, quàm qui sit Deus? Si se-
cundum; propositio non subsisteret;
nam excellentia hujusmodi Matris
major esset, si esset purior; adeoque
ex duabus Matribus, quarum utraque
esset vel conciperetur Mater Dei,
sed una cum peccati labe concepta,
& altera sine ulla unquam labe, ac
ejus debito & priori purior; major
esset hæc altera

Idem S. Doctor ferm : 2. de Virgi-
ne MARIA, notabile encomium il-
li attribuit dicens: *In tantum Deo pro-*
xima fuit, tantæque sanctitate resplenduit,
& sic in summo bonorum omnium culmen
obtinuit, ut Creatura aliqua non unita ver-
bo nec perfectior, nec maioris boni capacior
sit. Subsumi jam facilè potest: At si
peccato Originali subjacuiſſet, nec
Deo proxima foret, quia hoc ipso à
Deo averſa per peccatum ac remo-
tiſſima: nec ſola Creatura unita ver-
bo ſanctitatem illius ſuperaret, ſed
etiam ſine unionẽ Hyppſtica ma-
jor

142 *Argumenta à Ratione deducta*
jor esset Creatura, quæ inter pares
gratias, nullius insuper peccati labem
nõsset. Ergo dicendum omnino eam
peccati Originalis labe caruisse.

Argum. XLVIII XLIX. L. LI.

Ex Doctore Angelico.

POnam hîc aliqua argumenta San-
cti Thomæ ex 3. p. q. 27 a. 4. qui-
bus probat à veniali etiam peccato a-
ctionis B. Virginem fuisse immunem:
hæc enim magis probant eam fuisse
immunem à culpa Originali.

Prima ratio S. Thomæ est hæc :
Virgo non esset idonea Mater Dei, si peccâs-
set aliquando : quia honor parentis redun-
dat in prolem juxta proverb : 17. Gloria
filiorum Patres eorum. Ergo nunquam
peccavit. Sed hæc ratio magis urget
de peccato Originali, si conferatur
non tantum Originale cum Veniali,
sed cum mortali : Quia peccata acti-
onis etiam lethalia non sunt per se
nata, ut à parentibus ad filios transfe-
ant, ut Ezechielis 18. dicitur : Filius
non

non portabit iniquitatem Patris : O-
riginis verò peccatum redundat ad
filios per generationem : quare cū
ex se ad transfusionem natum sit , si
hoc in Virgine præfuiſſet, Filii glori-
am magis imminueret. Multò magis
idem argumentum S. Thomæ urget,
ſi Originale peccatum cum Veniali
conferatur. Si enim non eſſet idonea
Mater Dei, ſi peccâſſet aliquando ve-
nialiter ; quomodo idonea foret , ſi
lethaliter peccâſſet Originali pecca-
to.

Secunda ratio S. Thomæ eſt, quâ
peccatum veniale à B. Virgine pro-
pulfatur : *Quia ſingularem habuit affini-
tatem ad Chriſtum , quia ab ea carnem ac-
cepit.* Dicitur enim 2. Cor. 6. *Quæ con-
ventio Chriſto cum Belial ?* Ergo in ea
nullum fuit peccatū. Hæc ratio ma-
gis arcet à B. Virgine Originale no-
xam, ut patet per ſe conſideranti. Et
inſuper notandum, quòd filius & Ma-
ter pro eadem perſona habentur tū
lib : ſinal : c. impub. Tū ex Ethic.
c. 8. ubi

c. 8. ubi filii à parentibus veluti alteri ipsi insperati dicuntur : tum quia filius dici debet imago & similitudo parentis genita juxta Augustinum. Sed peccatum Originale destruit hanc unitatem & similitudinem: peccatum enim hoc, ut supra ex Areopagita dictum, est habitus dissimilitudinis Dei inginitus; & major dissimilitudo Dei per Originale, quàm per actuale veniale. Debuit ergo hoc abesse tantò magis à Beata Virgine.

Tertia ratio Sancti Thomæ est : *Quia singulari modo Dei filius, qui est Dei sapientia, in ipsa inhabitavit, non solum in animo, sed etiam in utero. Dicitur autem sapient : 1. In malevolam animam non introibit sapientia, nec habitabit in corpore subdito peccatis. At si nō habitasset incarnata Dei sapientia in Virgine peccato veniali unquam inquinata; quomodo habitasset in inquinata longè fœdiori Originali labe?*

Quarta ratio ejusdem est : *Ideo, inquit, simpliciter fatendum est, quòd B. Virgo nul-*

ergo nullum actuale peccatum commisit, nec mortale, nec veniale: ut sic in ea impleretur, quod dicitur Cant. 4. *Tota pulchra es, & macula non est in te.* Certè si ad pulchritudinem hanc complendam removenda fuit culpa etiam venialis; quomodo componetur eadem pulchritudo cum teterrima peccati Originalis labe? Ita conficit Catherinus lib: 3. de Conceptione Virginis: & locum hunc ex canticis adductum ad Immaculatam Virginis Conceptionem refert Richardus Victorinus, ut supra indicavi; & Galatinus lib. 7. de arcanis, c. 4. Item Alensis, Gerson, Cusanus Cardin. Bellarminus, Valentia, Barradius, Carthusianus, Suarez, Vasquez, & alii.

Argumentum LII.

Ex principiis Doctoris Angelici.

ADhuc plura argumenta pro Immaculata Conceptione eruere placet ex principiis & dogmatibus Doctoris Angelici, quæ principia P.
K. N.

146 *Argumenta à Ratione deducta*
Nicolaus Cichovius proponit.

In primis 3. p. q. 27. a. 2. dicit S. Doctor, adducens verba illa Exodi ultimo: Postquam cuncta perfecta sunt, operavit nubes tabernaculum testimonij. Ergo, inquit, Beata Virgo non fuit sanctificata, nisi postquam cuncta eius perfecta sunt, scilicet, Corpus & Anima. Jam subsumitur: sed in instanti Conceptionis seu unionis animæ cum corpore, cuncta hæc Deiparæ sunt perfecta, scilicet corpus & anima. Ergo tunc eam implevit gloria Domini & sanctificavit.

Argumentum LIII.

Aliud principium habetur 3. p. q. 27. a. 5. ubi sic ait Angelicus Doctor: *Quantò aliquid magis appropinquat principio in quolibet genere (ponamus, principio omnis puritatis) tantò magis participat effectum illius principij. Hoc principio posito subsumit S. Doctor: sed B. Virgo fuit propinquissima principio gratiæ, id est, Christo (dicam ego, propinquissima fuit principio omnimodæ*

modæ puritatis, nempe eidem Christo) *ergo maxime participavit gratiam Christi* : dicam ego, puritatem omnimodam, adeòq; immunitatem ab omni macula etiam Originali.

Argumentum LIV.

ADhuc S. Thomas sic argumentatur 3. p. q. 28. a. 1. ad 4. *virtus Divina cum sit infinita, ut non est determinata ad unum effectum, ita non est determinata ad modum producendi quemcunque effectum. Ergo ut virtute Divina fieri potuit, ut prius homo de limo terra formaretur, ita fieri potuit, ut Christus de Virgine nasceretur.*

Inferemus nos ex eodẽ principio : Ergo ut virtute Divinâ, & gratiâ ex pura liberalitate Dei fluente potuere primi homines creari in gratia, ita in eadem gratia per merita Christi obtentâ potuit concipi B. Virgo. Quia ergo (ut supra attulimus ex Augustino) quidquid nobis verâ ratione occurrit melius, hoc scire debemus fe-

148 *Argumenta à Ratione deducta*
cisse Deum ; rationabiliter & id fa-
ctum dicitur.

Argumentum LV.

Idem Doctor Angelicus 3. p. q. 27.
a. 1. ad 2. sic ait : *Deus potentiam suam*
non alligavit, quin aliquibus ex speciali pri-
vilégio gratiam conferre possit, antequam na-
sceretur ex utero. Ergo eam contulit Deiparæ,
antequam nasceretur ex utero.

Hinc verò sic nos arguemus : Deus
ex speciali privilegio gratiam confer-
re potest animæ in primo instanti u-
nionis eius cum corpore, ut defacto
contulit primis parentibus. Ergo eā
contulit Deiparæ: nec enim potenti-
am suam alligavit, quin posset con-
ferre. Vel aliter : Deus potest ex gra-
tia Christi non tantum peccata con-
tracta remittere, sed à contrahendis
præservare. (nam Concilium Mile-
vitanum, ut refertur d. 5. de Consec-
ratione c. placuit, sic habet : *Quicū-*
que dixerit, gratiam Dei, quā per IESUM
Christum iustificamur, ad solam peccatorū

commisſorum remiſſionem valere; non etiam
in adiutorium, ne admittantur; anathema
ſit. Ergo à contrahendo Originali
præſervavit B. Virginem, non enim
alligavit potentiam ſuam, quia id ex
privilegio faceret. Vbi par modus
argumentandi inſtituitur, quo hic u-
titur S. Thomas.

Argumentum LVI

ADhuc illud aſſumitur, quod ha-
bet S. Thomas 2. 2. q. 10. a. 12.
*Sancti aliqui (ait) nati ſunt ſine labe Origini-
nali. Ergo & Deipara eſt ſine labe, ea nata.*
Hinc verò nos ſic ſupra etiam argu-
imus: Angeli & primi parentes in ſta-
tu innocentiæ ſunt cõditi & ſine pec-
cato. Ergo & B. Virgo in ſua Con-
ceptione ſic eſt condita.

Argumentum LVII.

ADhuc ſic idem Doct̃or diſcurrit
3. p. q. 31. a. 4. ad 3. *A Chriſto debu-
it abeſſe omnis immunditia. Ergo non de-
buit concipi ex femina concipiente cum libi-
dine. At inferri etiam poterit: Ergo*

K3 non

150. *Argumenta à Ratione deducta*
non debuit concipi ex Virgine inquinata peccato Originali. Nam majus dedecus Filii Dei foret: concipi ex peccatrice & inimica unquam Dei, quam ex femina sanctè & meritoriè ac sine peccato connubio functa.

Argumentum LVIII.

Idem Doctor Angelicus 3. p. q. 34. a. 3. sic discurrit: *Christus perfectè sanctificatus est, ut esset aliorum sanctificator. Ergo non solum habuit gratiam in primo instanti suæ Conceptionis, sed in eodem meritus est.* Subsumatur jam cum eodem S. Doctore: *Aiqui B. Virgo tantam gratie plenitudinem obtinuit, ut esset propinquissima Authori gratie, & eum pariendo, quodammodo gratiam derivaret ad omnes, ut habet 3. p. q. 27. a. 5. ad 1.* Ergo & illa habuit gratiam in instanti suæ animationis.

Argumentum LIX.

Quod à debito proximo peccati Originalis immunis fuerit Beata Virgo, præter pleraque superius

rius allata, insuper id urget: Quia debitum hoc est effectus peccati, ac relationem dicit ad peccatum; & peccatum inducit inevitabiliter filius Adæ. Est igitur deforme per se, & Deiparam multum dedecet. Item debitum hoc habet servitutis turpitudinem, quæ B. Virginem Adamo ut capiti submittit, & sub mortis ac peccati dominio illam reponit. At ista servitus B. Virgini indecora: tum quia Maternitas Divina, ad quam fuit electa, illi obstringit libertatem ac ingenuitatem, adeo, ut etiam à servitute Christi quâ hominis, eam exemerit, qui à patria Virginis Matris potestate non eximitur: patria verò potestas jure natutali talem servitutem perimit: tum quia. (ut in Syntagmatib. juris ait Petrus Gregorius l. 4. c. 1.) *Vilium est, quidquid servit. Et: Quidquid servitutem aliquam patitur, non potest esse nobile;* quod absit ab Angelorum & rerum omnium Regina.

Præterea debitum illud proximū


152 *Argumenta à Ratione deducta*
majorem indecentiā haberet in Ma-
tre Dei, quàm in reliquis hominibus,
quò enim dignior est Deiparæ perso-
na, eò servitus & macula fædior in ea
apparet : & è contra, quò obscurior
aliorum conditio , eò levior minus-
que indecora.

Argumentum LX.

Contra debitum proximum adhuc
est : Quia si ideò fomes peccati
in B. Virgine ab initio reſtinctus per
communem ſententiam, quia ex na-
tura ſua ad peccatum *materiale* inducit
& peccatum ſuadet ; omnibus autem
indecorum viſum eſt, Dei parentem
aliquid habere invitans ad peccatum.
Ergo multò magis debitum proximū
peccati ab illa arceri debet, quod ex
natura ſua cogit ad peccatum, & il-
lius contrahendi neceſſitatem indu-
cit. Quis enim neget turpius eſſe in
B. Virgine adſtruere tale cogens, ſi
turpe eſt illud tantū invitans? Ha-
tenuſ argumenta à ratione. Siſto in
hoc

De Immac. Concep. B. M. V. 153

Hoc illorum numero; quia & lectulū
Salomonis (qui Beatæ Virginis sche-
ma fuit) sexaginta fortes ambiunt.
Cantic. 3.



§ III.

QVÆSTIONES aliquot

*Piam sententiam de Immaculata
Conceptione concernentes resolvuntur.*

AD plenius elucidandum MARI-
ANÆ, in tua Conceptione, gra-
tiæ privilegiū, supersunt aliquæ quæ-
stiones hoc loco opportunè dissolvē-
dæ. Nec enim parum momenti affe-
ret ac lucis huic materiæ, earum cla-
rior resolutio. Sit ergo

Quæstio I.

CVM Sacræ Scripturæ loquantur
generaliter *Omnes in Adam peccâs-*
K 5 se.

Je. Et 1. Cor. 15. Sicut in Adam omnes moriuntur, ita & in Christo omnes vivificabuntur. Et 2. Cor. 5. Si unus pro omnibus mortuus est; ergo omnes mortui sūt:

Quomodo ab Adæ peccato & morte hac animæ eximetur B. Virgo, salvo hoc Sacræ scripturæ textu?

Respondendo primò sæpè generaliter loqui scripturam, tamen hinc aliquos eximi, nec in ea generalitate includi. Sic dicit scriptura nasci nos omnes naturā filios iræ, & quòd nec infans unius diei sit sine peccato: item quod in multis offendimus omnes: omnes student avaritiæ. Omnis homo mendax: septies cadit iustus; & tamen de B. Virgine certum est; eam in his omnibus non includi: certum enim est eam esse natam in gratia, nō filiam iræ; nec unquam actuali peccato offendisse Deum &c Imò in Genesi, dictum: omnis caro corruperat viam suam; tamen Noe & filii ejus fuerunt iusti, nec in ly, omnis caro, inclusi. Item generale est illud maledictum: In dolore paries; à quo tamen

B. Vir-

B. Virgo exempta. Genericum & illud est: *Deum nemo vidit unquam* &c. tamen, quod in carne mortali Deum viderit Moyses, & postea Paulus, docent plerique Interpretes. Idem de B. Virgine docet Rupertus, Divus Antonius, Bernard⁹ Bernardinus Sennenſis, Albertus Magnus, S. Thomas de Villanova, Gerson, Medina Carthusianus, Suarez, Vasquez.

Respondeo secundò sumendas hujusmodi generales sententias in sensu accommo, vel secundùm legem ordinariam, ac secluso speciali privilegio, quale hîc intervenisse prædicta duobus § probant. *Confirmatur* responsio primò ex S. Augustino, qui serm. de Assumpt. ait: *Non immerito Virgo MARIA verâ estimatione à quibusdam generalibus excipitur, quam tanta servat gratia, & attollit dignitatis prerogativa.*

Confirmatur secundò clarissimè ex S. Anselmo in Officio Nagerolis de Immac. Concept: lectione quartâ, ubi sic habet: *Sanctus Paulus omnes homin*

nes in Adam peccasse fatetur : sed cum eminentiam gratia Dei in te, MARIA Virgo, considero ; sicut te non intra omnia, sed supra omnia, quæ facta sunt, ineffabili modo contueor ; ita & te non lege naturæ aliorum in tua conceptione devinctam esse opinor.

Confirmatur tertiò fortissimè : Quia Tridentinū adducto Pauli textu, quo omnes homines damnat peccati Originalis, expressè ab hoc decreto excipit B. Virginem dicens, non esse suspensionis, in hoc decreto comprehendere immaculatam. Virginem Dei Genetricem.

Locus ergo scripturæ de omnibus, non est de omnibus nemine excepto ; siquidem non vult Concilium ibi includi B. Virginem ; uti & alii Pontifices, qui sub gravibus pænis prohibent Piæ sententiæ de Immaculata Conceptione inurere notam hæreseos ; quam tamen non evaderet Pia sententia, si de fide esset, omnes ibi includi nemine excepto, consequenter nec B. Virgine. Nempe etiā huc illud quadrat, quod ab Assuero dictū

Esthe-

Estheri: *Non pro te est lata hac lex, sed pro omnibus.* Pro omnibus enim lata lex excepit Estherem, uti hîc B Virgine.

Confirmatur quartò ex politicis: Nā ut quis excludatur à quacūque obligatione, sufficit, quod verisimile sit, eum non esse comprehensum à faciente obligationem. l. obligat ff. de pignoribus. Item, ut suprà monuimus, obligatione generali nunquam comprehenduntur res, per quas consulitur publicæ utilitati; ut est apud Gometium § item Serviana. Institut. de obligation. & action. Item Augusta simul cum Cæsare à legibus universalibus soluta est l. Princeps. ff. de legibus; & Reginæ dignitas communē subditorum legem ignorat, nec tam ab illa eximitur, quàm illam non ingreditur.

Quod verò ultimò dicebatur ex S. Paulo: *Si unus pro omnibus mortuus est, ergo omnes mortui sunt*; ad id respondetur, alios dici mortuos formaliter, alios

alios virtualiter, quando scilicet obnoxii sunt morti, & in præseti ac certo periculo mortis, nisi illis extraordinariè succurratur, ut succursum est Beatæ Virgini à Christo merente illi immunitatem à morte formali per peccatum Originale incurrenda.

Quæstio II.

CVM aliqui è SS. Patribus adversari videantur, Immaculatæ Cōceptionis sententiæ, nimirū S. Thomas, Divus Antoninus Rupertus & quidā alii quid ad hoc Pia sententiā.

Respondet primò aliquibus, seu aliquot, contrarium sentientibus, plurimos ex omni pænè sæculo à temporibus Apostolorum superius § 1. à nobis esse oppositos.

Secundò illos, qui contrarium puritati Conceptionis Virgineæ asserūt, esse sibi ipsis contrarios. Nam sic in uno loco hac de re asseruerunt, ut alio loco oppositum & ex mente Piæ sententiæ dixerint. Solent asserri loci ex

et ex Ruperto, S. Thoma, S. Bonaventura contrarii, sed tamen hi clarè alibi asserunt Immaculatā Cōceptionem, ut patet ex textu eorum citato sub § 1. Divum Antonium ajūt aliqui mutasse sententiam apud Salazar cap. 42. de Concept. Bernardus clarè nobiscum sentit alibi.

Tertio si nunc viverent illi Patres, & viderent sic ab Ecclesia universali celebrari festum Cōceptionis, & per sententiam Tridentini excipi à decreto de peccato Originali, & per Pontifices ita Piam sententiam probari, indicto oppositis silentio; illi Patres idem cum Pia sententia, & Ecclesia sentirent in Piam sententiā inclinata.

Quarto (quod bene advertat Lector) circa alia etiam dogmata, antequam vel definirentur, vel in unā aliquam partem inclinaret Ecclesia, oppositus olim fuit quorundam sensus, qui tamen non obfuit parti ab Ecclesia antepositæ. Ostendo id per
plures

plures instantias. 1. Tempore S. Cypriani lis fuit de rebaptizandis hæreticis. Cyprianus cum aliis Episcopis censuit rebaptizandos, antequam illi innotuisset contraria Ecclesiæ decisio. 2. Tempore S. Hieronymi non cōstabat ex Concilii generalis decreto de numero librorum Canonorum; quare & Patres, & Hieronymus variè de hac re sēserūt. 3. Primis item sæculis magna fuit dubitatio de Origine animæ, putabaturq; in hac vita insolubilis ista quæstio, utrum anima ab Adam descendat? an singulis à Deo infundatur? actumque hac de re in pluribus Conciliis, nec definitum; donec tādē Leo IX. in explicatione fidei definiret Animam è nihilo creari & corpori infūdi. Quatuor Græci PP. Nazianzenus, Basiliius, Chrysostomus docebant teste Cyrillo Alex. lib. 6. in Joann. c. 6. Angelos esse ante mundum conditos; tamen hanc sententiam damnavit Concilium Lateranense sub

se sub Innocentio III. c. 1. 5. Angelos esse corporeos plurimi Patres docuerunt, & à Pozza recensentur pro hac sententia Patres viginti tres; quæ sententia itidem damnata in Concilio Lateran. cap. Firmiter. de summa Trinitate. 6. Similiter Animas justorum ante resurrectionē non frui visione Dei docuerūt Patres ferè sexdecim; tamen postea definitum est contrarium. 7. Fuerunt Catholici Doctores, qui ante Concilium Tridentinum putârunt Sacramentū cōfirmationis & extremæ unctionis per Apostolos institutum, non à Christo, neque per Sacramentum Matrimonii, gratiam ministrari, ut videre licet apud Bonavent. Alensem & alios: quibus contrarium est Tridentinum. Ex quibus instantiis

Patet inprimis, non esse inconueniens, si aliqui Patres inclinârint in eam sententiam, quæ postea fuit condemnanda.

Patet præterea veritas illius asser-

L ti,

ti, quod in jure Canonico habetur cap. Ego solis. distinct. 9. ubi sic dicitur : Quantâlibet sanctitate doctrinâque polleant, non idcò verum puto, quia ita senserunt; seu ob solam auctoritatem : nempe si pro illorum sententia non sit tam probabile argumentum, ut pro alia parte. Hinc & Glossa in cap. Noli meis literis. dist. 15. c. ult. ait: scriptoribus non solum omninò credendum, etsi Sancti sint; nisi quod scripserint, probaverint per Canonicas auctoritates.

Quintò (quod iterum attendas velim, doctissime lector) non obstantibus pluribus & gravibus Patrum testimoniis, quæ Beatæ Virgini actualē culpam imponebant, vel imponere videbantur; ut assert citatus Auctor textus aliquos ex Ambrosio, Beda, Richardo, Tertulliano, Theophylacto, Chrysostomo, Origene, Euthymio : Item non obstante sensu Patrum Concilii Milevitani cap. 6. & 8. ubi dicitur, neminem esse sine peccato;

tamen

tamen Concilium Tridentinum Sess. 6 can. 23. de Iustificatone definivit, Beatam Virgine nullo unquam peccato etiam veniali peccasse. Ergo simili ratione non deberet obstare aliquorum Patrum auctoritas Virginei Conceptus sanctitati, maximè in circumstantia oppositæ auctoritatis Ecclesiæ in Piam sententiam, ut dictum est, propendētis; & auctoritatis plurimorum aliorum Patrum eidem Piæ sententiæ faventium. nempe si timeas lædere auctoritatem unius & alterius Sancti Patris oppositi; cur non timeas lædere auctoritatem ferè sexaginta Patrum Piam sententiam tenentium aut insinuantium?

Quarto Respondetur ad quosdam Patrum textus. Augustinus *carnem MARIÆ vocat carnem peccati*: Sed hîc significat tantum Virginem Beatam ex peccatoribus propagatam; seu habuisse carnem humanam non quæ sit peccatrix, sed quæ ex ratione cõmuni, peccati rea sit. Sic etiam de car-

ne Christi ait Tertullianus c. 16. *Hinc etiam confirmamus, eam fuisse Carnem in Christo, cuius natura est in homine peccatū &c.* Et S. Ambrosius in Psalm. 118. inducit naturam humanam Filio Dei suadentem sic : *Suscipe me in carne, quæ in Adam lapsa est : suscipe me non ex Sara, sed ex MARIA.* Porro Augustini sententiam Cōceptioni Immaculatæ cōformem suprà retulimus.

Adducitur ab adversis & Chrysostomus, sed immeritò. dū enim Hom. 3. in Matth. ait : *Quamvis Christus non esset peccator, naturam tamen humanam, de peccatrice suscepit :* Loquitur ibi de Barfabca Uriæ, quæ ponitur in Genealogia Christi à Matthæo, ex qua Christus ortum habuit.

Quod si adhuc objiciat aliquis Sāctos Patres, qui B. Virginem ajunt mundatam, purificaram, expiatam tempore Incarnationis. Nam Ildephonsus ait lib. de Virginit. & parturitione : *Quando Spiritus S. in eam advenit, totam defecavit à sordibus Virginem.* Et

Da-

Damascenus orat. 1. de dormitione Deiparæ ait : *Spiritus Sancti vis sanctificans supervenit ac purgavit.* Et Ambrosius in Lucam inquit : *Spiritus Sanctus superveniens in Virginem, mentem ipsius ab omni vitiorum sorde castificavit.* Si, inquam, hæc quis obijciat, quæratque, quomodo sorde non caruerit, quæ emundata dicitur? Ad id Respondetur inprimis, prædictis locis Patres non loqui de purgatione rigorosè accepta, quâ purent sordis aliquid emaculatum in Virgine, quod plurib⁹ argumentis ostenditur. *Primò* : Quia aliqui Patres dicunt non solum animi, sed & corpus Virginis à Spiritu Sancto depuratum; nefas autem est dicere, aliquid libidinis & immunditiæ unquam in corpore Virginis fuisse, quod purgatione indigeret. *Secundo* : Quia aliqui Patres Virginem etiam ab actualibus peccatis expurgatam ajunt, quod colligitur ex verbis prædictis Ambrosii, nefas autem est asserere, B. Virginē, aliqua propriæ

actionis peccato sorduisse. *Tercio* : Nonnulli ex Patribus Virgine à concupiscentiæ fomite mundatam attulerunt; cum tamē verior sententia neget quidquam fomitis in Virgine unquam expurgabile fuisse. *Quarto* : Non sat firma hæc testimonia Patrum ad probandam in ea labem Originalis peccati. Nam dicti Patres purificationem & emundationem tempore incarnationis perfectam fuisse dicunt; & tamen Fides catholica docet, Virginem ante suam Nativitatem & ortum sanctificatam fuisse.

Respondetur præterea, Patres explicandos esse, sicut infra dicetur de Redemptione B. Virginis. Nempe ut is, qui redimitur non est necesse, ut culpam aliquam contraxerit; sed præstantissimam redemptionem esse illam, quæ præservat à culpa: sic ut quis emundari dicatur, non est necesse, ut sordes contraxerit emaculandas; sed optima & dignissima Purificatio est, quæ à sordibus defendit

ac præservat. Sic & de Christi carne Ambrosius in epist. ad Roman. c. 8. ait: *Expiata est à spiritu Sancto Caro Domini, ut in tali corpore nasceretur, quale fuit Ada ante peccatum.* Certè in Carne Christi sordes expiandæ non præcesserunt, tamen expiata dicitur, id est, ab omni piaculo & forde præservata ac protecta. Sic ergo & de Virgine Patres accipe. Vnde & à 3. Thoma 3. p. q. 32. a. 4. ad 1. *Dicitur Spiritus S. purgans Virginem, id est, præservans.* Ita S. Thomas se ibi explicat. Quòd verò tempore Incarnationis dicant emundatam, intellige tunc Spiritûs Sancti gratiâ omnem æstum & libidinis incendium abfuisse, unde ait Cyprianus serm. de Nativitate: *Spiritu Sancto obumbrante, incendium Originale extinctum est, id est, prohibitum;* Quatenus B. Virgo peccati Originalis effectus & reliquias in partu non sensit, scilicet libidinem, laborem, & dolorem.

Quæstio III.

Quomodo Beata Virgo dicetur
 eguisse Redemptore, aut redē-
 pra, si non incurrit maculam
 peccati Originalis? Præterea immu-
 nitas à debito proximo peccati Ori-
 ginalis si asseratur; quomodo habe-
 bitur hæc per Christum, seu ex meri-
 tis Christi; adeoque, quomodo cum
 prædestinatione Christi cōponetur?

Porro B. Virginem esse redēptam,
 est de fide. inmo Patres asserunt illā
 specialiùs & principalius redemptam.
 Hinc Ambrosius ait: *Dominus redem-
 pturus mundum, operationem suam inchoa-
 vit à Matre; ut per quam salus omnibus pa-
 rabatur, eadem prima salutis fructum hauri-
 ret ex pignore.* Et Bernardus serm. de
 Assumpt. sic inquit: *Plus pro Virgine
 redimēda is venit, quàm pro alia omni cre-
 atura, juxta illud: Vulnerasti cor meum
 soror mea Sponsa. Pro amore tuo carnem
 sumpsi, & vulneribus primis vulnerasti in
 cruce cor meum.* Nam primogenita Redē-
 ptionis

prionis Filij sui Virgo beata. Magnificētius id exprimit Ildephonsus l. de Virginit. *MARIÆ*, sic eam alloquens: *Procido ante te, solum opus incarnationis Dei.* Quasi sola dignum esset negotium, in quo perficiendo infinitum redemptionis Christi pretium decorē sit impensum. Denique Bernardinus Senensis to. 4. serm. 8. de flammis amoris Dei ait: *Exultavit Spiritus meus in Deo saluari meo: quasi dicat 'B. Virgo. Singularis Salvator meus. quia aliqui Doctores dicunt, quod Deus Assumpsit carnem potius propter salvare Virginem singularem, quā omnes alias creaturas.* Hæc Senensis. Esse ergo redemptam B. Virginē, nemo dubitat.

*Ad tertiam banc Questionem
quoad primam partem.*

Respondetur Primò, B. Virginem fuisse redemptam modo redimēdi præstantissimo, quatenus præservata est à captivitate peccati, idque ex meritis Christi. Talis modo redi-

Ls mendi

mendi modus colligitur tum ex Augustino in Psalm : 85. ubi dicitur : *Uterq; indiget Medico, & qui infirmus est; ut infirmitas sanetur; & qui potest esse infirmus, ut in sanitate seruetur.* Idem l : 2. Confessionum c. 7. ait : *Tuæ gratiæ de puto, & quacunque non feci mala : omnia mihi dimissa fateor, & quæ sponte feci mala, & quæ te duce non feci.* Et Bernardus serm. 22. in Cantic. inquit : *Qui erexit hominem, dedit Sancto Angelo, ne laboretur : & hâc ratione fuit sapè utrique Redemptor, solvens illum, & servans istum.* Cùm ergo Beata Virgo ex meritis Christi fuerit præservata à peccato Originali, alioquin ei obnoxia saltem remotè; meritò redempta speciali & præstantissimo modo dicitur.

Confirmatur hæc responsio ex S. Bonaventura, qui in 3. d. c. qu. 2. ait *quosdam habuisse viam, quâ ostenderent, Deiparam eisi à peccato Originali immunè quoad animam indiguissè gratiâ Redemptoris, & defacto redemptam fuisse, etsi aliter, quàm nos. Nam nos post casum erecti sumus;*
at Dei

*at Deipara in ipso casu sustentata est, ne ru-
eret. Hinc & Scotus d 3. q. 1. ait :
Magis illa indiguit Mediatore praeveniente
peccatum, ne esset. al: quando ab ipsa contra-
hendum.*

*Respondetur, secundò, Adam & E-
vam tantum actuale peccatum habu-
isse, non Originale, nec debitum; ta-
men Adamum eundem cum Eva fu-
isse à Christo redemptum, quatenus
ab actualibus expiatus cum sua con-
juge. At verò Beata Virgo ab actu-
alibus redempta est, & quidem ex-
cellentius, quatenus nunquam pecca-
vit actualiter ex meritis Christi, ex-
cellentius autem est servare à lapsu,
quàm post ruinam in statum restitue-
re. Ergo & hinc dicitur redempta,
& quidem specialius B. Virgo, adeòq;
indiguisse Redemptore. Responsio
tertia videatur § 1. ubi ex S. Thomæ
sententia ille tantum non indigere
Redemptore dicitur, qui non est ob-
noxius peccato. Jam verò Beata Vir-
go absolute obnoxietatem remotam
visuæ*

vi suæ propagationis habuit, nisi per gratiâ Christi illi succursus fuisset, quâ & à peccato Originali, & à debito illius proximo est protecta ac præservata juxta illud, quod in oratione à Sixto I V. approbata dicitur: *Ut sicut ex morte Christi Filij tui prævisa, eam ab omni labe præservasti, &c.*

*Ad tertiam Quæstionem
quoad alteram partem.*

REstat adhuc ostendere, quod volebat tertia objectio, quomodo immunitas M A R I A N A á debito proximo peccati Originalis sit ex meritis Christi, & cum prædestinatione Christi componatur? Ratio dubitandi est: Quia suppositâ sententiâ Sancti Thomæ conformi Sanctis Patribus, quod Christus decretus sit in remedium peccati Originalis; in eo significationis, in quo intelligitur peccasse Adam, non intelligitur decretus adhuc Christus, sed naturâ posterius, & post peccatum. Ergo in eo signo non

non potest intelligi Christus ut B. Virginis Redemptor, aut merens illi immunitatem à debito peccati proximo. Quia antequam intelligitur Redemptor, & sic merens; in priori signo Adamo peccante, intelliguntur ut posterius peccasse, ita & Beata Virgo. Ad hanc difficultatem

Respondent variè Doctores. Primò Salazar ait in Adamum peccantem eorum tantum transfusas esse voluntates, quos Deus tunc determinatè futuros prævidit: non fuit autem (inquit) inter hos Beata Virgo *tunc*, quia ejus futuritio servabatur meritis Christi in altero signo decreti, & meritis existētiam suæ Matris ac immunitatem. Sed contra hunc discursum est: Quia negatio futuritionis B. Virginis pro eo instāti, in quo alii homines fore decreti sunt, & exclusio ejusdem Virginis à pacto & lege peccati fuit in hac sententia Salazari, antequam Christus esset decretus: quomodo ergo fuit exclusa tunc à pacto

pacto & lege peccati propter Christum? Deinde sic etiam posset dici redemptus Angelus, quem Deus nunc crearet intuitu Christi petentis illam creationem Angeli.

Respondent alii, quod Deus in pacto cum Adam initio de transfusione voluntatum, exclusit feminam, quæ futura esset Mater Filii sui id ei meritori.

Respondent alii tertio. Deum fecisse cum Adam pactum de omnibus ejus posteris etiam possibilibus, absolute; de B. Virgine tantum conditionate, si nimirum eam Christus non eligeret in suam Matrem.

Respondent alii quarto B. Virginem immunem à debito proximo fuisse per tale pactum Divinum, quo voluntas omnium transfusa fuit in voluntatē Adæ conditionate; & quidē virorum sub una conditione, si essent futuri: feminarum sub gemina conditione, si nimirum essent futuræ & non eligerentur in Matrem Dei, ca-

• *...sua.*

in Incarnationis futuræ. Fuit ergo redempta à Christo, quia ex ejus meritis electa est in Dei Matrem, adeòq; libera à debito proximo peccati, non tamen à remoto & ab obnoxietate remota, obquam nisi eam elegisset, illa peccasset in Adamo.

Nempe per hoc Christi meritis ascribitur tantum quo ad modum & circumstantiam, Virginis immunitas; quatenus Christus post suppositum decretum Dei unquam & nulli feminae determinatè applicitum, meruit, ut determinatè applicaretur illa immunitas B. Virgini: Nam etsi etiam hoc admitti possit; tamen etiam quoad substantiam tribuitur Christi meritis dicta immunitas, vel inadæquatè, quatenus hæc immunitas constituitur etiam per Maternitatem profluentem ex meritis Christi: vel etiam adæquatè, si concipiatur tale decretum Dei: Volo omnes posteros inclusos esse in voluntate Adæ, nisi pro signo aliquo posteriori mihi placuerit quosdam exime-

eximere vel ex meritis filii mei, si incarnabitur, vel ex alia causa.

Quæstio IV.

CUm soli Christo Domino propria immunitas à peccato etiam Originali videatur ex Patrum sententia; quomodo B. Virgo in ejus immunitatis consortium vocabitur, citra illius excellentiæ Christi extenuationem?

Certè Patres Christo proprium asserunt illam immunitatem. Nam Hilarius ab Augustino citatus l. i. contra Julianum ait: *omnis Caro (excepta illâ, qua sine peccato venit in similitudinem carnis peccati) sub peccati Origine & sub peccati lege nata est.* Et Origenes Hom. 7. in Leviticum inquit: *omnis homo in Patre & Matre pollutus est: Solus Dominus IESVS in hanc generationem mundus ingressus est.* Et Cyrillus Alexandrinus tractatu in Joannem sic scribit: *Omnes peccaverunt, & & egent gloriâ Dei, id est, Christo, qui solus fuit sine peccato.* Denique,

que, ut alios omittam, Ambrosius in Lucam disertè inquit: *Solus per omnia ex natis de femina sanctus in Conceptione fuit Dominus IESVS, qui terrena contagia corruptela immaculati partus novitate non sensit.* En ut sanctitas huiusmodi, Christo propria soli, à Patribus clarè asseritur!

Sed respondetur non difficulter: plurima interesse inter sanctitatem & immunitatē Christi à peccato Originali, & inter immunitatem ac sanctitatem Conceptæ Virginis Matris. Primò: Quia Christus Dominus ex vi suæ Conceptionis & Originis, quatenus ex Virgine virtute Spiritûs Sancti conceptus est, à culpa liber & immunis extitit; quo jure nec Virgo ex matre & femina concepta, nec ullus alius homo gaudebat. Vnde etsi unio Hypostatica liberum ab omni macula non redderet, sola talis procreationis ratio immunitatem ab Originali Christo Domino tribueret, & à debito proximo peccati ejusdem cō-

trahendi; Cùm tamen huic debito obnoxiam remotè faceret Virginem naturalis & consueta generatio; nec vis Originis, sed gratia Christi præservans eidem Virgini immunitatem ab Originali labe tribueret.

Secundò: Adhuc plurimùm interest inter justitiam ac sanctitatem Christi concepti, & conceptæ in sanctitate Virginis: quia Christi naturalis est sanctitas: Virginis ex adoptione; & Christus jure suæ Conceptionis sine ulla etiã superaddita justitiâ sanctus & justus fuit, eò quod illum Divinitas ipsa in una Hypostasi Humanitati sociata sanctum redderet; unde ab Athanasio dicitur *sanctitatem simul cum natura suscepisse*: quorum nihil intervenit in prima sanctitate conceptæ Virginis. Patet ergo, quomodo soli Christo sanctitas Conceptionis tribuatur à Patribus, à nullo sic, nec à Virgine delibata seu participata; cum qua stat Virginis immunitas per gratiam præservantem, non sicut in
solo

De Immac. Concep. B. M. V. 179
solum Christo per naturam & Originem.

Quæstio V.

Beaata Virgo communi hominum lege mortem obiit, quæ lex mortis, utique ex peccato Adæ profluxit, teste Paulo dicente : *Per unum hominem peccatum introiit in mundum, & per peccatum mors.* Quomodo ergo Virgo non fuit sub communi lege peccati, cuius pœnam pertulisse noscitur ?

Respondetur primo, B Virginem communi naturæ lege ex cognatione Adami & Evæ mortem subiisse ; non quidem lege naturæ vitiatæ & corruptæ (omnes enim peccati leges Beata Virgo ignoravit) sed naturæ ipsius jure, quæ ex conditione & constitutione sua morti obnoxia est. Vbi notandum, mortem homini esse naturalem, quòd ipsi corruptionis semina natura ipsa inseverit ; adeoque etsi Adam non peccasset, homines tandē

M 2 ali-

aliquando mortem oppetiissent, nisi illis præstò adesset arbor vitæ, cujus esu vires & valetudinem in dies restaurarent. Si enim homini ante culpam naturale esset, nunquam emori; frustra esset arbor vitæ ad tuendam vitam attributa. Itaque cum Dei decretum morti hominem addixit, non naturam commutavit; sed vitæ servandæ diu illi remedium eripuit, juxta illud Genes. c. 3. *Ne forte sumat de ligno vitæ, & vivat in æternum.* Et hæc sunt apud Patres exploratissima ac Interpretes. Vide Augustinum de Genesi ad literam: & S. Thomam 1. P. q. 2.

Respondetur secundo ex S. Augustino, qui serm. de Assumpt. dicit, *eâdem lege Christum & B. Virginem mortuos fuisse.* ubi non loquitur de aliquo jure culpæ, sed de humanæ conditionis lege naturaliter in mortem propendente: Ait enim ibi Augustinus: *A emores conditionis humanæ, mortem subisse illam (id est, Virginem) dicere non*
 • *metui-*

metuimus, quam idem certè, eius Filius, qui & Deus & homo est, lege sortis humane sustinuit. At verò Damascenus ait

Orat. 1. de dormitione Virginis: Oportebat illud (immaculatum corpus) exuita mortalitate incorruptionem induere, præferrem cum ne ipse quidē natura Dominus mortis periculum facere recusâret.

Respondetur tertio, mortem & alia incommoda corporis tolerata à B. Virgine, non fuisse pœnam respectu illius, sed pœnalitatem: sicut filii sine culpa sua interdum ob peccata parentum, privantur bonis.

Haëtenus


Elucidatio Piæ De M A R I A N O Conceptu sententiæ. Restat, ut vota Libellum concludant, Libello congrua: Nempe ut tandem Ecclesia sententiam, quam solam doceri iam voluit, credi iubeat. Si iusserit, (omnes dicto,

M 3 quod

quod solum Pars Opposita expectat-
vit, Pia diu votis exambit) habebit
obsequentes.

Tu interim Divina Parens,
--- *sic Romæ oracula flecte,*
Vt dignam Te,
dignam Filio sententiā quàm
primùm edicto ultimo con-
signet

Annulus Piscatoris.



EPISTOLA

S. Dionysii Arcopagitæ

Ad S. Paulum Apostolũ serm. 10.

Servus & novissimus unctus Dionysius.

Electissimo Vasi, Cælico Paulo


Præceptori & Principi Salutem.

Non credidi (confiteor) corā Deo, Prin-
ceps mi maximè, extra Deum summũ
& optimum esse, haberi etiam, nec ab homi-
nibus posse percipi, quam ego oculis non tan-
tũ mentis sed corporis vidi, perspexi, atq;
propriis oculis intusus sum Deiformem atq;
supra omnes cælicos Spiritus Sanctissimam
Matrem Christi IESV Domini nostri, quam
mibi benignitas Dei, & clementia Salvato-
ris, & gloria Maiestatis Deiformis Virginis
Matris eius. Quoniam cum à Ioanne, verti-
ce Evangelij & Prophetarum, qui incorpo-
re habitans, quasi sol fulget in calo, ductus fui
ad Deiformem præsentiam altissima Virgi-
nis, tantus me immensus Divinus splendor
circumfulsit exterius, & plenius irradiavit

*interius ; tanta etiam in me omnium odora-
 mentorum superabundavit fragrantia , ut
 nec corpus infelix, nec Spiritus posset totius
 ac tanta felicitatis insignia sustinere. Defe-
 cit cor meum, deficit Spiritus meus tanta glo-
 ria maiestate oppressus. Testor qui aderat in
 Virgine Deum, si tua Divina mente conce-
 pta non me docuissent, hanc verum Deum
 esse credidissem : quoniam nulla videri posset
 maior gloria Beatorum, quam felicitas illa,
 quam ego infelix nunc, tunc vere feli-
 cissimus degustavi. Gratias ago Summo atq;
 Optimo Deo, Divinaq; Virgini, & eminen-
 tissimo Apostolo Ioanni, & tibi Ecclesiae ver-
 tici, atque Principi triumphanti, qui mihi
 talia clarissime & clementissime, prae-
 stutis.*

*Hanc Epistolam Carthusianus in 1. sent. dist. 16. 9
 2. è fide dignis à se relatam memorat ; refert eandem
 Antonius Spinellus c. 5. num 57. & Adrianus Papa
 in 1. Epist. ad Carolum c. 36. meminit Epistola Diony-
 sii Arcopagita ad Joannem Apostolum.*

❁) O (185) O (❁



P R I M A

A Pomo Adæ

A B S T I N E N T I A ,


S E U

M A R I A N Æ

à prima H. minum noxa

I M M V N I T A T I

Dicata Panegyris.



¶ Nter prima Adæ Bellaria, hodie tandem
pulcherrimam famem non irritò indi-
xit Præcox Gratia, Auditores. Annæ
uterus Primæ Abstinentiæ theatrum fu-
it ubi, Mensam communem ejusmodi bella-
riis instructam, MARIÆ fastidia exceperè. Ve-

tuit quidquam de illis edere Gratiæ plenitudo, ac beata quædam mentis saturitas: & suspectas fecerat Paradisi cupedias, serpentis vicinia, quæ illas halitu temerârat. Fames ergo placuit, & tolerata per unicum Primumque vitæ Instans Temperantia, cum qua tota Deitas illapsa, & digna Cæli munera in innocentem animum influxêre. Atque hic demum influxus, locum omnem geniali noxæ ademit, quæ vacuum Deo mentem subintrat. Ita ubi esca interitum, vitam infudit aluitque Abstinencia: Nescit sic famescere prima hominum gula, etsi Arborem tunc Scientiæ degustârit. Imò hæc Scientia primus hominum error fuit, nullusque desipuit magis, quàm cui hæc Scientiæ bel-laria sapuere. Nec enim sapit, qui in lethali bolo totam se glutire Deitatem autumat; perinde ac si Deum ederet, qui culpam vorat. Nimirum inter gulæ consilia rarè profecit ingenium: nec perinde est mentem ventremque pascere. Atque hoc primum desipientis Mundi flagitium fuit: una hominem prostravit ingluvies, scelusque; & pedissequam sceleris mortem Arbor protulit, cum primò aleret, ac Orbem in uno conviva præfocaret. Totus panè in Cortice fuit sapor; sed medullam Pomi mors impleverat. Hic Mortem concepit uterus, ex quo non prius nata prodit, quàm tracto Pomi cortice, extingueretur, Gracia, Homine præsepulto. Ut jam omninò à morsu illo Mors au-xerit nomen, primamque Originem. Sic non in solos tunc fructus maturuerant arbusta, sed

in fata etiam; quantumvis propè creſceret Vi-
tæ Lignum! Solus luem evadere poterat quiſ-
quis gulam imperio coërceret; cum tamē nul-
lus non obſecundare genio, non per ſcelus ex-
ſaturari percuperet; adeoque vinci gulæ pro-
pudiot mallet ignobilitis Conviva. Ramus ergo
in trophæum aruit de Temperantiæ victæ ludi-
brio, dum ementita Sapientiam arbor menda-
cio nominis, palato per oculos illuſiſſet. Pla-
cuit enim Orbi Piaculare Pomum, veluti para-
ſitos poſceret Paradifus. At ſi pueriles cupe-
diæ infamem gulam deliniērant, ſat uero fuit ra-
pere ſilvam, quā unius arbuſculæ fatum: aut
potior fuiſſet Vitæ, quā funeſtiſſima Arbor
Mortis. Quanquam cum decerptos fructus og-
gereret virulentus dapifer; ſuffecerat, ne vel
fames illos attingeret. Malè etenim nutriunt
venena; nec fami rite conſulunt edulia, quæ
colubri afflatu vitiantur Peſtem traherent vel
ſalubria ab Acherontis culina! Placuere nihilo-
minus Mortis bellaria: quæ ne damnarent o-
culi, prohibuit color, ſub quo fæda etiā quan-
doque pulchris anteaſtant: ne genius eadem im-
probaret, ſuavitas effecit, quā venena etiam
temperantur, & virus diſſimulant. Suasere &
effuſa ab angue oracula, quaſi & illud Pomum
Imperiale & Regali Pomo auguſtius foret, ſub
quo laterent Divinitatis inſignia. An enim vi-
rus etiam guſtum terreret, quod Dijs infereret?
Miſera ambitio, quæ Divinitatis etiam contu-
meliā, Dei titulum preſabatur; illud præoptans
Vocabulum, quod piaculo conculcarat: quaſi
Deus

Deus esset, qui tantus heluo foret; aut iacturâ
 Virtutis, honos Nomenque Numinis condere-
 tur: Hic certe humana deliravit ratio, cum ut
 Cælum, id est, Dei Solium occuparet, abliguri-
 it Coelum; adeoque sperata ambitiosè Divini-
 tas, hominem Deo exuit. Nec satis unum deli-
 râsse Caput; omne jam æquè desipit! Trahitur
 enim tot jam sæculis ferale id Ambitionis Con-
 vivium, & convivanti terrarum Orbi, ætatum-
 que omnium gulæ unicum hucusque sufficit Po-
 mum. Totum adhuc superest virus, nec minu-
 it tot nepotum Saturitas, qui gulæ simul & am-
 bitionis primatum cum Adam fuere mancipia,
 priusquam crimina internoscerent: rei antequâ
 in supplicium maturesceret nimium præcox
 improbitas. Et unius quidem esu peracta o-
 mnium sagina, semperq; libari creditum, quod
 semel hic prælibavit; sed inexplebilis vorago
 perverustam gulonum seriem minimè inter-
 rumpit, quin quodam veluti contagio serpat,
 olim è colubri commercio haustum intempe-
 rantix virus. Non sibi hic temperat humana
 intemperies, etsi sola hoc communi alimento
 vorantur funera, & Pomum illud, Fenellæ Po-
 mo dolosius, conficit potius Convivam, quàm
 reficit. Vna tu demum famem feliciter pertuli-
 sti, Cælestis, quia tunc etiam terrenum morem
 prætergressa Virgo. Maturius Tibi abstinentiæ
 leges præfixit Gratia, quæ virulentis illis dapi-
 bus, Te obnoxiam haud lineret, certiusque
 trahendæ Divinitatis omen offerret à jejunio,
 quàm à Piaculari Cibo. In primo igitur vitæ
 aditu,

aditu, quæ nondum hauſeras lucem; jam adamâras famem atque adeo rudimenta vivendi inſolens tibi condivit inedia. Neque enim tu illâ orexim ſenſeras, cui venena ſaperent, ſed ſi tunc famelica fuiſti, non tamen mortis avida, quàm nutritiâ Gratia manu, cælum aleret toto Deo. Et alibi quidem ſequax æmulantium ardor, dum aliena premendo exprimit, in eandem laudis incurrit metam; ſed tibi haud licuit præviâ in parem temperantiam face ductorem ſubſequi, & præmonſtratum exemplo decus in animum imprimere; quod nullus præiret, per cuius ires veſtigia; imò prima exemplum daret, quod nulla ſequeretur ætas. Nempe per exempla huc deducere haud quiſquam poterat, niſi ductricem Gratiâ, cuius tu arbitrà manu regebaris, cæli benevolentia obtuliſſet. Adhæc, grandia ſæpius exemplo carent; ne præmium illis deterat par uſus crebrior: vel quod gloriæ ſolitudo, numeri ſolitudinem amet; ne dum ex abdito lucem proferat, publicum ante in æmulos provocatum, illi auferat gratiam novitatis. Pulchrius item eſt, prima eſſe inter exempla, & poſteros auctoritate provocare, ſi per eadem proferre laudem liceat. vel ſaltem raræ felicitatis admonere, ſi non liceat ulli, quod honorificum contigit ſoli. Porro Tecum, ô Alumna Gratia, orra vitalis hæc fameſcendi ratio, nullus vel imitationem patitur, vel exemplum. Sola enim tu ſeræ poſt alios, primæ ante omnes abſtinentiæ genus iniſti; tunc ſola cælum rapiens, cum alijs Pomum: Hæres Gratia, cum

cum alii vindictæ: demum conscia primæ
 pulchritudinis, cum eadem à nævo Principe,
 ludibrium in reliquis pateretur. Illuc igitur e-
 vasit Tuarum laudum origo, quò nulla perti-
 git; ut nempe ultra cômune decus abiit, quis-
 quis per præduces non eruditur passus ad lau-
 dum ardua, quæ præterit; nec prodromo eget,
 ut iter virtutis insistat. Prodromi certè prioris-
 que exempli spem abstulerat vis primæ illece-
 bræ, quàm arbor exeruit molli ad dulcia spe-
 ctatore. Egit hæc & in posteros, nec temporū
 locorumque longinquitas exemit quemquam,
 quin mellitum virus sugeret, fuitque simul o-
 mnium in Paradiso gula, et si non fuerit omniū
 vita. Ita gustulum Cæli inter arbusa & feraces
 ærumnarum dapes amissimus miseri Convivæ,
 maluimusque in delicato illo nemore prandere
 semel, quam convivari semper! Primi in illa
 temperantiæ arena victi oculi, dum vile obso-
 nium colore bella gereret, ac pupillam primo
 lenocinio feriret. Usque adeò nos picta debel-
 larunt arma, licuitque tunc cuique nostrum cō-
 queri: Ut vidi ut perii! Cæca quippe morta-
 litas ex coloribus decernit, dum rerum pretia
 rimatur, & in depicto cortice rudē defigit pal-
 pebram, etsi pulchra superficies, pestem ac do-
 lum operiat. Fateor tamen, Paradiso nativam
 loci gratiam affatim indulisse, quo spectatoris
 oculo suavius blandiretur; ubi Apellis naturæ
 penicillus, vivacis picturæ ingenio nobilem
 scenam adumbrarat, & arborum partus mira di-
 scoloris Pomonæ fecunditas distinxerat. Ne-

hil

nil Hesperidum, nil Thebarum vel Semiramidis Penfiles Horti, nil Alcinoi vireta, nil artis topiaræ miracula, nil verna Thessaliæ Tempe, vel autumnæ Campana, aut Cretæ opulentia par exhibet. Elysios quia fabulæ celebrant hortos, hîc à fabulis vindicâsses. Nec nomen loci mētitum, in quod sese voluptas transfuderat; cūm fidem faceret peramæna rerum facies & nativa horti felicitas, mœrorque extra voluptuaria illa Tempe adhuc exularet, digna meliore incolâ & convivâ, non qui unico morsu totam abliguriret sylvam, unico mensæ paratu omnem fortunam decoqueret. Nam ubi sic viruit ramus, consenuit virtus, quàm gulæ voluptas emolliit, hortique gratiam labefecit. Arbor effronduerat, ad quam Draco pervigil, alibi caudâ, hîc ore & suadâ nocentior. Saris encomiū rulerat arbor à fructuum pigmentis & frondiū prædulci pondere; auxit encomia serpens, auxere mendacia inter dolos disserta. Postea supplevit arbor eadem, quæ anguis, novus scilicet ab Orco declamator conscendit. Hic ille suadere convivia, quæ unica daret planta, in posteros suffectura: Parum illis tribui, si Arbor unica à mensis excipitur: Eam demum decere Convivas rationis capaces, quæ arbor esset Scientiæ: brutis alias communes esse, quibus totū ingenium in ventrem defluxisset: aliarum esu homines tantum; illa Deos ali gignique; nec tam fructuum hanc, quam Deorum fecundam esse: ederent ergo, & Dii repenti fierent: inanes crederent mortis minas, ubi Divina im-

morta-

mortalitas cum cibo caperetur. Fixit Aculeum Oratio, maluitque rudis Auditor sibilantem audire hydrium, quam tonantem mollius adhuc Deum. Divinitatis capeſſendæ illicio guſtulū ciere cæpit Arbuſcula, quæ peſtem colore tinxerat, & cū venena liveāt, ruborem illis per ferales pomi induvias ubertim inſperſerat. Credo, ut à Pomo verecundiam diſceret effrontis gulæ temeritas, quæ cū in rami ſpolium involat, aliena inter ſpolia ruborem exuit, eſi pudorem comes piaculi verecundia imperaſſet. Tantam peſtem inter plantulas vitales aluit horrus, quo nullus in terris beatior: Potior ſanè inter illa pomaria fuiſſet Tantali pæna, quàm palati deliniendi copia, cū tamē à penſili onuſtæ frondis munere manum nemo ſubduceret, imò tot eſſent paraſiti, quod necdum nati nepotes quibus jam tum male ſuada, quia malorum avida fames, remedium ſui ſuaſit poſcere à venenis. Reperit tamen perſonatus Coluber, cui ſuadela invitantis non imponeret; ſatisque ad odium eſcæ contulit, Anguem pro ea peroraſſe. Et ſanè averſam aurem meruit mendax Oratio, & quæ verbis Hyblam inſuderat, cū ſati acrimoniam mellitis dapibus miſcuſſet. Quare cū cæteros ſædaſſet læſa vetito admorſu temperantia; Tu intractū Mortis epulum reliquiſti, Virginum Hominumque ſolertiſſima. Ante manuum uſum, manum unica retraxiſti, ſamem conſecrans Principē, nec amulam paſturo Abſtinentiæ documēto Quàm verò tunc praudētium theatra Cælitum in virtutis

tuis admirationem exciſiſti ! ut in novos ad-
giſti plauſus Dei Regiam ! Pulchra omninò
Cælis geſtiendi ratio , quòd ſteteris una , ubi
ruerint omnes : quòd ſola inedia conſilium
admitteris, ubi mentem cibus abſtulit univerſis:
denique quòd datum id tuis, quod nullius pri-
mordiis , quæ cum poſt plura ſæcula gignere-
ris, ante omnia ſapuiſti. Et noveras (quis enim
Gratiæ magiſterio vel in utero non evadat e-
ruditione cautiore ?) noveras , quæ arbori
nocendi vis ineſſet , minis cæleſtibus circum-
ſcriptæ. Latere perniciem docuit verantis eſu
auctoritas ; cum ad mali conjecturam ſufficiat,
ſuperos aliquid vetuiſſe. Edictis illi prohibent
nocitura ; & abditam luem detegunt , dum im-
perio cæleſti præcavent. Quid anim ſalubre
quisquis autumet in Menſis Cæli testimonio
morte illitis ? Quis item Divinitatem à cibo
ſperet , qui Deum in Crucem egit ? Scilicet ci-
bus idem apotheoſi hominem conſecraret ; &
peſſundaret Deum ; velletque plures, cum unū
tolleret. Equidem menſa hæc nil Divinum in-
gerit, quæ unitatem Deo abrogat ; nec tam cæ-
lum reſerat , quàm ſepulchrum ; & pro Numi-
nis throno Sandapilam offert, ac feretrum à
quo Joves quidem prodeant, ſed eorum quili-
bet Jupiter Feretrius : Quisquis enim mēſæ hu-
ic accubuit, mox occubuit ; & cum manderet
pomum , cicutam fatalem ſorbuir ; eademque
malus taxum induit - - parentalemque cupreſ-
ſum. Tanti eſt , hortenſe illud ferculum , dra-
conem ab Orco advenā temperaſſe. Nihil ſtru-

Etor ille, nil Carptor in escaria lance apponit,
 quod non Mortis pabulum dicas; etiam dulcia
 lue condit, ac exitium inserit placituris. Me-
 liore alimento dignandam centuit cælum Vir-
 ginem, quæ Deum post aleret: ambrosiâ divi-
 niore, non condito fatis pabulo nutriendam in-
 dolem, quæ Vitam partu cælibe mox effunderet.
 Malè à prælibato mortis pabulo auspicia vivē-
 di duceret Vitæ Altrix. Non eger tam fatali ob-
 sonio, quæ orbem etiam tum excipere parat
 Pane Vitæ. Mortale quiddam in Pomo devo-
 ret; cui palatum desipit, & fatis proxima pro-
 bat: haud -- est mortale, quod optat, quæ Hor-
 ti Opificem præ horto colit. Ad hæc Orcus il-
 lum invitet, qui Cælo excluditur; aliter ve-
 scitur Cæli Augusta: aliter, quæ Deo sanguinē
 impertit, partuque consecrat, Deo consanguine-
 a. Quid ori illi cum escis lethalibus, cui vi-
 tale Verbum tam familiare? quid cum Libiti-
 naria planta, quæ immortalitatē, etsi in carne
 mortalem terris proferet? quid pestem gluti-
 ret, absumeret fata, quam beato nectare alit
 vitæ prælibatrix Gratia? quid ad hortentia
 melimela manum exporrigeret, quæ ipsa sibi
 vernans Hortulus, ipsa amantior nec bonorū
 sterilis, ut ille malorum Paradisus? Oculatam
 reperit fraus desultoria, & tam eloquens dolus;
 docuitque, unam sapere potuisse, ubi omnes
 delirant. Non illam latuit astus, qui latuit:
 nec traxere illicia, quæ universos inescarant.
 Non pe viluit cibus, qui nihil præter colorem
 ostentans, mille pestes intus, ceu utero gerit:

Adhæc

Adhæc id obſonii genus vitam natum eſt corrupere, non producere; ac corruptelæ fomenta horret integritas; ſuaviorque illi fames, quàm quæ nitorem animi extinguunt: animū obtruncant cupediæ. Dari alias Paris voluit aureum Pomum Pulcherrimæ; ſed hoc dare, creatæ Pulchritudinis Prodigio MARIÆ, melior de Cælo Paris verat. Fædiſſimis id datur, non pulcherrimis; nec enim decus intimum tanta fæditas alit: Haud pulcherrima Deo, niſi quæ & Puriffima. Nil ergo agis, ſtygie invitator: ſat gulæ hominum illuſiſti; una dolis tuis, una capiti inſultat, terris altior Virago. Pulcherrimam formârunt non tres, ſed mille Gratiæ; hinc jam vileſcit illi hoc viſu pulchrum, delectabile guſtu aſpectuque, quod arbor fatalis protulit, tu decerptum objicis. Non bene venuſtati conſulit, per quod allinitur animæ Orci fuligo. Deformat, quod in ſtygis malici-pium transformat. Id verò præſtat edulium, quod faſtidienti oggeris. Delet quippe ceruſſam, quam innocentæ candor animo impreſſit; nec ſanguinem venis infundit, ſed exprimit, dū in Golgothæ lethali colle, Virginis Filium cruentat. Viciffes, ſi victricem Gratiā, ſi nutritiam Verbi Parentem vincere, aut conſlare verbo dedecus licuiſſet. Eſt contra ſerpentes, præter Herculis cunas manuſve, Planta Virginis: eſt contra Pomi venena, Soſpitatrix Abſtinentia. Nec famem pertimeſcit, quæ Deo plena, cautiorque extitit, quàm ut ſeſe primo guloni compulerit, ſeu in Adæ voracis gulam, fa-

mem suam transfuderit. Fortior fuit illa, quam
 ut eam arbuscula expugnaret, fames subigeret.
 At nimis imbellis est Virtus, quæ tuta timet;
 hic vero fames tutissima, Temperantia certa
 triumphi. Quod si per universos abiit cum il-
 lecebra, escæ virus; an uni tandem Virgini, per
 Cæli benevolentiam, fames cautior haud ines-
 set? Si arbor cælesti oraculo traducta; an non
 unius saltem fides oracula excepisset? Si mina-
 rum fulmine interdicta comestatio; an vel se-
 mel non perhorresceret id fulmen gulæ? deni-
 que si pictus naturæ minio cortex pestem occu-
 lit, quam arrotus prodidit; an unius oculatio?
 Virtus imposturam non discerneret? Fecerat
 perspicacem Gratia, quæ prius MARIANAM
 pervasit mentem, quam temerare tentaret intem-
 perantia palatum. Excludit hæc à sui consortio
 pares animi nævos, nec in eodem loco patitur
 geniale pomum, quod infert Deum. Vicit ergo
 Abstinencia, & capiti Obsonatoris tragici plan-
 tam impressit triumphalem. Abijt elusus tan-
 to inedia prodigio doli artifex, & inter poma
 eliso Capite, de feralis convivii repulta indo-
 Iuit. Felix quidem alibi hic escarius impostor,
 & appensis Innocentiæ spoliis, ubique Pomo
 triumphat; sed hanc unicam victricem adorare
 cogitur, cui prima fuerit Virtus sic fuisse tem-
 perantem, ut antea nemo, postea nulla: prima
 illi in exortu gloria, in Paradiso nil edisse. Vna
 igitur nobile trophæum meruit, quale nulli ante
 defixit Orbis, cum de Pomo omnium vi-
 ctore prima omnium & unica
 triumphavit.

FR
t.
s
ta.
l-
er
ef-
on-
a-
e-
ni-
u-
or-
at-
M-
cē-
io-
ur
go-
n-
n-
na-
io-
or-
no-
re-
na-
na
na
nte

P.C.

Observandissime Paten

Przybywszy tu w te serare 2. Ruzlich przyjom
nam. Sohe' dulusimam quondam Conve
lationem cum Pte Va wlotkowin; Pra
mam Sohe' pwsunmo. Solatio 2 m

ma. Sober p. Summo. totaco 23

[illegible]

6



